

বিদ্যালয়ালিনী

আখ্যায়িকা

শ্রীলক্ষ্মীযুক্ত বাবু রত্ন- বন্দ্যোপাধ্যায়

জমিদার মহাশয়ের অনুমতানুসারে

শ্রীকৃষ্ণদাস শূর কর্তৃক

প্রণীত

শ্রীযুক্ত গিরিশচন্দ্র বিদ্যারত্ন কর্তৃক

সংশোধিত ও প্রকাশিত।

দ্বিতীয় খণ্ড।

কলিকাতা

নং ১৪, গিরিশ-বিদ্যারত্ন লেন,

অপর সর্কিউলার রোড,

গিরিশ-বিদ্যারত্ন বস্ত্র।

ইং ১৮৭৮।

বিদ্যুন্মালিনী

আখ্যায়িকা

শ্রীলক্ষ্মীযুক্ত বাবু রাজকৃষ্ণ বন্দ্যোপাধ্যায়

জমীদার মহাশয়ের অনুমত্যানুসারে

শ্রীকৃষ্ণদাস শূর কর্তৃক


প্রণীত

শ্রীযুক্ত গিরিশচন্দ্র বিদ্যারত্ন কর্তৃক

সংশোধিত ও প্রকাশিত।

দ্বিতীয় খণ্ড।

কলিকাতা



নং ২৪, গিরিশ-বিদ্যারত্নস্ট্রেন

অপর সর্কিউলার রোড,

গিরিশ-বিদ্যারত্ন যন্ত্র।

ইং ১৮৭৮।

শ্রীহରିচন্দ্র কবিরত্ন দ্বারা
মুদ্রিত ।



৪১০*

বিদ্যালয়ালিনী ।

দুপ্পা



প্রথম খণ্ডের আভাস ।

অদ্রবতী নগরীতে অশেষগুণাবিত দয়া-দাক্ষিণ্য-সম্পন্ন
বীরবর নামে এক মহারাজ ছিলেন। তাঁহার প্রধান
মহিমীর গর্ভজাত বিজয়কেতু-নামক রাজপুত্র অষ্টাদশ
বৎসর বয়সের মধ্যেই শাস্ত্র, শাস্ত্র, নীতি, কৌশল সম্বন্ধে
তাদি ও অস্বারোহণ প্রভৃতি বিবিধ বিদ্যায় ব্যুৎপত্তি
লাভ করিলেন। কুমার মন্ত্রিপুত্র সমভিব্যাহারে তুরঙ্গারুঢ়
হইয়া ইতস্ততঃ ভ্রমণ করত ধর্মপুত্রস্ব ধনপতি শ্রেষ্ঠীর
কন্যা ইন্দুমালিনীর প্রণয়পাশে এরূপ আবদ্ধ হইলেন
যে, কুমুমপুরস্ব রাজা বিজয়কেশরীর কন্যা বিদ্যা-
ভক্তার পরিণয়ে পরাজুখ হইয়া যুগয়ার কৌশলে ক্রমে
পিতা মাতার অনুমতি গ্রহণপূর্বক চতুরঙ্গ সৈন্য

সহকারে অরণ্যে সূর্য্যাত্রা করিয়াছিলেন, এবং ইন্দুন্মালিনী-
কেও ইহার সমাচার জ্ঞাত করিয়া তাহার সাক্ষাৎকার
লাভ প্রত্যাশায় সঙ্কেত-স্থলে অপেক্ষা করিতেছিলেন,
ইন্দুন্মালিনীও পুলকিত-কায়ে উন্মাদিনী সহকারে প্রিয়-
দর্শিনী হইয়া প্রিয়দর্শনার্থ আসিতে আসিতে দৈববশতঃ
অপরিচিত দুইটী পরিচারিকা দ্বারা অপহৃত হইয়া
যবন-ভবনে ন্যায়মানা হইলেন । কুমার ইন্দুন্মালিনীর
আসার আশায় হতাশ হইয়া মন্ত্ৰিনন্দনের সহিত ইত-
স্ততঃ ভ্রমণ করিতেছেন, এমন সময় গগনমণ্ডল মেঘাচ্ছন্ন
হইয়া বিন্দু বিন্দু বারিধারা নিপতিত হইতে লাগিল ।
কুমারের সৈন্যগণ প্রায় এক ক্রোশ অন্তরে শিবির সন্নি-
বেশিত করিয়াছিল । তখন উভয়ে শিবিরে যাইতে বিবিধ
চেষ্টা করায় কোনক্রমেই পারগ হইলেন না, সূতরাং
সেই অরণ্যের শিঙ্গিগন্তরে থাকিবার স্থান নিরূপণ
করিতে লাগিলেন । পরে এক নদীর তটে উপস্থিত হইয়া
জনশূন্য একখানি নৌকা তথায় আবদ্ধ দেখিয়া উভয়েই
তন্মধ্যে প্রবেশপূর্ব্বক অঙ্গের নীরপাত নিবারণ করিয়া
শীতল-সমনীরণ-মিথ্র কল্লোলিনীর হিল্লোলে গতক্রম
ও নিদ্রার সহচর হইলেন । ক্রমে ভয়ানক ঝটিকায়
ঐ তরঙ্গণীর তরঙ্গমালা ভীষণাকারে বৃদ্ধি পাইয়া
তটস্থ তরণীকে নীর-মধ্যে নিমগ্ন করিল । তখন রাজপুত্র
ও মন্ত্ৰিপুত্র নিদ্রাস্তরিত হইয়া কাষ্ঠফলক অবলম্বন

দ্বারা উভয়ে কুলবতীর উভয়-কুল-প্রাপ্তানন্তর উভয়েই উভয়কে অনুসন্ধান করিতে লাগিলেন । রাজপুত্র প্রায় দুই মাস বনভ্রমণ করিয়া মহারণ্যে উপস্থিত মাত্র নৃশংস নিষাদ কর্তৃক ধৃত হইয়া তাহাদিগের বন্যদেবী ভৈরবীর নিকট বলিদানার্থ নীয়মান হইলেন, পরে বিনা প্রার্থনায় ভৈরবীর কৃপাতে কুনার প্রাণদান পাঠিয়া ঐ নিষাদকৃত কুর্গারে ভৈরবীর সহিত অকৃত্রিম প্রণয়ে তাহার প্রতিবাসী হইয়া কিছু দিন কাল যাপন করিলেন । একদা রজনী-যোগে ভৈরবীর যোগবলে ইন্দ্ুমালিনীকে প্রাপ্ত হইয়া প্রাতে ভৈরবী ও ইন্দ্ুমালিনীর দর্শনাতাবে মৃত্যুবৎ ধরণী লুণ্ঠনপূর্বক বহুবিধ আক্ষেপের সহিত রোদিন করিতে লাগিলেন । ইতিপূর্বে মজ্জিনন্দন অপর পার প্রাপ্ত হইয়া ইন্দ্ুমালিনীর সহচারিণী উন্মাদিনীর সঙ্গ লাভ করত তাহার প্রমুখাৎ ইন্দ্ুমালিনীর অপহরণের বিষয় অবগতি মাত্র যথোচিত পরিভাপান্তে উন্মাদিনীকে বাণীতে পাঠাইয়া আপনি ইন্দ্ুমালিনী ও রাজপুত্রের অনুসন্ধানে অনুধাবিত হইলেন । পরে কুমারের অশ্বেষী সৈন্যের সহিত একত্রিত হইয়া মহারণ্যে উপস্থিতি মাত্র ধূলায় ধূষরিত কুমারের পদবন্দনা করিলেন । কুমার সেই মন্বাস্তিক দৃঃখের পর মজ্জিপুত্রের সঙ্গলাভে যৎপরোনাস্তি আহ্লাদিত হইয়া কুশল প্রস্নোত্তর দ্বারা বাণী বাজা করিলেন । তথায় পিতা মাতার চেষ্টায় বিদ্যালভার

পাণিগ্রহণপূর্বক বাসর-গৃহে কুমারীর সহিত ঠৈরবীর মূর্তির কিছুমাত্র প্রভেদ করিতে না পারিয়া অভিশয় বিস্ময়াব্বিত হইলেন । ক্রমে বাসরাগতা অন্যান্য কামিনীগণ স্থানান্তরিত হইলে, তিনি রাজকন্যার নিকট আপনার অরণ্যভ্রমণ ও ঠৈরবীকর্তৃক জীবনরক্ষার বিষয় বর্ণন করিতে লাগিলেন । রাজবালা সহানুভূতিতে কহিলেন, ঠৈরবী আমার জ্যেষ্ঠা ভগিনী ; আমি কল্য যোগবলে ঠৈরবী দিগিকে আনিয়া আপনার সহিত সাক্ষাৎ করাইয়া দিব ।

ত্রয়োদশ কুসুম ।

এখানে ইন্দুমালিনী সূচতুরা দাসী-দ্বয় দ্বারা অপ-
কৃত হইয়া ঐ যবনধামে যদ্রূপ আক্ষেপোক্তি করিতে
লাগিলেন, তাহা ত্রিপদীচ্ছন্দে নিবদ্ধ হইল ।

ইন্দুমালিনীর আক্ষেপোক্তি ।

বিধি, ভব কিবা বিধি, বিষধর-শিরোনিধি,
কোন ভেকে ভেকে আনি দিলে ।

মনে না ভাবিয়া দ্বিধা, মিটাতে বায়স কুধা,
গরুড়-ওষ্ঠের সুধা নিলে ॥

মুখ ফুটে বলি কায়, বুক ফাটে মরি হায় !
পক্ষীপ্রায় বন্দী ব্যাধ-জালে ।

ঠাকুরের প্রিয় ভোগ, কুকুরে হইল যোগ,
সিংহ-খাদ্য শৃঙ্গালের গালে ॥

অবলা সরলা বাল্য, না জানি চাতুরী ছলা,
কি আর বলিব বিধি তোরে ।

না জানিয়া সেবিকায়, প্রবেশিয়া শিবিকায়,
ডুবিলাম কলঙ্ক-সাগরে ॥

এ নব যৌবন ঢালি, যবন-ভবনে ঢালি,
বাঁচে বল কোন হিন্দু-বালা ।

জীবনেতে শূন্য দেহ, করি মোরে শূন্যদেহ,
পালা রে নিলজ্ঞ প্রাণ পালা ॥

ধিক্‌মন ভোরে বলি, কেন বা হইলি বলি,
তুচ্ছ হয়ে উচ্চ অভিনায়ে ।

দুরাশা হল দুরাশা, ঘটিল কি দুরদশা,
যবনে যৌবন-ধন গ্রাসে ॥

হইয়ে সাধু-দুহিতে, ইচ্ছিলাম রাজমুভে,
ত্বরিতে পাইতে তার কল ।

সব অন্ধকার দেখি, অন্ধ হল হুঁচী অঁখি,
পরিবারে সাধের কাজল ॥

বামন যেমন করে, পরিবারে শশধরে,
ছুটিয়া পড়য়ে অন্ধ-কূপে ।

মুছিয়া কুলের জ্যোতি, বাটিয়া হারায় জাতি,
মম গতি হইল সেইরূপে ॥

চতুরঙ্গ দলে মাতি, সুরঙ্গে তুরঙ্গে গতি,
কর হে হের দুর্গতি আসি ।

এ দায়ে উদ্ধার সখা, অধিনীরে দিয়ে দেখা,
মৃত্যুর মুখেতে আছে দাসী ॥

দিয়া কষ্ট কুল নষ্ট, করিবে দুষ্ট পাপিষ্ঠ,
দুরদৃষ্ট স্পষ্ট মম এবে ।

ছাড়িবে এ পাপ দেহ, এখনি পরল দেহ,
পরল প্রণয় ভবে রবে ॥

বড় সাধ ছিল মনে, তব করে প্রেম-ধনে,
গোপনেতে করিব অর্পণ ।

সে সাধ এবে বিরল, অমৃতে উঠে গরল,
কীরকুলে ভুজঙ্গ পতন ॥

পাইয়ে কুলকামিনী, তব প্রণয়-কামিনী,
সদা মোরে করিছে কামিনী ।

এ অতি ঘোর ষামিনী, ঘন খেলিছে দামিনী,
কাদম্বিনী কাঁপায় মেদিনী ॥

ঘটিল এ কিবা কাণ্ড, ঝটিকা বহে প্রচণ্ড,
লণ্ড ভণ্ড বিশ্বভাণ্ড হয় ।

ভড় ভড় রবে ধারা, বিদীর্ণ করিছে ধরা,
রসময় এস এ সময় ॥

বদি না আসিতে চাও, ইন্দের নিকটে যাও,
জানাও দাসীর নিবেদন ।

তিনি হোন কৃপাবান, বজ্রাঘাতে ত্যজি প্রাণ,
কি ছার এ মিছার জীবন ॥

বিবাদী হয়েছে বিধি, এ দুর্যোগে গুণনিধি,
কেমনে বাঁচাবে নিজ প্রাণী ।

কুকণে বাড়িয়ে পদে, পড়িলাম কি বিপদে,
পাশবদ্ধ যেমন হরিণী ॥

সহায় সপক নাই, এবে কার মুখ চাই,
কোথা বাই কাহারে বা চিনি ।

কোথা মাতা কোথা পিতা, প্রিয়সখা টরলে কোথা,
কোথা আমি কোথা উন্মাদিনী ॥

হৃদয় বিদরে মম, সে যবন যম-সম,
হেরিলে হরয়ে প্রাণ-আশ ।

অধীনী আর না জীব, মরণ মঙ্গল এবে,
কালের কবলে করি বাস ॥

মনেতে এই আশ্বাসি, জন্মান্তরে এই দাসী,
শ্রীচরণে হইবে আশ্রিতা ।

উদ্দেশে প্রণাম পায়, এই বলি মৃত্তিকায়,
মুচ্ছিতা হইল সাধুসুতা ॥

আহা উহ ! যেন রাহুর ধূমে ।

শশী খসি আসি মিশিল ভূমে ॥

নীহারে নলিনী নলিনী প্রায় ।

যবন-ভপন-ভাপে শুথায় ॥

দেখি দাসী দৌছে মোছে কাতরা ।

চেতন করিতে করিল দুরা ॥

চালিল অনিল বাজনী সনে ।

সলিল সঁপিল কমলাননে ॥

শুশ্রূষাতে রতা সেবিকাঙ্গর ।

অনেক যতনে চেতন হয় ॥

ছুটিল অজ্ঞান, উঠিল ধনী ।

মণিহীনা ক্ষীণা যেন নাগিনী ॥

ভাবি ভাবি চুঃখ মুখ শুখায় ।
 কুল-নাশ-ত্রাসে ত্রাসিত কায় ॥
 আপনা নিন্দিয়ে কহিছে আব ।
 নাবীর শবীব চুঃখেব ভাব ॥
 বনশী-জনম হইল রুখা ।
 পবেব অধীনা স্বাধীনা কোথা ॥
 পুরুষ পৌরুষে পবেশ নিধি ।
 সর্বত্র পবিত্র গঠিল বিধি ॥
 নাবীতে নাবিল কবিতে তাই ।
 কাশ্মিনীকুলেব কপালে ছাউ ॥
 জন্ম মাত্র যদি ত্রাসিত কাল ।
 তবে কি ঘটিল হেন জঞ্জাল ॥
 কেন দাসি, বাদ সাধিছ সাধে ।
 নাবীধর্ম নয় নাবীবে বধে ॥
 মোবে আনি দিল যাহাব পাশে ।
 পুবস্কাব পাবে কি তাব পাশে ॥
 ছাড়ি দেহ যাই পিতাব বাসে ।
 অচ্চ ঢাকি দিব পুতাব বাসে ॥
 মতি-মাণ্য-দামে সাজাব দেহে ।
 ধনে ধনী ধনি কবিব দৌহে ॥
 ছাড়ি দেহ মোরে দেখ কি আব ।
 মড়ারে করো না খাঁড়া প্রহার ॥

পরিচারিকাদ্বয় কুমারীর এই আক্ষেপ ও প্রার্থনা-
 গ্রথিত গাথা সকল শ্রবণানন্তর তাঁহাকে বহুবিধ বাক্য-
 কোশলে সান্ত্বনা করিয়া জলযোগ জন্য অনুযোগ করিয়া
 কহিল, কুমারি দোহাই গঙ্গাদেবীর, দোহাই পরমেশ্বরের,
 আপনার নিকট যথার্থ বলিতেছি আমরা যবন নহি,
 এ বাড়ীটীও যবনের নহে, এবং যবনস্পৃষ্ট কোন জ্বা-
 দিও এ স্থলে নাই ; অতএব আপনি নিঃসন্দেহচিত্তে
 জলযোগ করুন, আমরা দাসী হইয়া কোন ক্রমেই
 আপনাকে প্রতারণা করিব না ; অদ্য হইতে আমরা
 আপনার আজ্ঞাবাহিনী হইয়াছি, আপনি বাণী গমন
 ব্যতীত যখন যাহা অনুমতি করিবেন আমরা বিনা
 আপত্তিতে তৎক্ষণাৎ তদাজ্ঞার অনুবর্তিনী হইব, ইহার
 আর কোন সন্দেহ নাই । ইন্দ্ৰমালিনী উহাদিগের
 এইরূপ শপথ-সঙ্কল্পিত বাক্য শ্রবণ ও বসন, ভূষণ,
 অবয়বাদি দর্শন করিয়া উহাদিগকে যথার্থই হিন্দুমহিলা
 জ্ঞানে কহিলেন, তোমরা হিন্দুরমণী হইয়া কি কারণে
 এই ভ্রূচাচার যবনের পরিচারিকা হইয়াছ । সহচারিণী-
 দ্বয় কহিল, আপনা-সদৃশা কুলকামিনীদিগের শুশ্রূষা
 জন্যই আমরা উক্ত যবন প্রভুর বেতনভুক্তা আজ্ঞা-
 বাহিনী হইয়াছি । আমাদিগের স্পৃষ্ট ভোজ্যাদি
 গ্রহণ করিলে আপনার জাতিকুল কলুষিত হইবে না,
 আপনি জলযোগে মনোযোগী হউন । ইন্দ্ৰমালিনী

উহাদিগের সরল ভাষায় বিশ্বস্ত হইয়া ক্ষুৎপিপাসার অনুরোধে খাদ্যাদি গ্রহণে অগত্যা সম্মত হইলেন, এবং মনে মনে একটা যুক্তি স্থির করিয়া পরিচারিকাদ্বয়কে প্রকাশ করিয়া কহিলেন, তোমরা যদি আমাকে ঘুড়ী খেলাইবার উদ্যোগ করিয়া দিতে পার, তবে আমি আহারাদি করিব, নতুবা অনাহার দ্বারা তমুত্যাগ করিয়া কুল-কলঙ্ক হইতে স্বতন্ত্রিত হইব । কুমারীর এই বাক্য শ্রবণে একজন পরিচারিকা তৎক্ষণাৎ বিপণি হইতে নানাবিধ রন্ধের বায়ুকীড়নী পট্টতন্তু ও সূত্র-মঞ্চলনী ক্রয় করিয়া ইন্দুনালিনীর সম্মুখে উপস্থিত করিল, কুমারী নম্রহৃৎচিত্তে জলযোগপূর্বক ঐ বায়ুধাবিনী-গুলির মধ্যে নিম্নলিখিত পদ্যটী প্রকটিত করিলেন ।

“কোথা তাঁরা অশ্লোপরি, কোথা উন্মাদিনী ।

কুসুমপুরেতে আমি যবন-অধীনী ॥”

পরে অপরাহ্ন সময়ে এই পদ্য চিত্রিত একখানি বিমানধাবিনী বিমাননার্গে উঠাইয়া এক সহচারিণীকে উড়াইতে দিলেন, এবং আর একখানি বায়ুচারিণী ঐরূপে উর্দ্ধে উত্তোলন করিয়া উভয় বায়ুধাবিনীতে পেঁচ খেলিতে খেলিতে দুইখানি ঘুড়ীই কাটিয়া গেল । এই প্রকারে কখন এক কখন বা দুইখানি ঘুড়ী কাটিয়া দিগ্দিগন্তরে ধাবিতা হইতে লাগিল । এমতে তিনি দিবসের

মধ্যে প্রায় কুড়ি পঁচিশ খানি বায়ুকীড়নী পোঁচ খেলিয়া কাটাইয়া সংবাদ-পত্রিক-দ্বন্দ্বেনে বোমবয়ে প্রেরণ করিতে লাগিলেন ।

চতুর্দশ দৃশ্য ।

এখানে উন্মাদিনী মন্ত্রিপুত্রের সহায়তায় নিজদেশের পবিচিত স্থান প্রাপ্ত হইয়া আনন্দিত হইল বটে, কিন্তু সচিবস্বত্বের সঙ্গ তাগ তাহাব পক্ষে বিধন সঙ্কট হইয়া উঠিল । মন্ত্রিনন্দনের বিরহ তাহাকে একপ উৎকণ্ঠিতা করিল যে, যতক্ষণ তাহাকে দেখিতে পাইল ততক্ষণই কুলালনির্মিত পুত্তলিকা প্রায় সেই স্থানেই দণ্ডায়মান রহিল । অমাত্যগণও উন্মাদিনীর সহিত মন প্রাণ ঐ জনপদে রক্ষা করিয়া অগত্যা শূন্যকায়ে বাজকুমারের অশ্বেষণে চলিলেন । তিনি যত বার পদসঞ্চালন করেন ততবাবই পশ্চাৎ দিকে দৃষ্টিপাত করিয়া উন্মাদিনীর হৃদয়ানন্দদায়ক নোহিনী স্মৃতিটি বিলোকন করিতে লাগিলেন । ক্রমে উভয়ে উভয়ের নয়নপথ অতিক্রম করিলে উভয়ের বিরহানলে উভয়েই দগ্ধ হইতে থাকিল । মন্ত্রিপুত্রকে আর দেখিতে না পাইয়া উন্মাদিনী উন্মাদিনী প্রায় বাগ্নিতে উপস্থিত হইয়া পিতা মাতার চরণ বন্দনা-

নব্ব্বর ইন্দ্ুমালিনীর অপহৃত হওয়ার সমস্ত বৃত্তান্ত উহা-
 দিগের নিকটে অকপটে নিবেদন করিল । সাধু প্রথমতঃ
 উন্মাদিনীকে যৎপরোনাস্তি তিরস্কার ও ইন্দ্ুমালিনীকে
 যথোচিত ভৎসনা করিতে লাগিলেন বটে, কিন্তু ইন্দ্-
 মালিনী যে দম্মাহস্তে পতিতা হইয়াছে এই সংবাদটি
 কুঠারাঘাতের ন্যায় তাঁহার হৃদয়কে বিদীর্ণ করিতে
 লাগিল । শ্রেষ্ঠী অস্থির হইয়া বাষ্পকণ্ঠে পত্নীর
 প্রতি কহিলেন, প্রিয়ে, তোমার সাধেব ইন্দ্ুমালিনীকে
 এত দিনে হারাইলাম ; হায় হায় ! অর্থহু পামরেরা
 কলা রাতেই বাছার প্রাণদণ্ড করিয়াছে । এই বলিয়া
 সাধু সংজ্ঞাশূন্য হইলেন । সাধুনহিলা প্রভঞ্জনতাক্ত
 কদলীতরুর ন্যায় ধরানিপতিতা হইয়া মুক্তকণ্ঠে ক্রন্দ-
 নের সহিত এইরূপ বিনাপকরিতে লাগিলেন, হা বিধাতঃ !
 তোমার মনে কি এই ছিল । হায় ! মাতৃহীনা সদ্যোজাত
 রক্তপিণ্ডাকারাকে এত দিন লালনপালনপূর্ব্বক প্রথম-
 ঘোষনা করিয়া এক্ষণে শত্রুর আনন্দ বর্দ্ধন করিলাম ।
 হায় হায় ! দুরাচারেরা যদি বাছার অলঙ্কার গ্রহণ করিয়া
 ছাড়িয়া দিত, তাহা হইলে মা আনার এতক্ষণ গৃহে আসিয়া
 মা বলিয়া ডাকিত । হে সাধু, আপনার ত্রীচরণে আমি
 সর্ব্বদাই প্রার্থনা করিতাম যে, কন্যাভূতীর শুভ বিবাহের
 প্রতি মনোযোগী হউন, দুঃখিনীর সে প্রার্থনা নিতান্তই
 অমূলক হইল, এক্ষণে সেই স্বর্ণপ্রতিমা হারাইয়া

কিপ্রকারে প্রাণ ধারণ করিব, এবং দস্যু দ্বারা কুলকন্যা অপহরণ-রূপ ঘোরতর কলঙ্ক হইতে কিরূপেই বা পরি-
 ত্রাণ পাইব, আর কোন্ সন্মানেই বা জনসমাজে এই
 পোড়া মুখ দেখাইব । হায় হায় ! আর জীবন ধারণে
 বাসনা নাই, এখনি গরল তরুণ দ্বারা প্রাণ পরিত্যাগ
 করিয়া শোক ও কুলকলঙ্ক হইতে স্বতন্ত্রিত হই ।
 আপনি অবিলম্বে ইলাহল আনিয়া আমার করে
 সমর্পণ করুন, অথবা অগ্নি প্রজ্বলিত করিয়া দিন, এই
 পাপদেহ দক্ষ করিয়া শোক ও কলঙ্কের প্রায়শ্চিত্ত
 করি । সাধু উন্মাদিনীর শুশ্রূষায় সংজ্ঞা লাভ করিয়া
 পত্নীর প্রতি কহিলেন, দেখ প্রিয়ে, এই উপস্থিত বিপদ
 সময়ে তোমা-সদৃশা বুদ্ধিমতী স্ত্রীর এরূপ অধীরা
 হওয়া উচিত নহে । তুমি ঠৈর্য্য ধর, বিপদকালে শোকের
 বশীভূতা হইলে বুদ্ধির তীক্ষ্ণতা দূরীভূতা হইয়া
 ব্যক্তিবৃন্দকে জড়তুল্য করে । তুমি স্থির হও, আমি
 অনুসন্ধান দ্বারা সেই দস্যুকে ধৃত করিয়া রাজদণ্ডে
 তাহার যৎপরোনাস্তি শাস্তি বিধান করাইব । আমি
 কেবল ভয়প্রযুক্ত মহারাজকে জানাইতে অক্ষম হই-
 তেছি । অগ্রে অনুসন্ধান করি, পশ্চাৎ বাহা হয় করিব ।
 এই আমি দিগ্দিগন্তরে দ্রুত প্রেরণ করিতেছি । শ্রীমতী
 এইরূপ বিবিধ হিতোপদেশ দ্বারা পত্নীকে সান্ত্বনা
 করিয়া ইন্দ্ৰুন্মালিনীর অনুসন্ধানেন দেশে দেশে লোক

প্রেরণ করিলেন এবং তাহাদিগের আগমন-প্রতীক্ষায় অতিকষ্টে কালযাপন করিতে লাগিলেন । উন্মাদিনী ইন্দ্ুমালিনীর বিচ্ছেদে ও মন্ত্রিনন্দনের বিরহে একান্ত অধীর। হইয়াও মনিহার। ভুজঙ্গিনী সদৃশ জনক-জননীর শুশ্রূষায় সময়োতিপাত করিতে লাগিল । সাধু যে ইন্দ্ুমালিনী-হরণের সংবাদটী রাজাকে গোপন করিলেন কেন ইহার সবিশেষ শেষ প্রকাশ হইবে ।



পঞ্চদশ কুসুম ।

পরে একদা উন্মাদিনী ইন্দ্ুমালিনী ও মন্ত্রিপুত্রের বিরহে কাতরা হইয়া প্রাসাদোপরি বায়ু সেবন করিতেছে, এমন সময়ে একখানি মরুৎচারিণী তাহার সম্মুখে নিপতিত হইল, উন্মাদিনী তন্মধ্যস্থ পদাটী পাঠ করিয়া আশ্চর্যের সহিত প্রকুল্লচিত্তে পিতার নিকট আসিয়া ঘুড়ীখানি তাঁহাকে সমর্পণ করিল । ইন্দ্ুমালিনীর পত্রস্বরূপ সেই ঘুড়ীতে লিখিত পদাটী পাঠ করিয়া সাধুর মুমূর্ষু অবস্থা তিরোহিত হইল বটে, কিন্তু ইন্দ্ুমালিনী যে যবন-অধীনী হই-

আছে এই চিন্তানলে তাঁহার দেহমনঃ দগ্ধ হইতে
 লাগিল । পরে স্বীয় সহধর্মিণীকে দৃড়ীর পদাঙ্গী
 অবগত করিয়া কহিলেন, প্রিয়ে ! দেখ বিধাতার
 কি আশ্চর্য ঘটনা, ইন্দুমালিনীর সংবাদ প্রাপ্ত
 হইয়াও আনন্দনাত করিতে পারিলাম না, এক্ষণে
 কি উপায় দ্বারা ইন্দুমালিনীকে যবন-হস্ত হইতে
 পরিত্রাণ করিব ইহারও কোন সছুপায় দেখি না ।
 আমার ত এই স্ববিরাবস্থা, অস্ত্রচালনে ক্ষমতা নাই,
 এবং আত্মীয় বন্ধুও কেহ অত্মধারী নাই, তাদৃশ
 লোকবলেরও এক্ষণে অভাব, যেহেতু ইন্দুমালিনীব
 অন্তঃসন্ধানে দিগ্দিগন্তরে যে সকল ব্যক্তিগণকে প্রেরণ
 করিয়াছি তাহারা এপর্যন্তও প্রত্যাগমন করে নাই ।
 দেখ সুন্দরি ! বিধাতা আমাদিগকে পুত্রধনে বঞ্চিত
 করিয়া কন্যাধনে ধনী করিয়াছেন, এক্ষণে ইন্দুমালিনী-
 উদ্ধারের উপায় কি ? উপযুক্ত পুত্র সন্তান থাকিলে
 অনায়াসেই কুম্বনপুর প্রবেশপূর্বক যে কোন উপায়ে
 হউক ইন্দুমালিনীকে উদ্ধার করিতে পারিত ।
 হায় হায় ! বাছার উদ্ধার-সাধনে যে কি যুক্তি করিব
 তাহার কিছুই স্থির করিতে পারিতেছি না । আমাদি-
 গের কি দুর্দৃষ্ট ! প্রিয়ে আর নাঁচিতে বাসনা নাই,
 এক্ষণে প্রাণ পরিত্যাগ করাই শ্রেয়ঃ । সাধু এইরূপে
 রহবিধ আক্ষেপ করিতে লাগিলেন । উন্মাদিনী

পিতার ঐরূপ শোচনীয় অবস্থা অবলোকন করিয়া
কহিল, পিতঃ ! শত্রু দ্বারা বক্রপ শত্রুকে জয় করা
যায়, কষ্টক কষ্টক যেরূপ বিদ্ধ কষ্টক উথিত হয়, এবং
কর্ণে জল প্রবেশ করাইয়া যেপ্রকারে কর্ণের জল বহি-
র্গত করা যায়, তদ্রূপ আপনি এই কন্যার দ্বারা সেই
কন্যার অন্বেষণ ও উদ্ধার সাধন করুন । এই বলিয়া
উন্মাদিনী টেনিক-পুরুষ-তুল্য পরিচ্ছদ পরিধানপূর্বক
অসিচর্ম্ব ধারণ করিয়া ইন্দুমালিনীর ও আপনার অশ্বদ্বয়
সুসজ্জিত করিয়া আনিতে অশ্বপালকে আদেশ করিল ।
সাধুদম্পতী উন্মাদিনীর অসমসাহসিক ব্যাপার দর্শনে
চমৎকৃত হইয়া তাহার অভূতপূর্ব কার্যসাধনের পক্ষে
ভূয়ঃ ভূয়ঃ নিবেদন করিতে লাগিলেন । উন্মাদিনী পিতা
মাতার নিবেদনবাক্য না শুনিয়া তাঁহাদিগের চরণ-
বন্দনানন্তর অশ্বপালকে ইন্দুমালিনীর ঘোড়াতে আরো-
হণ করাইয়া আপনি নিজ অশ্বে সমুখানপূর্বক পিতা
মাতার অনুমতি প্রার্থনা করিল । সাধুদম্পতী উন্মাদিনীর
আগ্রহাতিশয় দর্শনে অগত্যা অনুমতি প্রদান করিলেন ।
“চুরাচার যবন-রুধিরে এই অসিকে স্নান করাইয়া
ইন্দুমালিনীর সহিত এ বাগ্মীতে উপস্থিত হইব” এই
বলিয়া উন্মাদিনী স্তম্ভ যাত্রা করিল । পরে যথাকালে
কুম্ভপুরে উপস্থিত হইয়া তথাকার পণ্যবীথী হইতে
নানাবিধ বায়ুকীড়নী, সূত্রসঙ্কলনী, ও পট্টভঙ্ক ক্রয়

করিয়া দুইটা অশ্ব সহিত সহিস্কে পণ্যবীথীতে রাখিয়া
আপনি যবন-রমণীর বেশে গ্রামে গ্রামে পড়সে পড়সে
ঘুড়ী নাটাই লক বিক্রয় করিতে লাগিল, এবং ইন্দুমালিনীর
নামাঙ্কিত ঘুড়ীও দুই চারি খানি পথে ও রক্ষণাথায়
পুনঃ প্রাপ্ত হইল । এইরূপে চারি পাঁচ দিন গত হইলে
এক দিন চিত্তরঞ্জনোদ্যানের ফাটকে উপস্থিত হইলে
দ্বারপাল উহাকে ঘুড়ী লকের ব্যাপারিণী দেখিয়া ইন্দু-
মালিনীর অট্টালিকা দেখাইয়া দিল । উন্মাদিনী গবাঙ্ক-
দ্বারে ইন্দুমালিনীকে নিরীক্ষণ করিয়া আনন্দার্ণবে
ভাসিতে লাগিল । ইন্দুমালিনী ঘুড়ীর ব্যাপারিণীকে
দেখিয়া ঘুড়ী-ক্রয়-মানসে উহাকে নিকটে উপস্থিত হইতে
কহিলেন, পরে উহার দিকে অধিকক্ষণ দৃষ্টিপাত করিয়া
উহাকে জিজ্ঞাসা করিলেন, তোমার কি নাম ? কোথায়
বাসা ?

ব্যাপারিণীর উক্তি ।

হারাইয়া ভালবাসা, যথা থাকি তথা বাসা ।

সহচারিণীদ্বয় । তুমি কি যবনকন্যা ?

ব্যাপারিণী । আমি যবনকন্যা নহি, হিন্দুকান্তি, সাধুর
কন্যা ।

স । তুমি যদি সাধুর কন্যা তবে তোমার যবনের ন্যায়
বেশভূষা কেন ?

ব্যা। আমি ঘুড়ী লকের ব্যবসায় করি, এবং স্ত্রীলোকদিগের নিকট রকম রকমের পোশাক পরিয়া নৃত্য গীত করিয়া থাকি। অদ্য একটা কুলবধু আমার নিকট ঘুড়ী লক খরিদ করিয়া আমাকে কহিল বাপারিণী, তুমি বাইনাচ দেখাইতে পার ? আমি কহিলাম, হাঁ পারি। তখন সেই বধূটি আরও চারি পাঁচজন স্ত্রীলোককে ডাকিয়া একত্র বসিয়া আমাকে নৃত্য করিতে অনুরোধ করিল ; আমি তৎক্ষণাৎ যবন-রনণীর বেশ ধারণপূর্বক নৃত্যগীত দ্বারা তাঁহাদিগের মনঃসম্ভোগপূর্বক কিছু পুরস্কার গ্রহণ করিয়া সেই বেশেই আপনাদিগের নিকট উপস্থিত হইয়াছি। আমার নিকট বিবীর সাজও আছে, আমি বিবীর নাচও নাচিতে পারি।

স। তবে আমাদের নিকট একবার নৃত্যগীত করিলে ভাল হয় না ?

ব্যা। নৃত্যগীত কি অমনি হয়, অগ্রে ঘুড়ী নাটাই লক বেচিব, পরে গান করিয়া নাচিব।

ইন্দুমালিনী উদ্ভাদিনীকে জ্ঞানিতে পারিয়া কহিলেন, তুমি যদি অদ্য এখানে অবস্থিতি করিতে পার, তবে তোমার ঘুড়ী লক ক্রয় করি এবং নিশিযোগে আমরা সকলে তোমার নৃত্যগীত দর্শন শ্রবণ করিয়া আনন্দ লাভ করি।

ব্যা। যদি আপনি আমার সমস্ত ঘুড়ী লক নাটাই
 ধরিদ করিতে পারেন, তবে এক দিন কি আমি
 পাঁচ দিন থাকিতে পারি ।

ই। আচ্ছা তাহাই হইবে, আপাততঃ তুমি একটা গান
 কর ।

ব্যা। আমি একটি আগমনী গীত গাই ।
 সকলে । গাও ।

উন্মাদিনী আগমনী-গীতচ্ছলে ইন্দুন্মালিনীকে
 বাটী যাইবার সঙ্কেত করিতেছে ।

গীত । রাগিণী আলেয়া, তাল আড়া ।

চল গো চঞ্চলা বালা অচলা অঞ্চলমণি ।

সইলো * পূরি অন্ধকাব বিনা ও চাঁদ-বদনখানি ।

দোলায় গমন ভব, হবে না আর সম্ভব,
 ফল তাব অসম্ভব, জান ত সকলি ।

কুরঙ্গলোচনা সতী, বঙ্গে চতুরঙ্গে মাতি,
 সুরঙ্গে তুরঙ্গে গতি, কর মো বিধুবদনী ॥

* সইলো—শৈল—এই উভয় শব্দের অর্থ তির ও বর্ণ তির,
 কিন্তু ঘুংঘের গান শব্দমাত্র, ইহাতে একপক্ষে সখী সঙ্গোপন,
 অপর পক্ষে পরিত হইবে ।

১ উন্মাদিনীর গান শুনিয়া সকলে সন্তুষ্ট হইল । পরে
রজসীতে উন্মাদিনী ইন্দুমালিনীর সহিত গোপনে
মন্ত্রণা করিয়া এই যুক্তি স্থির করিল যে, “আমি এক
সময় কৌশলক্রমে বহির্গত হইয়া টেনিক-পুরুষ-বেশে
তোমার ঘোড়াটি তোমার নিকট বিক্রয় করিতে আসিব,
তাহাতে তুমি অশ্ব দেখিবার ছলনার নিকটে গিয়া
তাহাতে আরোহণপূর্বক বাণী যাত্রা করিবে, এবং
আমিও পশ্চাৎ পশ্চাৎ তোমার পৃষ্ঠ রক্ষা করিতে
করিতে বেগে গমন করিতে থাকিব” এই পরামর্শ
স্থির করিয়া নৃত্য গীত ও রঙ্গভঙ্গিপ্রভৃতি দ্বারা
পরিচারিকাদ্বয়কে পরিতুষ্ট করণপূর্বক উন্মাদিনী
তথায় সময় অতিবাহিত করিতে লাগিল ।

ষোড়শ কুসুম ।

এখানে কুসুমপুরে রাজকুমার বাসরূহে প্রবেশ
করিলে, মন্ত্রিপুত্র একাকী এক বহিঃপ্রকোষ্ঠে শয়নপূর্বক
নিশা যাপন করিতে লাগিলেন । মন্ত্রিনন্দন যে দিন
উন্মাদিনীকে জনপদে সুরক্ষিত করিয়া রাজপুত্রের অধি-
শেষে প্রবৃত্ত হন, সেই দিন হইতে সচিবসুভেদ

অন্তরে নিরন্তর উন্মাদিনীর বিরহানল প্রজ্বলিত হইতেছিল । অদ্য আবার কুমারের বিবাহ স্ত্রী-আচার ও বাসর বাপার অবলোকন করিয়া অমাত্যপুত্রের বিরহ-আগুন দ্বিগুণ হইয়া উঠিল । তিনি উন্মাদিনীর গমনান্দোলিত নিতম্বদেশ, পীনোন্নত পয়োধর, মাধুর্য্য, সৌন্দর্য্য, অঙ্গ-ভঙ্গী, শরচ্ছন্দসদৃশ বদনখানি এবং অঞ্জনে রঞ্জিত খঞ্জনগঞ্জন-ময়ন-কটাক্ষ এই সকল ভাবিতে ভাবিতে নিদ্রিত হইয়া পড়িলেন ।

এ দিকে রাজপুরে সুখসম্বরী প্রভাত হইলে কুমারী কুমারকে গাজোখান করাইয়া কহিলেন, প্রিয়বর ! তৈরবী দিদির সহিত আপনার সম্মিলন জন্য অদ্য আমি যোগান্ত্রাণ করিব, সন্ধ্যার পরে আপনি একাকী সরলা ও গরলার সহিত চিত্তরঞ্জনোদ্যানে সুযাত্রা করিবেন । বিদ্যাল্পতা এইমাত্র বলিয়া শিবিকারোহণে চিত্তরঞ্জনোদ্যানে উপস্থিতিপূর্ব্বক যোগের সমস্ত আয়োজন করিতে লাগিলেন । কুমার অন্তঃপুর হইতে বহিঃপ্রকোষ্ঠে উপস্থিত হইয়া মন্ত্রিপুত্রের নিকটে বাসরঘৃহের সমস্ত বৃত্তান্ত বিদিত করিয়া কহিলেন, বয়স্য, অদ্য সন্ধ্যার সময় রাজকন্যা যোগবলে অরণ্যের সেই তৈরবীকে চিত্তরঞ্জনোদ্যানে আনিয়া আমার সহিত সাক্ষাৎ লাভ করাইবে, অতএব যে কোন উপায়ে হউক শ্রিয়সখা ভোমাকে ক্ষণায় উপস্থিত হইতে হইবে, কারণ, রাজবালা আমাকে

ভূয়োভূয়ঃ একক বাইতে কহিয়াছে, এজন্য আমি তোমাকে গমনসহচর করিতে পারিলাম না। মন্ত্রিপুত্র কহিলেন, কুমার ! সে জন্য আর চিন্তা কি, আপনার আগমনের পূর্বেই আমি যে কোন উপায়ে হউক চিত্তরঞ্জন উদ্যানে উপস্থিত হইব। মন্ত্রিনন্দনের এতাদৃশ উক্তি শ্রবণে রাজকুমার আনন্দে পুলকিত হইয়া আনাদি কার্যে তৎপর হওত আহার প্রভৃতি দিবসীয় ব্যাপার নিক্ষেপনান্তর সঙ্কাদেবীর প্রভীকা করিতে লাগিলেন।

এ দিকে রাজবালা চিত্তরঞ্জনোদ্যানে যোগের অনুষ্ঠান করিতেছেন এমনত সময়ে দ্বারপাল আসিয়া প্রণতিপূর্ব্বক কহিল ঠাকুরাণি ! অঙ্গবতী রাজধানী হইতে একগুটি স্ত্রীলোক একখানি ডালি লইয়া আসিয়া দ্বারদেশে দণ্ডায়মানা রহিয়াছে, অনুমতি হইলে আপনার শ্রীচরণ দর্শন করে। কুমারী আজ্ঞা করিলে ঐ মহিলা নিকটে আসিয়া উপচোকন-সামগ্রী পুরোভাগে সুরক্ষিত করত রাজবালার পাদপদ্মে প্রণত হইল। মৃপকুমারী উহাকে বিলোকনমাত্র পরিচয়-জিজ্ঞাসিনী হইলে, দাসী কহিল, আমি অঙ্গবতী রাজমহিষীর দাসী, এই পট্টবস্ত্র মিষ্টান্ন ও মণিময় কঙ্কন রাজমহিষী আপনাকে আশীর্বাদসূচক যৌতুক প্রেরণ করিয়াছেন। আমি প্রথমতঃ আপনার পিতার শ্রীচরণে প্রণিপাতপূর্ব্বক

নমস্তু বিদিত করাতে তিনি আমাকে আপনার নিকট পাঠাইয়া দিলেন। কুমারী স্বশ্রদ্ধত মণিময় কঙ্কণ চূড়ে অতিশয় আছাদিতা হইয়া উহাকে আহাঙ্গাদির জন্য পরিচারিকার করে সমর্পণ করত যোগের যোগা-যোগ করিতে লাগিলেন। পরে সন্ধ্যার সময়ে সরসী পবনার সহিত রাজপুত্র উদ্যানের তোরণদ্বারে প্রবেশ করিলে ফটকের কপাট রুদ্ধ হইল। তখন পূর্বলক্ষিত কয়েকজন নিষাদ আসিয়া তাঁহাকে প্রণামানন্তর অঙ্গুলি নির্দেশ দ্বারা একটী কুর্টীব লক্ষ্য করাইয়া কুমারকে সেই দিকে গমন করিতে অনুরোধ করত তাহারা যথাস্থানে প্রস্থান করিল। নৃপনন্দন নিষাদগণকে নিরীক্ষণ করিয়া “পুনরায় কি সেই মহারণো আসিয়াছি” এই চিন্তা কবিত্তে করিতে পর্ণশালার সম্মুখে উপস্থিত হইয়া পূর্বদৃষ্ট ভৈরবীকে দর্শন মাত্র আশ্চর্যান্বিত হইলেন, এবং মানসে তাঁহার রূপলাবণ্যের সহিত ভূপালবালার রূপমাধুরীর অতুল সমতুল্যতার বিতর্ক করিতে লাগিলেন। ভৈরবী রাজপুত্রকে দর্শন করিয়া কহিলেন, “অদ্য কি সুপ্রভাত, আসুন আসুন, আপনি তাল আছেন ত? আপনার বৈবয়িক কাণ্ডিক মানসিক নমস্তু কুশল ত? ভগিনী বিদ্যালতা আপনাকে আমার নিকট পাঠাইয়া মণিহারা কণিনীর ন্যায় কি করিতেছে অগ্রে তাহার কুশল বলুন। ধরাধরতনয় ভূধরতন-

হার সহিত তৈরবীর অঙ্গপ্রত্যঙ্গ ও বিলোকনাদির কিছু
মাত্র প্রভেদ করিতে না পারিয়া চমৎকৃতচিত্তে চিত্র-
কর-চিত্রিত মূর্তির প্রায় মৌনী হইয়া রহিলেন । তৈরবী
রাজনন্দনের স্থিরচিত্ত মৌনভাব দেখিয়া কহিলেন,
কুমার ! এ কি ভাব ? এ শাস্তমূর্তি যে অপূৰ্ব দর্শন,
বাওঁ নিষ্পত্তি না করিবার কারণ কি ? বুঝেছি বুঝেছি,
আমাকে নী বলিয়া বাগীতে আসাভেই কিছু লজ্জা
বোধ হইয়াছে, ইহা অবশ্যই ভদ্রের পক্ষে সরমসূচক
বটে । হে কুমার ! সেকারণ তিলেকও কুণ্ঠিত হইবেন
না, সে অপরাধ আপনার নহে, এই দুঃখভাগিনীর
ভাপাবশতই ঘটয়াছে । সম্প্রতি একটি কথা জিজ্ঞাসা
করি, আপনি সেই মহারণো আমার নিকট বলিয়া-
ছিলেন যে, ইন্দুনালিনী ব্যতীত অন্য নারীকে নয়ন-
গোচর করিবেন না, ইন্দুনালিনীকে না পাইলে হিংস্রক
জন্তু দ্বারা বা অনাহারে অরণো প্রাণ পরিত্যাগ কবি-
বেন, কিন্তু এক্ষণে সেই প্রাণসম ইন্দুনালিনীকে পরি-
ত্যাগপূৰ্ব্বক কি বিচারে ও কোন্ সাহসে রাজবালা
বিদ্যালতার পাণিগ্রহণ করিলেন ? ইহা কি আপনার
রাজনীতির অপক্ষপাতি ব্যবস্থা ? হায় হায় ! কুমার
যে বিদ্যুৎ-ভয়ে ভীত হইয়া অরণো পলায়ন করিয়া-
ছিলেন, এক্ষণে সেই বিদ্যুতেই দীপ্তিকর হইয়াছেন ।

আমি হীনবুদ্ধি রমণী, ইহার কি বুঝিব, মহতে যাহা করে তাহাই পরম শোভনীয় ।

রাজপুত্র তৈত্তরবীকে যথার্থই রাজ্যবালার জ্যোষ্ঠা ভগিন বিবেচনায় অতিশয় অপত্রপিস্থ বশতঃ সঙ্কুচিত-চিত্তে ও বিরস-বদনে কহিলেন, দেবি ! আপনার বিধুবদন হইতে নীতিগর্ভ ও সুপাবিত্ত যে কয়েকটি বাক্য বিনির্গত হইল, তাহাতে আমি স্বার্থটি অপরাধের পাত্র হইয়াছি ; কিন্তু আমার উচ্ছাসমূহে উপস্থিত ব্যাপারের কিছুই হয় নাই, তাহা উদবদনটানাত্বে । এই বলিয়া ইন্দুমালিনী-লাভ হইতে বিদ্যালয়ালিনী পানিগ্রহণ পর্যান্ত সমস্ত বর্ণনা কবিতা কহিলেন, আপনার এই চিত্তানন্দদায়িনী শালিবস-ভিষিক্ত কালিটি পুনরায় আমার নয়নগোচর হওয়ায় বিদ্যালয়ালিনী পরিণয়কেই ভূয়সী প্রশংসা করিতে হইল । তৈত্তরবী কহিলেন, কুমার ! আমার ভগিনীকে প্রশংসা করিলে আমিও প্রশংসিত হইতে পারি বটে, এবং আপনিও ইন্দুমালিনীর প্রণয়শৃঙ্খল ছেদনপূর্বক বিদ্যালয়ালিনী-লতাপাশে বিশেষ আবদ্ধ হওয়ায় আপনিও ভাসীম প্রশংসার সুপাত্র হইয়াছেন বটে । কিন্তু কুমার ! এই সমস্ত প্রশংসা অপেক্ষা সেই দুই যবনকেই প্রশংসার প্রযুক্ত পাত্র ও অগণ্য ধন্যবাদের একমাত্র ও প্রাধান্য বলিয়া স্বীকার করিতে হইবে । আপনি উহার

সময় ইন্দুমালিনীকে স্বীয় কুর্টীরে ভাগ করিয়া যখন আমার কুর্টীরে শুভাগমন করিয়াছিলেন, দুর্ভাগ্যবশতঃ আমি তৎকালে স্থানান্তরে ছিলান, ঐ সময় এক যবন যুবা মৃগয়ায় আসিয়া আপনার সাধনের ধন হৃদয়ের নিধি প্রাণাধিকা ইন্দুতুলা ইন্দুমালিনীকে বলপূর্ব্বক গ্রহণ করিয়া স্বদেশে পলায়ন করিয়াছে, কিন্তু এপর্য্যন্ত ঐ দুরাচার যবন তাহাকে সতীত্বপূর্ণ হইতে পরাজুখ করিতে পারে নাই । হে কুমার ! যদি ইন্দুমালিনী-লাতের প্রত্যাশা থাকে, তবে অতি নীচ্র তৎপর হউন ।

রাজপুত্র ইন্দুমালিনীর এই দুরবস্থা প্রবণমাত্র তাঁহার উদ্ধারজন্য নিতান্ত বাগ্র হইয়াও লজ্জাবশতঃ নীরব হইয়া রহিলেন, কিন্তু যবনকর্তৃক ইন্দুমালিনী অপহৃত হইয়াছে—এই বাক্যটী নিষ্কিণ্ত তীরের নায় তাঁহার মর্ম্মভেদ কবায় তিনি সহসা পতনোন্মুখ হইলেন । তৈরবী কুমারের সেই অবস্থা নিরীক্ষণমাত্র নিজ ভুজ-মৃণালে তাঁহার কোমল কলেবর জড়িত করিয়া কুর্টীরস্থ আসনোপরি সমাসীন করাইয়া বদনে বারি সেচন করিতে লাগিলেন, এবং কহিলেন কুমার ! তয় নাই, আমি যোগবলে সেই স্লেচ্ছের নিকট হইতে এখনি ইন্দুমালিনীকে আনিয়া পুনরায় তোমার করে সমর্পণ করিব । এই বলিয়া কুমারের করধারণপূর্ব্বক

উদ্যানস্থ একটি অট্টালিকার সোপানদ্বারে প্রবেশ
 করাইয়া তৈরবী অদৃষ্ট হইলেন । রাজকুমার সেই
 সোপান-আরোহণ-ক্রমে প্রাসাদোপরি উদ্ভিত হইয়া
 অট্টালিকার প্রকোষ্ঠ কোষ্ঠ বহিঃকোষ্ঠ ও অলিন্দাদি
 পরিভ্রমণ করিতে করিতে দেখিতে লাগিলেন—গৃহ সক-
 লের তলভাগ চিত্র বিচিত্র পট্টাসন দ্বারা সুরঞ্জিত
 রহিয়াছে, উর্দ্ধদেশে স্ফটিক-নির্মিত ত্রিস্তবকী চতুঃস্তবকী
 পঞ্চস্তবকী বর্তিকাধারাবলি কাচনালাদ্যাদি খচিত
 ঝাড় সকল সুসজ্জিত রহিয়াছে, মতিকলাপ-ঝালরিতা
 পট্টবাসবিভূষিতা আকর্ষণীয় বায়ুবাজনী মধ্যে মধ্যে
 দোহুলামান হইতেছে, দ্বিরদ-রদনির্মিত কাষ্ঠখোদিত
 মূর্তিকাগঠিত প্রস্তরপ্রস্তুত ধাত্বাদিরচিত এবং চিত্রিত
 চিত্রফলকাবলির নানাবিধ প্রতিমূর্তিতে কোষ্ঠ প্রকো-
 ষ্ঠের প্রাচীরাদি মূর্তিমান হইয়া রহিয়াছে, কৃত্রিম ও
 যথার্থ বহুবিধ ফুল-ফল-পত্র-সজ্জিত হস্তিদন্ত ধাতু
 প্রভৃতির আধার সকল অপূর্ণ শোভায় সুশোভিত
 রহিয়াছে, ধ্বনিত অধ্বনিত গৃহজাত অঙ্গজাত দণ্ড পল
 ও ঘটিকা-সুচক বহুবিধ ঘটিকাযন্ত্র সমভাবে সময়
 নির্ণয় করিতেছে । এবং খাদ্যোপযোগী শয়নাবশ্য-
 কীয় ও উপবেশনোপযুক্ত দ্রব্যাদিতে অলঙ্কৃত এবং তর-
 বর তর সুগন্ধি পুষ্প, তৈল, জলাদির সদগন্ধে সৌ-
 রভশালিনী অট্টালিকাটী যেন অট্ট অট্ট হাস্য সহ-

কারে উদঘাটিত দ্বাররূপ বদন নিন্তারপূৰ্বক গবাক্ষ-
অক্ষি সঙ্কেত-কৌশলে রাজপুত্রকে নিকটে আহ্বান করি-
তেছে, কুমার ক্রমে ক্রমে গৃহ সকলের শোভা দেখিতে
দেখিতে একটি নাট্যশালায় উপস্থিত হইলেন, তথায়
মধুর মৃদঙ্গ, ঢোলক, তবলা, দারা, দম্প, খঞ্জনি, খোল,
মাদল, প্রভৃতি বিবিধ বাদ্যভাণ্ড ; তুরী, ভেরী, ধূধুরী,
বংশী, সারঙ্গ, বিহালা, তম্বুরা, রবাব, এসরাজ, সপ্ত-
সুরা, সেতারা, তেতারা, দোভারা, একভারা, আনন্দ-
লহরী, গোপীযন্ত্রাদি সুরদায়ি যন্ত্র সকল ; সুপুর,
ঘুঙ্গুর, মন্দিরা, করতাল, খরতাল, ঝাঁঝাদি তালপ্রদ
ধ্বনিকর সকল এবং নট নটীর সজ্জার উপযোগী বহুবিধ
কেশ, বাস, অলঙ্কারাদিতে অলঙ্কৃত নৃত্যগৃহটী দেখিলে
বোধ হয় গানবাদ্য সহকারে নৃত্যগৃহটী যেন নৃত্য
করিতে উদাত্ত হইয়াছে । রাজপুত্র তথায় উপবেশন-
পূর্বক একটি সেতারের সুর সম্পাদন করিয়া তদ্বাদ-
নোপলক্ষে উন্মূলিনীৰ আগমন-লালসায় একটি
গান করিতে লাগিলেন ।

রাগিণী কালেংড়া । তাল একতালা ।

পুন যদি বিধি গিলায় সে নিধি বাঁধিব নয়ন-কাঁদে ।

সমীপ আননে, সে শশী-আননে, কাননে, পড়ে প্রমাদে ॥

অচল চপল রূপ ঝলমল,
 রসে টলমল ভাবে ঢলঢল,
 জলে হেলে যেন হেলায় নির্মল, উজ্জল বদন-চাঁদে ॥
 নিশীথ সময় নিশিতলোচনা,
 কিবা শিখাইল প্রেম আলোচনা,
 পায়ে কি সূচনা সেই সুলোচনা, লুকাল চাতুরী-ছাঁদে ॥

এইরূপ গান করিতে করিতে নাট্যশালার বর্ত্তিকা সকল নির্মাণ হইতে থাকায় কুমার গৃহান্তরে গমন-ভিত্তিপ্রায়ে সেতারটী লইয়া গাত্রোথান করিতে করিতে সমস্ত আলোকগুলি একবারে নির্মাণ হইল। এমত সময়ে সুমধুর চরণভরণ-ধ্বনি কুমারের কণ্ঠস্থিত প্রবেশমাত্র কুমার নীরব হইয়া একতান-মনে কণপাত করিয়া রহিলেন। পরে গজেন্দ্রগমনে এক রমণী নাট্যশালায় প্রবেশপূর্ব্বক কুমারের নিকটবর্ত্তিনী হইল, এবং সে তার সেতারটী ধারণপূর্ব্বক কহিল, ওহে মন-চোর ! মনোদমন চুরি করিয়া অন্ধকার গৃহে লুকাইলেই কি থাকিতে পারিবে, এই ভোমায় ধরিয়াছি, অদ্য প্রেমশৃঙ্গলে আবদ্ধ করিয়া হৃদয়-কাঁরাগারে বসাইয়া রাখিব, এই বলিয়া হাসিতে হাসিতে তাঁহার হস্তস্থ সেতারটী দূরে রাখিয়া কুমারের গলদেশ বাহুবল্লী দ্বারা বেষ্টিত করিয়া আলিঙ্গনাভিলাষিনী হইলেন। রাজ-পুত্র তাঁহার সহাস্যাস্যের বাক্য ও চরণ-চালিত তালি

শ্রবণ, এবং অঙ্গের স্পর্শনাদি ও আত্মাগ্রহণ দ্বারা এই পূৰ্ব্বপক্ষ করিলেন যে, ঠৈরবী বিদ্যালয়কে কাম্পনিক ইন্ডুনাগিনী সাজাইয়া আমার ননোরঞ্জন করিয়াছেন ।

কুমার তখন প্রকাশ্যে কহিলেন, অয়ি সুন্দরি ! আমি তোমাকে বিলক্ষণ চিনিয়াছি, অদ্য তোমার চাতুরী চূর্ণিত করিব । তুমি ঠৈরবীর সহিত বড়বন্দ করিয়া ইন্ডুনাগিনীমূর্তিতে অন্ধকারে আমাকে প্রতারণা করিতে আসিয়াছ । ছদ্মবেশ ও ছেঁচা জল কতক্ষণ থাকে বল না, হে লসনা ! আলোকে চল না, ছলনা দলনা হইয়া গিয়াছে ।

কুমারী সক্রোধ বাক্যে কহিলেন, হে জীবনকান্ত ! এ যদি অধীনীর ব্যবহৃত গৃহ হইত, তবে অবশ্যই আলোকাদির দ্বারা উজ্জ্বলিত করিয়া রাখিত, ঠৈরবীর আকর্ষণ-মন্ত্রবলে আপনি যদ্রূপ স্থানে আমাকে সঞ্চালিত করিবেন, আমি সেই স্থানেই সমাগতা হইব, ইহাতে আমার অপরাধই বা কি, ছলনাই বা কি, আর চাতুরীই বা কি দেখিলেন । হে প্রিয়বর ! এক্ষণে আপনি নবপ্রণয়িনী রাজবালাকে পাইয়া যদি এই চরণাশ্রিতা কাম্পনিকীকে এতাদিক অশ্রদ্ধা করেন, তবে আপনার কণ্ঠহার ও অঙ্গুরী গ্রহণ করুন, আমি ভবদীয় নিকট হইতে স্থানান্তরিত হই । কুমারী এতদ্ভাবে গমনোদ্যতা হইলেন । কুমার হারাদুরীর সহিত কুমারীর সুকুমার কমলবন্তবিনিমিত্ত কোমল বাহু

নিজ করমুষ্টি সহায়ে আয়ত্ত করায়, কুমারী করোদ্ধার বাসনায় বল প্রকাশ করিতে লাগিলেন । কুমারও সে পক্ষে বিপক্ষ প্রায় স্বপক্ষে পক্ষবান্ হইলেন । পরস্পরে হস্তাকর্ষণ করাতে যেন করি-করভদ্রয় বিবাদ-সূত্রে শুণ্ডে শুণ্ডে শুণ্ড ধারণপূৰ্ব্বক সমরে প্রবেশ করিল । উভয়ের দর্শনমনোহর বাহুযুদ্ধ, চাকুচাতুর্গ্যচর্চিত মঞ্জুবচন, দ্রুতবাহি নিশ্বাস প্রশ্বাস ও পদপ্রক্ষেপাদির শ্রুতি এবং কুমারীর চরণভরণের বঙ্কারাদিতে বোধ হইল যেন কোকিল ভ্রমর ও মলয়াচলানিল সহায়ে কুমুমায়ুধপত্নীর সহিত নৃত্যগৃহে অধিষ্ঠান করিলেন । কামিনী-কুমারের এই ঘোরতর ব্যবহার অবলোকন করিয়া নিশাকর করনিকর বিস্তার করত উন্মাদিত বাতায়ন-দ্বার-মধ্য দিয়া সম্মুখীন হইয়া উভয়ের বিবাদ ভঞ্জে বিশেষ ননোযোগী হইলেন । তখন কুমারীর জারি জোরী ভারি ভূরী আর কিছুই রহিল না, চন্দ্রদেব কুমারের প্রতি সদয় হইয়া কুমারীর চাতুরী চূরি করিয়া লইলেন । রাজবালা অপ্রতিভা বশতঃ পলায়নোদ্ভাতা হইয়াই বা কি করিবেন, তাঁহার ভুজ-ভুজঙ্গিনী কুমারের বাহু নাগপাশে আবদ্ধ হইয়া রহিয়াছে । কিশোরী বসন-নীরদে বদন-শশপর ঢাকিতে ঢাকিতে কিশোরের কর-মাকুত ঐ বসন-নীরদকে অন্য দিকে আকর্ষণ করায় তাঁহার অবগুণ্ঠনের উপায়াদিরও

বিষম বিভ্রাট ঘটিল । তিনি লজ্জায় করকমলে বদন-
কমলকে আচ্ছাদিত করিয়া উভয় জামুসন্ধির মধ্যে বিন্যস্ত
করায় তাঁহার নাভি-সরোবর রাজীবরাজি-বিরাজিত
হইল ; করেণুকরসদৃশ কুমারের করদ্বয় কমলদল
দলিত করিয়া কুমারীর বদন-কমল উত্তোলন করিল ।
নাতঙ্গ-শুণ্ড যে কেবল প্রকুল নলিনীদলকেই লগ্ন ভগ্ন
করিয়া থাকে এমন নহে, কলিকা-দলন-দীক্ষায়ও বিলক্ষণ
নিপুণ । অরবিন্দরুন্দের বিষম বিপৎপাত বিলোকনে
অলিকুলান্মীয় পক্ষিকুল পঙ্কজিনীর পরম প্রণয়াম্পদ
প্রিয়বর দিবাকরকে মুক্ককণ্ঠে সংবাদ দিতে লাগিল,
সূর্য্য মহাশয় আদরিণী স্বরমণী সরমিনী সরোজিনীর
সঙ্কট শ্রবণে ক্রোধে আরক্তবর্ণ হইয়া পূর্ক্সাচলে সমু-
দয়পূর্ষক অভয়প্রদানার্থে কর বিস্তার করিতে লাগি-
লেন । তখন নৃপতনুজার তনুতে তৈরবীসজ্জার বিভূতি
বিলেপনের চিহ্ন সকল কুমার নয়নগোচর করিয়া চমৎ-
কৃতচিতে ভূপালবালার চাতুরীর প্রতি ভূয়সী ধনা-
বাদ করিতে লাগিলেন, এবং কহিলেন প্রিয়ে ! তুমি
যে সকল প্রণালীতেই পটু, স্বয়ংই সর্পরূপে দংশ-
নানন্তর রোগী-বেশে চলিয়া স্বয়ংই ওষাক্রূপে ঝাড়াইতে
উদাত্ত হইয়াছ । তুমি তৈরবীমূর্তিতে যোগের প্রাচু-
র্ভাব দর্শাইয়া ইন্দুনালিনীবেশে আমাকে মোহিত করত
রাজবালা-রূপে আমার পরিণয় সাধন করিয়াছ !

সুন্দরি ! তোমায় চেনা তার । তোমার মোহন গুণের কথা আর আমি এক মুখে কি কহিব, নাগরাজ সহস্র মুখে তোমার গুণ বর্ণনায় অক্ষম হইয়া তোমাকে অনন্ত-গুণা বলিয়া তিনি অনন্ত নামে পাতালবাসী হইয়াছেন । তুমি সৰ্ব্বগুণে গুণশালিনী, আমি মহারণো সেই ভয়ানক নিষাদ-হস্ত হইতে কেবল তোমার গুণেই রক্ষা পাইয়াছিলাম । কিন্তু প্রিয়ে ! একবার ইন্দ্ৰমালিনী-বেশে আমার মনের সহিত আমার হাবাদুরী হরণ করিয়া চোরের ন্যায় পলায়নপূর্বক অদর্শন-বাণে আমাব প্রাণ-হরণেরও চেষ্টা পাইয়াছিলে, আমার পুনরপি কি চুরি করিবার অতিপ্রায়ে সেই ইন্দ্ৰমালিনী-সাজ সাজিয়াছ, তাহার কিছুই বুঝিতে পারি না ।

কুমারী কহিলেন, অয়ি গুণাকর ! আপনি আমাকে চোর অপবাদ দিতেছেন কেন ? আমি ইন্দ্ৰমালিনীব বেশে বরমালোর বিনিময়ে মহাশয়ের তাব অঙ্গুবী পাইয়াছি । আমরা অবলা সরলা স্ত্রীজাতি, মনচোর পুরুষদিগের নত চৌর্য্যাকাশ্য জানি না । এই আপনার কণ্ঠভূষা ও অঙ্গুরী প্রতারণা করিতেছি, পরিগ্রহণ করুন । কুমার কহিলেন, প্রিয়ে ! বরমালোর পরিবর্তে ঐ অলঙ্কার যখন তোমার হস্তগত হইয়াছে তখন আর আমি দত্ত ধনে অধিকারী হইতে পারিব না, তুমিই ইহা গ্রহণের পাত্রী হইয়াছ । রাজবালা বলিলেন, সখা !

সেই মহারণো নিশীথ সময়ে এই করকণ্ঠভূষণ আপনি ইন্দুমালিনীকে সমর্পণ করিয়াছেন, অতএব আমি ইহা কিরূপে করতলস্থ করিতে পারি, ইহা কখনই সম্ভব নহে । এই ধনের স্বার্থ অধিকারিণী যেপৰ্য্যন্ত অত্র স্থানে উপস্থিত না হয়, সেইপর্য্যন্ত গ্রহীতৃ-বিরহিত সম্পত্তি রাজকোষেই সুরক্ষিত হওয়া উচিত । রাজ্য-বালা এই বাক্যের পর হারাদ্ধুরী কুমারের করকমলে সমর্পণ করিলেন । নৃপনন্দন কহিলেন, প্রণয়িনি ! তুমি যখন একবার ইন্দুমালিনীবেশে এত দ্রব্য গ্রহণ করিয়াছিলে তখন দ্বিতীয় বারও সেই বেশে সেই দ্রব্য তোমারই গ্রহণ করা কর্তব্য । এস এস প্রাণেশ্বরী ! তোমার কোমলাঙ্গে পরাইয়া মানস পূর্ণ করি । এতদ্বাক্যে রাজকুমার রাজবারীর গলদেশে কণ্ঠমালা ও অঙ্গুলিতে অঙ্গুরী যোজনা করিয়া কহিলেন, প্রিয়ে ! তোমার নিকট আমি একটী ভিক্ষা যাহাঞা করি, তুমি আর ঠৈরবী বা ইন্দুমালিনী বেশে আমার পুরোবর্ত্তিনী হইও না, আমি তোমার ঐ দুইটী মূর্তিতে মৃতবৎ যত্ননা ভোগ করিয়াছি । কিন্তু তাহাতে আমি তোমাকে দোষী করিতে পারি না, সে আমার অদৃষ্টের কৰ্ম্ম ভোগ ব্যতীত আর কিছুই নহে । হে সরমিনি ! ঠৈরবী ও ইন্দুমালিনী মূর্তির অদর্শনে সেই মহারণো যখন আমি অজ্ঞানাবস্থায় রোদন করি, তখন তুমি আমার

স্নেহের নিধান মমতার মূর্তি প্রাণাধিকা প্রণয়িনী হইয়া
ও উদারস্বভাব সরল হৃদয়ের বিনিময়ে কুটিলান্তরে
পাষণ হৃদয়ে আমার নয়নান্তরে রহিলে, হায় হায় !
ইহা কি সাধারণ নর্ম্মচ্ছেদি কর্ম্ম । তাই বলি প্রিয়ে !
আমার ললাটের দুর্ঘটনা ব্যতীত কি একরূপ ঘটিতে পারে,
যে আমায় সেই করাল কালোপম নিষাদনিচয়ের নিকট
হইতে পরিত্রাণ করিয়াছিল, সেই আবার আমাকে সেই
ভয়ঙ্কর ছুরবহ্নায় নিমগ্ন দেখিয়া নির্দয়ভাবে নিশ্চেষ্ট
হইয়া থাকে ; ইহা বিধিলিখিত আমার ললাটকল-
কের কল টে আর কি ? হায় হায় ! আমার সেই পোর-
তর বিপদ কালে সৈন্যাগণ সহকারে মন্ত্রিপুত্র যদি তথায়
উপস্থিত না হইত, তবে সেই মহারণামধ্যে আমাকে
পঞ্চদ্ব প্রাপ্ত হইতে হইত । বিহ্বলতা কহিলেন, অগ্নি
জীনিভেশ্বর ! যে ক্লেশের শেষে স্বসৈন্য সহিত সচিব-
সুতের সঙ্গলাভ, রাজধানীতে পুনরাগমনপূর্ব্বক মহা-
রাজ ও রাজারী শ্রীচরণ দর্শন এবং শুভবিবাহ প্রভৃতি
অতুল আনন্দকর ঘটনা সকল ঘটে, সে ক্লেশ কখনই দুর-
দৃষ্ট দশতঃ নহে ; সে ক্লেশ শুভাদৃষ্টের সহচর বলিয়া
বিশ্বমণ্ডলে বিখ্যাত হইতে পারে । হে প্রাণকান্ত !
আপনার শ্রীপদপ্রাপ্তে এ অধীনী আরও কিছু নিবেদন
করিতেছে । রাজপুত্র কহিলেন, আদরিণি ! তোমার
কি বলিতে বাসনা আছে, অসঙ্কুচিতচিত্তে, মিসি-রঞ্জিত

শুভাগঞ্জিত ওষ্ঠাধর স্পন্দিত, কুন্দকুসুমসুবম দন্তাবলি
 ভাঙিত, মৃদ্ধা নর্দিত, তালু চালিত ও কোকিলকুণ্ঠিত
 কণ্ঠকুজিত স্বর সহকারে তাহা সুপ্রকাশ কর । আমি
 কণ্ঠকুহরে সেই সুধার সু-ধার ধারণ করিয়া আপনাকে
 কৃতার্থ জ্ঞান করি । রাজবালা কহিলেন, অয়ি হৃদয়-
 রঞ্জন ! শ্রবণ করুন, আমি সেই মহারণো যখন ভূমিতে
 বর্ণপাতপৃক্ষক আপনার পরিচয় গ্রহণ করিলাম, সেই
 দণ্ডেই দুইজন নিষাদ দ্বারা ভবদীয় ভবনে সংবাদ
 প্রেরণ করিলাম । ঐ নিষাদদ্বয় বিপুল অর্থাদি পুর-
 স্কার সহ প্রভাগমনপৃক্ষক এ অধীনীকে কহিল যে,
 মহারাজ কুমারকে লইয়া ষাইবার জন্য বহুসম্ব্যাক
 সৈন্য সামন্ত প্রেরণ করিয়াছেন, তাহার কল্য এই
 মহারণো নিশ্চয় উপস্থিত হইবে । আমি সেই সন্দেশ
 প্রাপ্তিমাত্র ভাবিলাম যে, যে কোন প্রকারে হউক এই
 অরণো আমার প্রিয়-সহবাস হইতেছিল । এক্ষণে
 ইনি বাটী গমন করিয়াই যে আমার বশীভূত হই-
 বেন ইহারই বা স্থিরতা কি ? যেহেতু ইনি ইন্দুমালি-
 নীর প্রণয়পাশে আবদ্ধ । অতএব অদ্য যামিনীযোগে
 ইন্দুমালিনী-বেশে ইহার গলদেশে বরমালা প্রদান-
 নস্তুর স্বকার্য্য সাধন করি, পরে ইহার পশ্চাৎ পশ্চাৎ
 আপনভাবে আমিও বাটী গমন করিব । তথায় ইন্দু-
 মালিনীর অভাবে অগত্যা আমার প্রণয়পরায়ণ হইলেও

হইতে পারেন। আর যদি একান্তই বিবাহ বিক্ষেপে আমাকে বিষতুল্য বোধ করেন, তবে আমি পুনরায় যোগিনীর বেশে এই মহারণো আসিয়া কাঙ্ক্ষানিনীর ন্যায় কালাতিপাত করিব। মনোগত এই কল্পনায় আপনাকে কহিলাম, অদ্য যোগবলে আপনার সহিত ইন্দুন্মালিনীর সন্মিলন করাইব। আমি আপনার সহিত প্রথম দর্শনদিনেই পূর্ণমনোরথ হইতে পারিতাম, কেবল আপনাকে ইন্দুন্মালিনীগত-প্রাণ দেখিয়াই অপেক্ষা করিয়াছিলাম। কিন্তু ঐ দিন আর ঠেংঘাবলম্বন করিতে পারিলাম না; আবার পোড়া অনঙ্গও তাহাতে প্রবল হইয়া ক্রমে আমাকে বিবশাঙ্গিনী করিতে লাগিল। আমি নিতান্ত উৎকণ্ঠায় উৎপীড়িতা হইয়া নিশীথ-সময়ে সেই অতনুর অনুবর্তিনী হইয়া ভবদীয় কুটীরে উপগতা হইলাম। এবং কৌশলক্রমে বরমাল্যের বিনিময়ে আপনার হারাদুরী গ্রহণান্তর স্থানান্তরে আশ্রয়-গোপন করিলাম। পরে আপনি স্বসৈন্য মন্ত্ৰিপুত্র সহিত অঙ্গবর্তীতে শুভযাত্রা করিলে, আমিও শবর-দিগের দ্বারা বাহিত শিবিকারোহণে গৃহাভিমুখী হইলাম। আমি আপনার সহিত অরণ্যবাসিনী হইবার জন্য অরণ্য-বাসিনী হই নাই, আপনাকে গৃহবাসী করিবার অভি-লাষেই অরণ্যবাসিনী হইয়াছিলাম। মহাশয়ের চতু-রঙ্গিনী বাহিনীর বাহিনী অবতরণে কালাতিক্রম হওয়ায়

অধীনী অগ্রেই কুসুমপুর নগরীতে প্রত্যগতা হইয়া-
ছিল ।

রাজপুত্র অভূতপূর্ব আশ্চর্যের সহিত কহিলেন, প্রাণে-
স্বরি ! তোমার এই অমানুষিক ক্রিয়া সকল অবগত
হইলে কোন্ ধীসম্পন্ন ব্যক্তি তোমাকে সাধারণ মান-
বিনী বলিয়া স্বীকার করিতে পারে ? তুমি বৃহস্পতি-
তুলা মেধাশালিনী, লক্ষ্মীলক্ষিত-লক্ষণাক্রান্তা ও ভোজ-
ভুজবিজয়ী কোতুক-প্রচারিণী । যে যুবা তোমাকে
বামভাগভাগিনী করিয়াছে, এই জগতে তাহার প্রাপ্য
বিষয়ে উৎকৃষ্ট আর কিছুই নাই । হে বুদ্ধিমান !
সেই ভয়াবহ গহনকাননে তোন'র উপস্থিত হইবারই
বা কারণ কি ? এবং কি উপায় অবলম্বনেই বা সেই
কালোপম দুর্দান্ত নিবাদগণকে এতাদিক বাধিত করিয়া-
ছিলে ? এই দুইটী বিষয় অবগত হইতে আমার আগ্র-
হাতিশয় হইয়াছে । সুন্দরি ! প্রকাশপূর্বক বলিয়া
বাধিত কর । এই বলিয়া রাজকুমার নীরব হইলেন ।



সপ্তদশ কুসুম ।

তদনন্তর রাজদুহিতা কহিলেন, প্রাণবল্লভ ! ভবদীয়
শ্রীচরণে এ দাসী সমস্তই সুবিদিত করিতেছে, শ্রবণ করুন ।
আমি কুমারীকালাবধি আপনার নান ও রূপগুণাদি শ্রবণ
এবং মধো মধো আপনাকে ঘোটকোপরি অবলোকন
করাতে মদীয় হৃদয়ক্ষেত্রে ভবদীয় প্রণয়িণী হইবার
অঙ্কুর উদ্ভিত হইয়াছিল । পরে আপনার সহিত আমার
সম্বন্ধ নিবন্ধন হইলে, ঐ বিবাহ-লালমাঙ্কুরে স্নেহ
ও প্রণয়ের দুইটি পল্লব নবোদ্ভূত হইতে লাগিল । কিন্তু
আপনি সচিবসুতের সহিত পরামর্শপূর্বক আমার
পরিণয়ের প্রতি প্রতিকূল হইয়া ধর্ম্মপুত্রস্ত ধনপতি
শ্রেষ্ঠীর কন্যা ইন্দুমালিনীর পাণিগ্রহণে নিতান্ত বাসনা
করিলেন । যেপর্য্যন্ত আমি অন্য বরে বরমালা
সম্প্রদান না করি, সেইপর্য্যন্ত আপনি পশুবধলীলাক্রমে
অটবীভ্রমণ, বাসনায় মহারাজ ও রাজ্ঞীর অমুজা
প্রাপ্ত হইলেন । আর যুগয়াকালে মধো মধো সঙ্কেত-
স্থানে উপস্থিত হইয়া ইন্দুমালিনীর সমাগম লাভ করি-
বেন, এবং যাত্রাকালে তাহার সহিত একবার সাক্ষাৎ
করিবার অভিলাষে তাহার প্রতি পত্রাদিও প্রেরণ
করেন । এই সমস্ত অভিপ্রায়ে আপনি শুভযাত্রা
করিয়াছেন ও ইন্দুমালিনীও প্রস্তুতা হইয়াছে,—আর্য্য-

পুত্র ! আমি যখন এই সমস্ত রক্তাক্ত দেহগত হইলাম, তখন আমি আর আনাতে নাই : ঐ কথা আমার কণ-
কুহরে প্রবেশ করিতে না করিতে যেন বিবাক্ত বাণ
আমাব হৃদয় ভেদ করিয়া নর্ম্মে প্রবেশ করিতে লাগিল ।
বুঝিলাম আমার চিরসঞ্চিত আশালতা একেবারে
মন্ডলে নির্মূল হইয়া গেল । অয়ি জীবিতেশ্বর ! অধিক
বলিব কি, এ জগতের সমস্ত সুখ সম্পত্তি ও মাতা পিতা
গুরুজনাদির স্নেহ এবং অবলা বালায় এই নব কলেবর
হনাহনপর কণিনিচয়ের ন্যায় প্রতীক্ষমান হইতে
লাগিল । তখন আমি অধীবা হইয়া যে দিকে দৃষ্টিপাত
কার সেই দিকেই যেন আমি আপনাকে অবলোকন
করিতে লাগিলাম । আনাব নৈসর্গিক বুদ্ধিব কার্য্য
মকল বিপর্য্যয় হইতে লাগিল । অন্তঃপুৰ-মধ্যে অব-
স্থিতি করা আমার পক্ষে নিবাক্ত অসহ্য হইয়া উঠিল ।
আমায় যেন অসংখ্য বিষধর ব্রাশ্চকাদিতে নিয়ত দংশন
করিতে লাগিল । তখন অসহনীয় যন্ত্রণায় অধীবা
হইয়া সরলা গরলা সহ পরামর্শ-পূরক পিতা মাতাব
অনুমতিক্রমে এই চিত্তরঞ্জনোদ্যানে উপস্থিত হইলাম ।
আমি ইতিপূর্বেও মধো মধো সরলা গরলা সহকারে
এই উদ্যানে আসিয়া থাকিতাম । ঐ দিন ঐ ছল-
ক্রমে অত্র স্থানে উপস্থিত হইয়া গোপনে একটী ভয়ানক
কার্য্য সাধনপূর্বক কিঞ্চিং শান্তিলভ করিয়াছিলাম,

কিন্তু দৈব আশ্রয় পুনরায় উৎকণ্ঠিতা করিল। যখন ঘোরতর মেঘের সহিত বারি-বর্ষণ, অশনিপাত, ও ঝঞ্ঝাবায়ু বহিতে লাগিল, তখন আপনার ভাবি বিপদ আশঙ্কায় এই অভাগিনী ঐ ভাবি বিপদের ভাগিনী হইতে বিশেষ চেষ্টিতা হইল। আর তিলাঙ্ক তিষ্ঠিতে না পারিয়া চুর্যোগ উপশমন না হইতেই সরলা গরলাকে কোন বিশেষ কার্যে নিযুক্ত করিয়া কিঞ্চিৎ বহুমূল্য রত্ন সংগ্রহ ও যত্ন বস্ত্র পরিধানপূর্বক ত্রিশূল-হস্তা হইয়া তৈরবী-বেশে নিশি-শেষে আপনার উদ্দেশে গৃহনির্গতা হইলাম। পরে অরণ্যে প্রবেশ করিয়া ইতস্ততঃ ভ্রমণ করিতে করিতে দিবাকর সুপ্রকাশ হইল। সূর্য্যের কিরণে বনানী দীপ্তি লাভ করিলে, স্থানে স্থানে কর্দমচিহ্নে জলোত্তীর্ণ সদৃশ এক যুবাকে দেখিলাম ; তিনি এক যুবতীকে ভবদীয় নীর-নিপতনের বিষয় পরিচয় প্রদান করিতেছেন, এবং তাঁহারও জল-মগ্নের কথা বলিতেছেন। আমি তাহা শ্রবণমাত্র কেমন একরূপ হইয়া ক্ষণকালও তথায় তিষ্ঠিতে না পারিয়া দ্রুতবেগে স্রোতস্বতীর তীরস্থ হইলাম, এবং ভাগীরথী-তীরস্থ মুমূর্ষু ব্যক্তিপ্রায় সেই কুলবতীর কূলে কি করিয়া-ছিলাম ও কি বলিয়াছিলাম, তাহা আমার কিছুই স্মরণ হইতেছে না। পরে দেখিলাম যে, আমি ধূলায় ধূসরিতা কূলে পতিতা রহিয়াছি ; এবং বোধ হইতে লাগিল

আপনি যেন আমাকে বলিতেছেন, প্রিয়ে বিদ্যালভে ! আমি জলোত্তীর্ণ হইয়াছি, ধরাসন হইতে গাত্রোথান কর, তোমার ভয় কি ? তখন আমি চারিদিক অবলোকন করিয়া জনশূন্য কেবল সেই তরঙ্গিনীকেই সম্মুখস্থ দেখিলাম । পরে তাঁহাকে বিনীতভাবে কহিলাম, মাতঃ তরঙ্গিনি ! আমি ত আপনার নিকট কোন অপরাধ করি নাই, তবে কিনিমিত্ত আপনি এই অবলা বালার কপালে সিন্দূরবিন্দুর বিনিময়ে অনল জ্বালিয়া দিলেন । মাতঃ ! তোমার জীবনে যদি আমার জীবনকালের জীবনান্ত হইয়া থাকে, তবে আমার এ পাপজীবনে কি প্রয়োজন আছে ? এই বলিয়া গলাঞ্চলে কৃতাজ্জলিপূৰ্ব্বক কহিলাম, হা মাতঃ ! হা তাত ! আপনাদিগের আদরিণী বিদ্যালভার অপরাধ ক্ষমা করিতে অনুমতি হউক । এই পাপিনী সেই রাজপুত্র বিজয়কেতুর অনুসন্ধানে চলিল । এই বলিয়া কল্লোলিনীর হিল্লোলে তনুভাগ-বাসনায় বাষ্প দিতে উদ্যত হওয়ায় কে যেন আমায় কহিল “কুমারি ! কি কর কি কর, তোমার প্রিয় কালের অনুসন্ধান কর, তিনি জলোত্তীর্ণ হইয়াছেন ।” আমি পশ্চাৎ দিকে দৃষ্টিপাত-পূৰ্ব্বক কাহাকেও দেখিতে না পাইয়া কত কি ভাবিতে লাগিলাম, এবং সহসা একটি বিষয় আমার স্মরণ হওয়ায় আমি আর আত্মঘাতিনী হইলাম না । তখন সেই কুলবতীর কূলে কূলে আপনার অনুসন্ধান করিতে

লাগিলাম। পরে সে কুল আমার অন্তকুল না হওয়ায়
 ব্যাকুলচিত্তে অপর কূলে উদ্ভীর্ণ হইলাম। কিন্তু এই
 আকুলা কুলজননার প্রতি সে কুলও প্রতিকূল
 হওয়ায় অরণ্যানী প্রবেশপূর্ব্বক মহাশয়ের উদ্দেশে
 ভ্রমণ করিতে লাগিলাম। হে জীবিতেশ্বর! বনানী
 পর্ব্বাটনের বিষয় আপনাকে কি আর অধিক বিদিত
 করিব, আপনি তাহা বিলক্ষণরূপেই অবগত আছেন।
 ক্রমে দিবাদসান সময়ে আমি সেই মহারণ্যে প্রবেশ-
 মাত্রই সেই নৃশংস নিবাদগণ আমাকে আক্রমণ করিয়া
 কহিল, তুমি কাহার কামিনী? কোথা হইতে কি সাহসে
 এই সোরতর নিবিড় বন মধ্যে উপস্থিত হইলে? আমি
 সেই চরুভূদিগের বিকট ও কদর্য্য ভয়ানক মূর্ত্তি দর্শনে
 প্রাণের প্রত্যাশায় পরাঙ্মুখ হইয়া ভয়বিশ্বলচিত্তে
 পরম পিতা পরমেশ্বরকে স্মরণ করিতে লাগিলাম।
 হৃদয় ব্যাকুলিত, নেত্র নিমেষশূন্য, ওষ্ঠাধর শুষ্ক ও
 কণ্ঠ রুদ্ধ হইয়া কম্পিতকলেবরে পতনোন্মুখী হওন
 কালে সেই পরমপবিত্র জগৎপিতার কৃপায় সহসা নীতিজ্ঞ-
 দিগের উক্তি আমার চিত্তে উদয় হইল। তখন আমি
 উপস্থিত ভয়কে ভয় না করিয়া ভয়কে জয় করিবার
 উপায় চিন্তা করিতে লাগিলাম। আমার মৌনবতী
 দর্শনে ঐ পাপাত্মারা সম্মুখীন হইয়া ভূমি অভিসন্ধির
 অভিপ্রায়ে আমাকে পরিহাসচ্ছলে ব্যঙ্গবাক্যে রঙ্গ

করিতে লাগিল । তখন আমি স্থির ভাব অবলম্বনে
 মিতান্ত অক্ষম হইয়া সাহসে নির্ভর ও জগদীশ্বরকে স্মরণ
 পূর্বক হস্তস্থিত ত্রিণূল উত্তোলন করিয়া বিকৃতস্বরে
 ভয়ানক চিৎকারের সহিত হুহুকার-রবে কহিলাম,
 রে আশুযুত্যা পাপিষ্ঠ দুৰাচার হতায়ুর্গণ ! আমাকে স্পর্শ
 করিলে বজ্রতুল্য এই শূলদণ্ডে তোদের মুণ্ড খণ্ড বিখণ্ড
 করিয়া সমস্ত নিষাদকুল সহিত এই বনভূমী বজ্রাগ্নিতে
 দগ্ধ করিয়া ভস্মসাৎ করিব । আহা ! ককণানিধান ককণা-
 ময়ের কি অনির্কচনীয় ককণা ! অভাগিনীর দুঃখসিকুর
 বেগ দর্শনে সেই কৃপাসিকু অসহায়। অবলার প্রতি
 একপ কৃপারীশি বিতরণ করিলেন যে, মর্তীত্ব জীবিত্ব
 ও মহত্ত্ব রক্ষার এক মহৎ উপায় উপস্থিত হইল । ঐ
 সময় গগনমণ্ডল ঈষৎ মেঘাচ্ছন্ন ছিল, আমার বাক্যের
 শেষ হইতেই ঘোরতর গভীর মেঘগজ্জ্বলনের সহিত প্রলয়
 কালের ন্যায় ভয়ঙ্কর শব্দে ঐ মহারণে এক বজ্র
 নিপতিত হইল । তখন সকলেই ভয়াকুলচিত্তে
 স্তব্ধ হইয়া একদৃষ্টে আমাকে নিরীক্ষণ করিতে লাগিল ।
 হৃদয়বিদারক ঐ অশনির শব্দে আমিও স্তব্ধ হইয়া-
 ছিলাম, কিন্তু ঐ পাপাচারদিগের ঐকপ অবস্থা দৃষ্টে
 পরম পিতা পরমেশ্বরকে মানসে কোটি কোটি প্রণামান্তর
 পুনরায় ঐরূপ ভীষণ স্বরে কহিলাম, রে দুর্ভাগ ! যদি
 তোদের বাঁচিবার বাসনা থাকে, তবে আমার পাদপদ্মে

মস্তক বিক্রয় করিয়া আমাকে জননী সম্বোধন কর ।
 তখন নিষাদেরা সাতক্ৰ অন্তরে “মা মোদেরঘরে রক্ষা
 কর মা, মোদেরঘরে রক্ষা কর” এই বলিতে বলিতে উৰ্দ্ধ
 শ্বাসে আমার নিকটস্থ হইয়া সাক্ষাৎ প্রাণিপাতপূৰ্ব্বক
 করষোড়ে সম্মুখে দণ্ডায়মান হইল । তখন আমি তাহা-
 দিগকে কহিলাম, বৎস সকল ! তোমরা স্থির হও, স্থির
 হও, আমাকে পাপ বাক্য বলিতেই এই ঘটনা হইয়াছে ;
 আমি কৈলাসবাসিনী ভগবতী, আমাকে ভক্তিভাবে
 প্রণাম কর, আমি তোমাদিগের মঙ্গল বিধান করিব ।
 তাহারা আমার এই বাক্য শ্রবণে, কম্পিত-কলেবরে
 গদগদ স্বরে কহিল, মা তুই যদি ভগবতী, তবে ধন
 দান দ্বারা যেরূপে কালকেতুর ছুংখ দূর করেছিলি,
 সেইরূপ ধন দানে মোদের ছুংখ ঘুচাইতে হইবে ;
 জননি ! মোরা তোমার অজ্ঞান ছাওয়াল, কি বলিতে কি
 বলিয়াছি, সে সকল অপরাধ ক্ষমা করে মোদেরঘরে
 রাজ্য পায়ে রাখ । আমি তাহাদিগকে অভয় দানপূৰ্ব্বক
 কহিলাম, বাছা সকল ! আমি কলাই তোমাদিগকে ধন-
 দান করিব, অদ্য তোমাদিগের কেহ উপবাস করিয়া রহ,
 আর আমাকে কিছু বিলুপত্র আনিয়া দেহ, আমি তোমা-
 দের ধনের জন্য শিব সাধনা করিব । এই বলিয়া গম্ভীর-
 নাদে পদ্মমেশ্বর স্মরণপূৰ্ব্বক হর হর বিম্বেশ্বর রবে ভূমিতে
 ত্রিশূল প্রোথিত করিয়া উপবিষ্ট হইলাম । তাহারা

সকলে বিলুপ্ত আনিয়া আমার সম্মুখে রক্ষা করিয়া ভক্তিসহকারে সকলে আমাকে বেটনপূর্বক বজ্রাঞ্জলি হইয়া রহিল। আমি শিব-সাধনার ছলক্রমে ক্রমে ক্রমে কিঞ্চিৎ কিঞ্চিৎ অর্থ সেই বিলুপ্ত আচ্ছাদনপূর্বক রক্ষা করিতে করিতে রজনী সুপ্রভাতা হইল। পরে প্রাতে তাহাদিগকে কহিলাম, তোমাদিগের মধ্যে যে ব্যক্তি উপবাস করিয়াছে সেই ব্যক্তি ঐ বিলুপ্ত মধ্যে হস্ত নিক্ষেপ করিলেই ধন পাইতে পারিবে। তাহারা কহিল মোরা সকলেই উপবাস করিয়াছি। আমি কহিলাম, তবে সকলেই বিলুপ্ত মধ্যে হস্ত নিক্ষেপ কর। তখন তাহারা বিলুপ্ত মধ্যে ধন পাইয়া আনন্দে বিমোহিত হওত আমাকে বেটন করিয়া কোটি কোটি প্রণামান্তর নৃত্য করিতে লাগিল। আমি তাহাদিগকে নিতান্ত বশীভূত দর্শনে ভাবিলাম যে, এই পাপাচারদিগের হস্ত হইতে আমার কুলমান ও দেহ প্রাণ নিঃসন্দেহ পরিত্রাণ পাইয়াছে, আর ইহারা আমাকে যথার্থই ভগবতী বিশ্বাসে যেরূপ বাধ্য হইয়াছে, আমি অনায়াসে ইহাদিগের দ্বারা দিগ্দিগন্ত অমুসন্ধানপূর্বক হৃদয়কান্তের অব্ধি-ষণ করিতে পারিব, অভাব এই স্থানেই কিছু দিন আমাকে অবস্থিতি করিতে হইবে। আমি এইরূপ মনে বিবেচনা করিতেছি এমনত সময়ে ঐ ছুরাঙ্গারা কহিল, না ভগবতি ! এই বনের কোন খানে ভোর থাকিবার

কুঁড়ে গড়ে দিব ? তাহাদিগের কুটীরের প্রায় এক পোয়া পথ অন্তরে এক নিবিড় বন মধ্যে আমি স্থান নির্দিষ্ট করিলাম । তাহারা সকলেই তৎপর হইয়া অগ্নিকণ্ঠের মধ্যেই আনার কুটীর নির্মাণ করিয়া কহিল, মা ভগবতি ! এই তোমার কুঁড়ে গড়ে দিলাম, তুই এই খানে চিরদিন থাক, মোরা কল মূল বেলপাতা দিয়া তোকে রোজ রোজ পূজা করে যাব ।

আমি তখন হস্তোত্তোলনপূর্ব্বক কহিলাম, বৎস সকল ! আমি তোমাদিগকে কালকেতুর ন্যায় এই বনের রাজা করিব, তোমরা যেপর্য্যন্ত না রাজা হও আমি সেই অবধিই এই কুটীরে অবস্থিতি করিয়া শিব আরাধনা করিব । এইরূপে আমি সেই মহারণ্যে বাস করিতে লাগিলাম, এবং তাহারাও আনাকে কখন ভৈরবী, কখন বন্যদেবী, ও কখন ভগবতী বলিয়া পূজার পদ্ধতিক্রমে কল মূল বিলদলাদিতে প্রতিদিন সন্তুষ্টা করিতে লাগিল, এবং মধ্যে মধ্যে পশুপক্ষ্যাদিও বলি প্রদান করিয়া আনার নিকট নৃত্যগীতাদি করিত । পরে সেই পরম পিতা পরমেশ্বরের পবিত্র করুণারামির মাহাত্ম্যে এ অধীনী আপনার শ্রীপদপঙ্কজের ভ্রমরিণী হইল ।

রাজপুত্র এই সমস্ত ব্যাপার শ্রবণ করিয়া কুমারীর প্রত্যাশমমতিত্বের অসংখ্য ধন্যবাদ করিয়া কহিলেন, আমি পূর্ব্বেই বলিয়াছি যে, তুমি অনামুষ-শক্তি-

সম্পন্ন, নতুবা এতাদৃশ অসাধ্যসাধন কার্য কি স্ত্রী-
জাতির সাধ্য হইতে পারে ? -প্রিয়ে ! আমি বিবেচনা
করি তুমি স্বর্গীয় কোন দেবদুহিতা শাপভর্য হইয়া
এই ধরাতলে জন্মপরিগ্রহ করিয়াছ। কুমার এইরূপে
রাজবালার বিবিধ ধন্যবাদ করিতে লাগিলেন ।



অষ্টাদশ কুসুম ।

তৎপরে রাজপুত্র পুনরায় কহিলেন, প্রিয়ে ! তুমি
আমার অনুসন্ধানে যাইবার পূর্বে সরলা ও গরলার
সহিত পরামর্শ করিয়া গোপনে কি কার্য সাধনপূর্বক
কিঞ্চিৎ শান্তি লাভ করিয়াছিলে, আর তাহাদিগকে
কি বিশেষ কার্য্যেই বা নিযুক্ত করিয়াছিলে, এবং তটিনী-
তটে আত্মবিসর্জ্য নোদ্যম-সময়ে সহসা কি বিষয়টী
তোমার স্মরণ হইয়াছিল—এই তিনটী বিষয় শুনিতে
আমি নিতান্ত কৌতূহলাক্রান্ত হইয়াছি ।

নৃপনন্দিনী কহিলেন, অয়ি চিত্তরঞ্জক ! ঐ তিনটী বিষয়
বিদিত করিতেছি, অধীনির বাক্যে মনোযোগী হউন ।
জ্যোতির্জালমালা-বিভূষিত বিমানবিহারী যামিনী-
নায়ক চন্দ্র মহাশয় কোন হ্রদে আমোদিনী কুমুদিনীকে
বিকসিত দেখিয়া বিবেচনা করিলেন, ইহা কখন বিকসিত
হেলাপুষ্প নহে, সেই দ্রুত পাপিষ্ঠ রাজ আমাকে গ্রাস

করিবার অভিলাষে ছদ্মবেশে প্রস্ফুটিত কুমুদ ছলে আপন-
নার বদন ব্যাদান করিয়াছে । জ্যোতিষ্পতি এই সিদ্ধান্তে
হেলায় হেলাকে পরিত্যাগপূর্ব্বক পলায়নপরায়ণ
হইলেন । সেই সময়ে সুধাপান-মানসে একটী চকো-
বিগী তাঁহার সঙ্গলাভে উদাত্ত হইয়া যাইতেছিল ।
নশংস বাধ না হইলে পক্ষী ধৃত করিতে পারে না,
একারণ আমি সরলা গরলার সহিত মন্ত্রণা করিয়া
স্বনবেশে সেই চকোর পক্ষীটী সেবিকা-জালযোগে
ধৃত করিয়া কিঞ্চিৎ শান্তিলাভ করিয়াছিলাম, এই আমার
গোপনীয় কার্য । আর ঐ চকোরিণীকেই বিশেষরূপে
বক্ষণাবেক্ষণ করিবার জন্য সরলা ও গরলাকে নিযুক্ত
করিয়া যোগিনীবেশে গৃহনির্গতা হইয়াছিলেন ; এবং
কল্লোলিনীর হিল্লোলে আত্মসমর্পণ কালে, পিঞ্জরা-
বদ্ধ চকোরিণীর কি উপায় হইবে এই বিষয়টী সহসা
আমার মনে পড়িয়াছিল, এই আদ্যোপান্ত সমস্ত আপ-
নার শ্রীচরণ নিকটে অকপটে নিবেদন করিলাম ।

রা । প্রিয়ে ! আমি চকোরপক্ষিণী কখন দেখি নাই,
এই কারণে আমার দেখিতে বাসনা হইতেছে ।

বি । সখা, আমি দেখাইতে পারি, কিন্তু যদি আপনি
চান ।

রা । না চাহিয়া চক্ষু মুদে কিপ্রকারে দেখিব ?

বি । নাথ ! সে চাওয়া নহে, গ্রহণ মানসে চাওয়া ।

- রা । না না, আমি সে মানসে চাহিব না ।
- বি । আপনি তাহার দিকে চাহিলেই চাহিতে ইচ্ছা হইবে ।
- রা । আমি তোমার মত বালিকা নহি যে, পাখীটী লইয়া খেলিব, পাখীটী না পাইলে কান্দিব, ও পাখীর সঙ্গে পাখী হইয়া থাকিব ।
- বি । সে পাখী পাইলে সকলেই পাখী হইতে ইচ্ছা করে । সে বালক বালিকাদের খেলিবার পাখী নহে, সে পাখী বালক বালিকার ব্রহ্ম ।
- রা । বালক বালিকাদের ব্রহ্ম হয় ভালই ত, দুই চারিটা ফল না হয় পাড়িয়া লইব ।
- বি । আপনি তাহার ফল পাড়িবেন কি আপনার পক্ষ বিশ্বফলের ন্যায় টুকটুকে ওষ্ঠাধরে পাছে সে চঞ্চু আঘাত করে, এই ভয়ই আমার প্রবল হইতেছে ।
- রা । প্রিয়ে ! তুমি অতি আশ্চর্য্য কথা কহিতেছ, তোমার এমত সুন্দর দাড়িষ ফল কেনিয়া চকোরিণী আমার বিশ্বফলে চঞ্চু গ্রহণ করিবে ইহা অতি অসম্ভব ।
- বি । ইহা অসম্ভব নহে, ইহা সম্ভব ; তাহার খুদ্দি-ভরা দাড়িষ আছে, সে অন্য দাড়িষে দৃষ্টিপাত

করে না, সে চকোরিণী সুধার অতিলাসিণী,
তোমার মুখচন্দ্রের প্রতিই তাহার লক্ষ্য ।

রা । তুমি এরূপ সুচতুরা চকোরিণী সম্মুখে থাকিতে
আমার বদন-সুধা অন্য চকোরিণীতে পান
করিবে ?

বি । সে বড় অন্য চকোরিণী নহে, সে চকোরিণীর জন্য
আপনি চকোর হইয়া অরণ্যে ভ্রমণ করিতে
করিতে মহারণ্যে ব্যাধের জালে ধৃত হইয়া-
ছিলেন, সে আপনার আরাধনের ধন, নাট্য-
শালায় সেতারের সুরে ইতিপূর্বে যাহার
গুণানুকীৰ্ত্তন করিতেছিলেন ; সেই চকোরিণী
কি সামান্য চকোরিণী ।

এই বাক্য শ্রবণে রাজপুত্র সলজ্জ-বদনে নীরব হইয়া
রহিলেন ।

বি । আব লজ্জায় কাজ নাই ; সেই চকোরিণী
আনিতে চলিলাম ।

রা । অয়ি চারুশীলে ! টেবরবী ও ইন্দুন্মালিনীর সং ভ
দুই বার হইয়াছে, এ বার আবার কি সং
সাজিতে সাজিতেছ !

বি । এ বার সং সাজিতে সাজি নাই, সং সাজাইতে
সাজিয়াছি ।

রা। সুন্দরি ! সৎকে আবার কি সৎ সাজাইবে ?

বি। গ্রাবু খেলার ইস্তক সাজাইব ।

রা। প্রিয়ে ! তুমি আর আমায় ইস্তক সাজাইবে কি,
আমি সেই মহারণ্য ইস্তক ইস্তক সেজেই ত
রহিয়াছি ।

বি। নাথ, কিঞ্চিৎ অপেক্ষা করুন, আপনাকে ইস্তক
বিস্তি সাজাইতেছি । এই রদের টেক্সা আনিতে
চলিলাম ।

এই বলিয়া রাজকন্যা স্থানান্তরিত হইলে জনৈক
পরিচারিকা আসিয়া কুমারের মাধ্যাত্মিক ব্যাপার সমাধা
করাইতে লাগিল । ক্রমে ক্রমে উদ্যানস্থ সমস্ত বাস্তিই
অবগাহন ভোজনাতির বাধ্য হইতে লাগিল ।

এ দিকে দেখিতে দেখিতে দিবাকর প্রথরকব-নিকর
বিস্তার করত গগনপ্রাঙ্গণে ভীষনমূর্তি পরিগ্রহ করিলে
দিগুণয় নরীচিকাজালে জড়িত, দবাতল উত্তপ্ত, ও
মধ্যে মধ্যে বহুল অগ্নিস্কলিদের সদৃশ বায়ু বাহিত হইতে
লাগিল ; পথিকেরা রুহদ্ভ্রমতলভাগশায়ী হইয়া গত-
ক্লম হইতে লাগিল, আতপতাপতাপিত পশুপুঙ্গ
তরুবরচ্ছায়া আশ্রয় করিয়া লাজুল সঞ্চালন ও রোম-
স্থন দ্বারা বিশ্রাম করিতে লাগিল ; প্রচণ্ড মার্ত্তণ্ড-
দণ্ডে অণ্ডকুল শাখি-শাখায় পত্রাবৃত হইয়া চঞ্চুপুটে
গাত্র কণ্ডুয়ন করিতে লাগিল ; জলাশয়ে প্রফুল্লনলিনী-

দলচ্ছায়াস্থ সারস ও মরালকুল ভৃক্ষাতুর দ্বিরদ-
গণকে মুণ্ডালাধী বিলোকনে দ্রুতবেগে স্থলভাগে ধাবিত
হইতে লাগিল ; করিবরগণের পদপ্রক্ষেপন ও শুণ্ডা-
ক্ষালন দ্বারা বারি সকল তরঙ্গমালায় আলোড়িত
হইলে অরবিন্দবৃন্দ দোলায়মান-কোশলে কুঞ্জরপুঞ্জকে
নিষেধ ও হংসবাহকে আহ্বান করিতে লাগিল ; ভৃঙ্গ-
কুল মত্ত মাতঙ্গদিগের মদগন্ধে লোলুপ হইয়া প্রণয়িনী
পদ্মিনীকে পরিত্যাগপূর্বক দন্তীদিগের গণ্ডচুষ্যনাশয়ে
বিক্ষার করিতে লাগিল ; পুণ্যাত্মাদিগের দেবালয়ে ও
অভিধিশালায় ধন্যমা ধন্যমা দাম্যমা-ধ্বনি হইলে
নাগা ফকির ভিক্ষুকাদি অভিধিগণ ভোজনার্থ সমা-
গত হইলে পরিচারকেরা ব্যস্তসমস্তে পরিবেষণ করিতে
লাগিল । ভোক্তৃগণ চৰ্ম্মা চোষ্য লেহ্য পেয় ইত্যাদি
দ্রব্যাদি পরিভোষরূপে আহার করিতে লাগিল । ক্রমে
বেলা অবসান হইলে কুলাঙ্গনারা কূলবতীর কূলে গাত্র-
মাজ্জন সম্ভরণ ও কুন্তপূরণ প্রভৃতি কার্য্যে তৎপর
হইলেন । দেখিতে দেখিতে সন্ধ্যামাতা সম্মুখীন হইলে
ধামিনী ও কাগিনীগণ নাথসমাগম-বাসনায় আশাপথ
নিরীক্ষণ করিতে লাগিল ।



উনবিংশ কুসুম ।

এখানে যবন যুবা ইন্দ্ৰমালিনী'র নিকটস্থ হইয়া কহিলেন, প্রিয়ে ! তুমি ত আর আমার প্রণয়পথে পদার্পণ করিলে না, এক্ষণে তোমাকে অনর্থ কষ্ট দেওয়া অমুচিত, বিশেষ তোমার উদার স্বভাব ও সতীত্বরক্ষার ঐকান্তিকতা দর্শনে আমি অতিশয় সন্তুষ্ট হইয়াছি ; সম্প্রতি এই অঙ্গুরীটী তোমাকে পুরস্কার স্বরূপ প্রদান করিতেছি গ্রহণপূর্ব্বক এই সখীর সহায়তায় নিজধামে গমন কর ; আমি এপর্য্যন্ত যে তোমাকে অত্র স্থলে বন্দীভাবে রাখিয়াছিলাম সেইজন্য আমি তোমার নিকট ক্ষমা প্রার্থনা করিতেছি, সুন্দরি ! আমার প্রতি কৃপাদৃষ্টি রাখিয়া স্বীয় ভবনে শুভ যাত্রা কর । এই সঙ্গিনী তোমাকে সমস্ত উদ্দেশ্য করিয়া দিবে । আর আমি শুনিয়াছি তোমার নিকটে যে ঘুড়ীর ব্যাপারিণী রহিয়াছে সে উত্তমরূপ গান করিতে পারে, অতএব তাহাকে এক বার গান করিবার অনুমতি করিয়া আমার চঞ্চল চিত্ত পরিতৃপ্ত কর । আমি তাহার পারিতোষিক প্রদানে কোন মতেই অনাথা আচরণ করিব না । ইন্দ্ৰমালিনী স্নেহেব এইরূপ বাক্যে আকাশে হস্তার্পণের ন্যায় অপরিমিত আনন্দিতা হইয়া উন্মাদিনীকে গান করিবার আদেশপূর্ব্বক যবনদত্ত অঙ্গুরীটী মুক্তিকা হইতে গ্রহণান্তর সহ-

চারিণী সহকারে গমনের উদ্যোগ করিতে লাগিলেন ।
উন্মাদিনী ইন্দুন্মালিনীর আদেশামুসারে গীত আরম্ভ
করিল ।

এইরূপে ইন্দুন্মালিনী মেঘমুক্ত শশীর ন্যায়, ব্যাধের
পাশাঙ্কিত পক্ষীর প্রায়, ও বেদিয়ার হৃদপিঞ্জলিত কৃশা-
ঙ্গিনী নাগিনী সদৃশ, যবনহস্ত হইতে উদ্ধার পাইয়া সঙ্গিনী
সমভিব্যাহারে গমন করিতে লাগিলেন । যাইতে যাইতে
অঙ্গুরী-অঙ্কিত বিজয়কেতুর নামটী পাঠ করিয়া অভূত-
পূৰ্ব্ব চমৎকার ও অনিৰ্ব্বচনীয় পুলকে একরূপ পরিপূর্ণা
হইলেন, যে তিনি কোথায় যাইতেছেন এবং কোথায়
বা ছিলেন তাহা সমস্তই বিস্মৃত হইয়া মৃগতৃষ্ণিত
লোচনে সহচারিণীর প্রতি দৃষ্টিপাত করিয়া কহিলেন,
সখি ! তুমি আমায় কোথায় লইয়া যাইতেছ ? আমি
কি স্বপ্ন দেখিতেছি ? সঙ্গিনী কহিল, আপনি স্বপ্ন দেখিবেন
কেন, আপনি যে অসাপারণ প্রেমানন্দে ভাসিতেছেন
আমি সেই আনন্দধামেই আপনাকে লইয়া যাইতেছি ।
এই সোপান আরোহণ করুন, পদলঙ্ঘালন দ্বারা এই
সোপানাবলী অতিক্রম করিলেই সুখ-সোপান পরি-
প্রাপ্ত হইতে পারিবেন । এই বলিয়া বিলাসভবনের
নাট্যশালায় ইন্দুন্মালিনীকে প্রবেশ করাইয়া কহিল,
যুবরাজ ! রাজবালা এই চকোরিণীকে আপনার শ্রীকরে
সমর্পণ করিয়াছেন, ক্রীত দাসীর কোটি কোটি প্রণামের

সহিত পক্ষীটাকে পরিগ্রহ করুন । দাসী এই বলিয়া যবন যুবার নিকট ফিরিয়া গেল । কুমার যে ইন্দ্ৰ-মালিনীর রূপলাবণ্যে বিমোহিত হইয়া তাহার বদনেচ্ছ হইতে সুধার ভাষা ও মধুর হাসি শ্রবণ ও দর্শনাভিলাষে তুরঙ্গারুঢ় হইয়া মল্লিপুত্র সহকারে ধর্ম্মপুর নগরীতে প্রতিদিন ভ্রমণ করিতে যাইতেন, যে ইন্দ্ৰমালিনীর সমাগম-লালসায় পিতা মাতার অত্যাচার বাৎসল্য স্নেহের সহিত রাজ্যভোগে ও রাজবালা বিদ্যালয়ের পরিণয়ে পরাজুখ হইয়া অভিসারস্থানে অপেক্ষা করিয়াছিলেন, যে ইন্দ্ৰমালিনীর আসার আশায় হতাশ হইয়া পরিশেষে জলমগ্ন, অরণ্যবিহারী ও নিষ্ঠুর নিবাদ কর্তৃক ধৃত হইয়া মৃতকল্প হইয়াছিলেন, যে ইন্দ্ৰমালিনীর প্রত্যাশায় কাপ্পনিক ইন্দ্ৰমালিনীর সহবাসে জীবনের সার্থকতা ও তদ্বিরহে হাহাশব্দে রোদন করিয়াছিলেন, যে ইন্দ্ৰমালিনীর প্রতিমূর্তি কুমারের চিত্তপট হইতে এপর্য্যন্তও নিরঙ্কিত হইতে পারে নাই, যে ইন্দ্ৰমালিনীর অনুসন্ধান পাইবার প্রত্যাশায় তৈরবীর সঙ্গলাভ-লালসায় এই চিত্তরঞ্জনোদ্যানের বিলাসভবনের নাট্য-শালায় উপস্থিত হইয়াছেন, এবং যে ইন্দ্ৰমালিনীর গুণগুণকীর্তন সেতার সহায়ে হইতেছিল, অদ্য সেই ইন্দ্ৰ-মালিনীকে দর্শন করিয়া কুমারের আনন্দ-সাগরের এরূপ বেগ বর্ধিত হইল যে, তাঁহার ক্লেশ চিন্তা উৎকণ্ঠা

ও দুঃখের নগর সকল জলপ্লাবিত হইয়া কোথায় যে ভাসিয়া চলিল তাহার আর নিরূপণ নাই। তিনি অনন্যমনে ও নিমেষশূন্যলোচনে ইন্দুন্মালিনীকে নিরীক্ষণ করিতে করিতে, তাঁহার নয়নযুগল আনন্দ-বারিতে অভিষিক্ত হইতে লাগিল। কুমার প্রথম প্রিয়াকে স্বাগত নম্রায় করিবেন, কি কর ধারণপূর্বক যথাস্থানে উপবেশন করাইবেন, কি কি করিবেন, কিছুই স্থির করিতে পারিলেন না। এইরূপ ব্যস্ত মনস্ত হইয়া বাষ্পকণ্ঠে কি কহিলেন তাহা কোন ক্রমেই কুমারীর কর্ণগোচর হইল না; কারণ তাঁহার অবস্থাও তখন ঐরূপ; তিনি একতানমনে কুমারের চন্দ্রানন যতই দেখিতেছিলেন, ততই তাঁহার চকোরিণীতুলা নেত্র হইতে মুক্তাবলির ন্যায় বাষ্পধারা নিপতিত হওয়ায় বোধ হইল যেন কুমারীর নয়নচকোর কুমারের বদন-চাঁদের এরূপ সুধাপান করিতেছিল যে তাহার চক্ষুসূক্ষ্মনী হইতে সুধার সু-ধার দরদরিতরূপে করিত হইয়া মুক্তাশ্রেণীর ন্যায় কুমারীর বক্ষঃস্থলে রমণীয়-দর্শন হইয়া উঠিল।

উভয়ের এইরূপ ভাব ভঙ্গি অবলোকন করিয়া পিঞ্জরস্থ শুক পক্ষী শারিকার প্রতি কহিতেছে।

শুক শারিকার কথোপকথন ।

শুক কহিতেছে, প্রিয়ে শারিকে ! বিরহব্যথিত নায়ক নায়িকাদিগের নেত্রধারা যদিচ নিয়ত নিপতিত হয় বটে, কিন্তু এক্ষণে সন্মিলন-সময়ে যে সেই ধারা দর-দরিতরূপে প্রবাহিত হইয়া উঠিতেছে ইহার কারণ কি ? অহরহঃ বিরহ-ভাপে বাষ্প বিনর্জনবশতঃ নয়নের কি নীর-নিঃসরণ স্বভাব হইয়া গিয়াছে, না উভয়ের প্রণয়-অপাংনিধি উচ্ছলিত হইয়া অক্ষি-কক্ষে বেগে খাবিত হইতেছে । প্রাণপ্রিয়ে ! ইহার যাতার্থ্য বলিয়া আমার সংশয় অপনোদন কর ।

শারিকা কহিল, হে হৃদয়-সুশীতল ! আপনি বাহা বলিতেছেন ইহা সম্ভব বটে, কিন্তু আমার বোধ হয় উভয়ের ভাপিত কলবরের সুশীতলতা-সম্পাদনে নেত্র-গণ সদয় হইয়া নিরন্তর নীর নিপাতন করিতেছে, অথবা প্রণয়-পথের প্রধান দম্বা বৃশংস বিচ্ছেদকে স্মরণপূর্ব্বক প্রেমের স্থায়িত্বপক্ষে হতাশ হইয়া উভয়েই রোদন সার করিয়াছেন । প্রিয়ভমা শারিকার এইরূপ অসুমান অনুধাবনান্তর শুক কহিতেছে, হে চিত্তানন্দদায়িনি ! তোমার এই সুধাসিক্ত উক্তি যুক্তিযুক্ত বটে, কিন্তু আমি এই স্থির নিশ্চয় করিয়াছি যে, উভয়ের হৃদয়াকাশে

সন্মিলন-কাদম্বিনী সমুখিতা হওয়ায় অশ্রুপাত-কোশলে
আনন্দোদক বর্ষণ হইতেছে ।

শারিকা প্রাণবল্লভের এতাদৃশ অমৃতময় বচন শ্রবণ
করিয়া পুনরায় বলিল, হে প্রিয়দর্শন ! তাহা নয় তাহা
নয়, আমি এই বার যথার্থ তথ্য অনুভব করিয়াছি,
প্রকাশ করি, প্রবণে কৃপান্বিত হউন । শুক কহিল,
সুধার্ক ! বল বল ।

শারিকা কহিল, হে দেব ! শ্রবণ করুন । সরস কাষ্ঠ
হতাশনে দক্ষ হওনকালে ঐ কাষ্ঠস্থ রস সকল যদ্রুপে
বাষ্পাকারে স্বতন্ত্রিত হইতে থাকে, তদ্রূপ সেই নর-
নারী-ঘাতক দম্বা-ভস্মরাশির দীপিত সায়কান্ধিতে
রসরাজ ও রসবতীর সরস দেহ পরিদক্ষ ও দহমান
হওয়াতেই বাষ্পরস বিগলিত হইয়া নয়নদ্বার বহিয়া
পড়িতেছে, এবং ঐ কন্দর্পের বাণানলে পরস্পরে জ্বলি-
ত্বৃত হইয়া বিশুদ্ধ সন্মিলন অভিলাষে নেক্রোদকচ্ছলে
ক্রমে ক্রমে গলিতেছে ।

শুক কহিল প্রিয়ে ! তুমি যাহা বলিতেছ ও আমি যাহা
বলিয়াছি, এ সমস্তই জ্ঞান্টিমূলক । এক্ষণে আমি যথার্থ
উহাদিগের মর্ম্ম অনুধাবন করিয়াছি, প্রকাশ করি, স্থির-
চিত্তে প্রবণে মনোযোগী হও । দেখ প্রিয়ে ! আমরা
পরস্পরে পিঞ্জরাবদ্ধ হইয়া স্পর্শন ক্রিয়ার অভাবে
কেবল দর্শন-অনলে পরিদক্ষ হইতেছি, কুমারী কুমারের

সুকুমার হৃদয়ে এই মৰ্ম্মাস্তিক বকোবিদারক যন্ত্রণা একা-
 স্তই অসহ্য হওয়াতে তাঁহার। পরস্পরে নয়নজলে
 ভাসিতেছেন ; ইহার আর তিল মাত্র ভুল হইতে পারে
 না । এক্ষণে যে কোন উপায় দ্বারা যদি তুমি আমার
 পিঞ্জরে প্রবেশ করিতে, অথবা কোন কৌশলক্রমে
 আমাকে তোমার পিঞ্জরে লইতে পার, তাহা হইলে
 আমাদিগের ও উহাদিগের এই অভাবনীয় ভাবের
 আভাব হইয়া সাত্ত্বিক ভাবের আবির্ভাব হইয়া উঠে ।

রাজপুত্র ও ইন্দ্ৰমালিনী যদিচ তৎকালোচিত স্বভাব-
 সূত্রে উহাদিগের বাক্যে অমনোযোগী ছিলেন বটে, কিন্তু
 শুক শারিকার এই বাক্যগুলি শ্রবণ মাত্র মধুর হাস্য
 উভয়েরই কমলাস্য ঐষৎ স্পন্দিত হইতে লাগিল । তখন
 বাস্তবিক পূৰ্ণ রূপের রূপাস্তর হইয়া তাঁহার। এক অনি-
 র্ৰচনীয় অপূৰ্ণ রূপের আধার হইয়া উঠিলেন । দীৰ্ঘ
 নিঃশ্বাস তিরোহিত, নেত্রনির লুপ্তায়িত, অঙ্গ প্রত্যঙ্গাদি
 স্পন্দিত, নয়ন পুলকিত, বাক্য ক্ষুরিত ইত্যাদি স্বভাবসিদ্ধ
 হইয়া উভয়েই উভয়কে ও শুক শারিকাকে নিরীক্ষণ করিতে
 লাগিলেন । রাজপুত্র ইন্দ্ৰমালিনীর হস্ত ধারণপূৰ্ব্বক
 নিকটে বসাইয়া কহিলেন, প্রিয়ে ! আমি তোমার এই
 শিরীষকুসুমসুসম বিমল কোমল করকমল স্পর্শে যেরূপ
 অনিৰ্ৰচনীয় সুখের নিধান হইতেছি, তোমার অমু-
 রাগানুরোধে কাপ্পনিক ইন্দ্ৰমালিনীকে দুইবার স্পর্শ

করায় এ সুখের কণামাত্রও আমাকে স্পর্শ করিতে পারে নাই । অদ্য আমার কি শুভ দিন, কি পরম সৌভাগ্য, তোমার দর্শন স্পর্শনাদি দ্বারা আমার দেহ মনঃ পরম পবিত্র হইল । সুন্দরি ! এস এস, এক্ষণে শুক শারিকাকে এক পিঞ্জরে সুরক্ষিত করি । এই বলিয়া কুমার শুক পক্ষীকে শারিকার পিঞ্জরে প্রবেশ করাইয়া দিলেন ।

ইন্দ্ৰমালিনী এই অভাবনীয় ঘটনায় অতিশয় আশ্চর্যান্বিতা হইয়া কুমারের বাক্যে কোন উত্তর না করিয়া মনে মনে এইরূপ ভাবিতে লাগিলেন, যে দুই যবন ইহার নামাক্রান্ত অঙ্গুরি কি উপায়ে পাইল, এবং ইনিই বা অত্র স্থলে কি প্রকারে উপস্থিত হইলেন । শুনিয়াছি অদ্য তিন দিবস রাজবালা বিদ্যুন্মলতার সহিত ইহার পরিণয় সম্পন্ন হইয়াছে, এবং করধারণপূর্বক আমাকেও নিকটে বসাইতেছেন ; স্ত্রীজাতি-সুলভ-অপ্পবুদ্ধি জন্য ইহার কিছুই বুঝিতে পারিতেছি না । বোধ হয় আমি স্বপ্ন দর্শন করিতেছি, নতুবা এই যবনহৃত মহাপাপিনী হতভাগিনীর ভাগ্যে কি রাজকুমারের সমাগমলাভ হইতে পারে ? মণিহারী তাপিনী নাগিনী কি হৃত মণি পুনঃ প্রাপ্ত হয় । এক বার ইহার সঙ্গলাভ-লালসায় যবনহস্তে ন্যস্ত হইয়া যৎপরোনাস্তি শাস্তি ভোগ করিয়া এইমাত্র নিস্তার প্রাপ্ত হইয়াছি, অদ্য আবার সেই সঙ্গ বিশেষরূপে

ঘটিতেছে, না জানি অচ্যুত কি ঘটনাই ঘটে । এইরূপ ভাবিতে ভাবিতে সলজ্জবদনে মৃদুধরস্বরে মনের এই সকল ভাবগুলি কুমারের নিকটে প্রকাশ করিতে লাগিলেন । রাজপুত্র যদিচ বিদ্যালতার রূপ গুণ বুদ্ধি চাতুরী স্নেহ প্রণয় ও উদার স্বভাবাদির গুণে নিগূঢ় রূপে আবদ্ধ আছেন, তথাচ ইন্দুমালিনীর বদনেক্ষুণ্ণিত সুধাশোভিত বাক্য কয়েকটি আকর্ষণ করিয়া তিনি স্বর্ণমুখের সোপান সন্দর্শন করিতে লাগিলেন । কুমার দুই করে কুমারীর কপোলদ্বয় ধারণ ও নেত্র প্রতি নেত্র সমর্পণ করিয়া আপনার মৃগয়া-যাত্রা হইতে জল মজ্জনের ব্রতান্ত, ঠেতরবী-নিষাদ-ঘটিত ব্যাপার, ও কাম্পনিক ইন্দুমালিনীর সঙ্গলাভ প্রভৃতি রাজবালা বিদ্যালতার পাণিগ্রহণ পর্য্যন্ত সমস্ত বর্ণন করিয়া কহিলেন, অয়ি প্রিয়ে ! তুমি যবন কর্তৃক অপহৃত হও নাই, স্বকার্য সাধনোদ্দেশ্যে বিদ্যালতাই তোমাকে অপর্ণ্যন্ত আবদ্ধ করিয়া রাখিয়াছিল, পরে আমাকে নিতান্ত ইন্দুমালিনীগত-প্রাণ বিবেচনা করিয়া অদ্য আমার হস্তে তোমাকে সমর্পণ করিয়াছে । আর মহারণে এই বিদ্যালতা তোমার বেশধারিণী হইয়া আমার যে হারাদ্বুরি গ্রহণ করিয়াছিল সেই হারাদ্বুরির মধ্যে অঙ্গুরিটি তোমার হস্তে সমর্পণ করিয়াছে । এই বলিয়া অঙ্গুরিটি ইন্দুমালিনীর অঙ্গুলিতে পরাইতে লাগিলেন, এবং কহিলেন, প্রিয়ে !

তোমাকে আবদ্ধ রাখাতে বিদ্যুল্লতা যদিচ সহস্র অপরাধের অপরাধিনী বটে, তথাপি পুনরায় তোমাকে আমার হস্তে সমর্পণ করাতে তাহার বুদ্ধিনৈপুণ্যের ও উদার চরিত্রের ভূয়সী প্রশংসা করিতে হইবে ।

ইন্দ্ৰমালিনী রাজপুত্রের সমস্ত কথা স্থিরচিত্তে শ্রবণ করিতেছিলেন, কিন্তু বিদ্যুল্লতার প্রশংসা তাঁহার কর্ণকুহরে উত্তপ্ত লোহশলাকার ন্যায় প্রবেশ করিতে লাগিল । কুমার ও তাঁহার প্রণয়ের ব্যবধানস্বরূপ যে বিদ্যুল্লতা ছলকৌশলক্রমে তাঁহাকে আবদ্ধ করিয়া স্বয়ং কুমারের সহচারিণী হইবার মানসে কুমারের সমস্ত বিপদের আকর হইয়াছিল, রাজপুত্র সেই বিপদোৎপাদিনী বিদ্যুল্লতার পাণিগ্রহণ করিয়াছেন, আবার অগ্নানমুখে তাঁহার প্রশংসায় প্ররত হইয়াছেন, ইহা শ্রবণে ইন্দ্ৰমালিনীর ওষ্ঠাধর স্পন্দিত, হৃদয় ব্যাকুলিত, নেত্র রক্তোৎপলবৎ ও মধুবমূর্ত্তিও নিলক্ষণ উগ্রতাপ্রাপ্ত হইয়া উঠিল । তিনি সপত্নীজাত ক্রোধে সন্তপ্ত কাঞ্চনের ন্যায় টল টল করিতে লাগিলেন, এবং বলপূর্ব্বক কুমারের কর হইতে স্বকর আকৃষ্ট করিয়া অঙ্গুরি উন্মোচন ও কুমারকে প্রত্যর্পণানন্তর কহিলেন, কুমার ! স্নেহ জাতিরা ভক্ষণাশয়েই ভাস্কর্য্য পক্ষী প্রতিপালন করিয়া থাকে ; অরণ্যবাসিনী হিড়িয়া রাক্ষসী কন্দর্পের দর্প-তাড়িত বৃকোদরের রূপমাধুরীতে বিমোহিতা হইয়া অপত্য-

লালসাতেই পুণাবতী কুন্তীদেবীর অপভ্রাগকে পৃষ্ঠে বহন
করিয়াছিল । অতএব বনবাসিনী বিজ্ঞানতা ইন্দুমালিনীর
বেশে আপনার মন হরণ করিবার মানসেই তৈরবীরূপে
নিষাদহস্ত হইতে মহাশয়ের প্রাণ রক্ষা করিয়াছিল ।
এই বলিয়া বসনাচ্ছাদিতবদনে দূরাসনে সমাসীন হই-
লেন । কুমার ইন্দুমালিনীকে মাননয়ী দেখিয়া মানভঞ্-
নামুষ্ঠানে উদ্‌যোগী হইলেন । ক্রমে ছলে বলে কলে
কৌশলে অভিমানিনীর দুর্জয় নানকে জয় করিতে না
পারিয়া মহাকবি জয়দেব-বিরচিত মানভঞ্জন পদ্ধতিতে
প্ররত্ত হইয়া পড়িলেন । তখন ইন্দুমালিনী বাষ্পকণ্ঠে
কহিলেন, রসরাজ ! ছি ছি ! কি করেন ! এ কার্য্য করিতে
নাই, আমি সামান্য মানবী, আপনার দাসীর যোগাও
নহি, আপনার এই অমল-কমল-তুল্য কোমল কর কি আমার
চরণে সম্ভবে, ছি ছি মহাশয় ! কাঞ্চন কখন কাচে শোভা
পায় না, সূর্য্যের কিরণ পদ্মবনকেই শোভাশালি করে,
শুভাঞ্জে সুরঞ্জন হয় না ; আপনার ছত্তী চরণে ধরি,
আমার পদ ছাড়িয়া দিউন, এ দানীরে আর ঘোর নরকে
নিপাতিতা করিবেন না, বিশেষ আমি অবিবাহিতা,
আমাকে আর স্পর্শ করা আপনার উচিত কার্য্য নহে ।
কুমার ইন্দুমালিনীর এই বাক্য শুনিয়া তাঁহার চরণ
ভাগপূর্ব্বক দণ্ডায়মান হইয়া ভাবিলেন, যে এইবার চরণে
পতিত হইয়া রহিব, ইহাতে যদি আমার প্রতি সরল ভাব

প্রকাশ না করেন, তবে প্রাণ পরিত্যাগের উপায় চিন্তা করিব। কুমার এই মানসে যেনন দেহকে অবনত করিলেন, অমনি তাঁহার কণ্ঠস্থ ফুলহার ইন্দুমালিনীর গলদেশে নিপতিত হইল। তিনি মানভরে নম্রবদনা থাকা প্রযুক্ত হার যে স্বয়ংই তাঁহার কণ্ঠস্থ হইয়াছে ইহা তিনি না জানিয়া কুমারের প্রতি কহিলেন, অয়ি বিদ্যালভাবলভ? আপনি কি করিলেন, আমার গলদেশে হারার্পণ করিলেন কেন? আপনার মোহাগিনী বিদ্যালভা ইহা শুনিলে যে অনর্থের সীমা থাকিবে না। তখন রাজপুত্র কহিলেন, প্রিয়ে সুধাভাষিণি! আমার সম্পূর্ণ ইচ্ছা যে তোমার গলদেশে মাল্য সম্প্রদান করিয়া প্রমাদে তোমার দত্ত বরমালা গ্রহণ করি, কিন্তু আমি তোমার অন্তঃকরণের অবাধ্য নহি, এই হার আমি তোমার গলদেশে সমর্পণ করি নাই, আমার প্রতি তুমি নিতান্ত নির্দয়া হইয়াছ দেখিয়া আমার কণ্ঠস্থ হার তোমার কর্ণকুহরে কোন সৎ পরামর্শ দিবার জন্য স্বয়ং তোমার কণ্ঠদেশে আশ্রয় লাভ করিয়াছে। ইন্দুমালিনী কহিলেন, সখা! তা নয়, তা নয়, আমি আপনার অভিসন্ধি বুঝিয়াছি, আপনি বিদ্যালভার সহিত মন্ত্রণা করিয়া আমার প্রাণনাশ-নানসে কাম-কাল-কুট-ভূষিত ভূজঙ্গিনীকে মাল্যদাম-ছলনায় আমার গলদেশে সমর্পণ করিয়াছেন। এই ফুলহারস্বরূপ কাল-

নাগিনী অবশ্যই অনঙ্গের তুল্যবিবরে ছিল, ইহার আর কোন সন্দেহ নাই । এই দেখুন আমার হৃদয়ে দংশন করিল । কুমার ! আমার মন কেনন করিতেছে, উছ মরি ! উছ মরি ! আমার প্রাণ যায়, নিদারুণ মদনবিবে আর যে বাঁচি না, মলেম যে । এই বলিয়া কুরঙ্গকেনিভূত লোচনে মদনবিষ-বিনাশক কুমারের বদন-সুধার অভিলাষে তাঁহার চন্দ্রানন প্রতি বিলোকন করিয়া রহিলেন । কুমার তৎকালজ্ঞাত সেই ভঙ্গিমা ও কটাক্ষেতে অভূতপূর্ব মোহন মাদকে বিমোহিত হইয়া কহিলেন, চারুশীলে ! তোমার বদন-সুধার সু-ধার ক্ষরিত হইলেই ঐ কাম-রূপা নাগিনীর গরল বিনষ্ট হইবে ; সুন্দরি ! দেখ দেখ সর্পকুল নির্মূল করণ মানসে তোমার নানায় নামা মিশ্রিত করিয়া বদন-সুধাকরে গরুড় বিহঙ্গম বিরাজমান করিতেছেন, প্রিয়ে ! ভয় নাই । ভয় নাই এই বলিয়া কুমারীর কর ধারণ করিলেন ।

কিশোরের করস্পর্শে কিশোরীর কি শরীর কি হইয়া কদম্ব-কেশরের ন্যায় শিহরিয়া উঠিল, ওষ্ঠাধর ও রসনা জ্বলন্ত শুষ্ক হইতে লাগিল, হৃদয় নিভষ ও উরু স্পন্দিত ভাব ধরিল, নিঃশ্বাসের দীর্ঘতা ও বাক্যের জড়তা হইতে লাগিল । নৃপনন্দন ইন্দুমালিনীর সেই অধীরা-বস্থা অবলোকন করিয়া আপনিও তদবস্থায় দক্ষিণ করে তাঁহার উক্খয়াদি ও বাম বাহুবল্লি দ্বারা গ্রীবাदि

সমস্ত অঙ্গ বেষ্ঠন পূর্বক আপনার হৃদয় ক্রোড়ের মধ্য-
 ভাগে ধারণ করিয়া পর্য্যঙ্কোপরি শয়ন করাইয়া
 দিলেন । কুমার শৈশবকালে মাতা পিতা বা ভৃত্যাদির
 অঙ্কে থাকিয়া বাল্যস্বভাবসুলভ যে চাঁদ ধরিতে চাহি-
 তেন, কুমারের সেই আশাটি অদ্য সম্পূর্ণরূপেই পরি-
 পূরিত হইল । আর ইন্দুন্মালিনী-প্রাপ্তি-লালসায় কুমা-
 রের অভিসার স্থানে উপস্থিতি, পাত্রপুত্র সহ জলমজ্জন,
 তদনন্তর অরণ্যভ্রমণ ও নিষাদহস্তে পতন ইত্যাদি
 নানা বিধায়ে যে মৃত্যুতুল্য যন্ত্রণা হইয়াছিল, অদ্য
 ঐ সরলহৃদয়াকে হৃদয়ে স্পর্শ করিয়া তাঁহার ঐ যন্ত্রণার
 বিনিময়ে পরম সোভাগ্যের খনি প্রকাশ হইল । রজত-
 পর্কতনিভ শশাঙ্কশেখর সতীশোকে বিকলকলেবরে ধ্যান-
 পর হইয়া মহাতপের কলস্বরূপা হিমালয়-আলয়ে
 ঠৈমবতীকে প্রাপ্ত হইয়া আশুতোষ যেনত আশুতোষ
 হইয়াছিলেন, নৃপনন্দন অদ্য সেই সদানন্দসদৃশ সদা-
 নন্দে বিমোহিত হইয়া দশ দিকে স্বর্গ-সোপান অবলোকন
 করিতে লাগিলেন । ইন্দুন্মালিনী, পল্যঙ্ক-অঙ্কে অঙ্কিত
 হওয়ায় তাঁহার বসন ভূষণ স্বেচ্ছাচারি থাকায়, কুমা-
 রের মনোহারিণী ও আদরিণী হইয়াছিলেন । কুমার
 কুমারীর শয্যাশায়ী রহিবেন কি উপবিষ্ট হইবেন ইহার
 কিছুই স্থির করিতে না পারিয়া একতানমনে কুমারীর
 প্রতি অনিমেষলোচনে চাহিয়া দণ্ডায়মান রহিলেন ।



ইন্দুমালিনী কহিলেন, মহাশয়! আপনি কি বিদ্যাল্লতার শাসন-আশঙ্কাতেই শয়নোপবেশনবজ্জিত হইয়া দণ্ডায়মান রহিয়াছেন। রাজকুমার কহিলেন, প্রিয়ে! যে দিন হইতে আমি অশ্বপৃষ্ঠে তোমাকে প্রিয় দর্শন করিয়াছি, সেই দিন হইতেই আমার চিত্ত-সুবর্ণে তোমার এই সুবর্ণমোহিনী মূর্তিটী অঙ্কিত করিয়া রাখিয়াছি। সুন্দরি! বিদ্যাল্লতার প্রণয়রস এখনও তাহাকে দ্রবীভূত করিতে পারে নাই এবং অন্যমোহাগেও গলিয়া রূপান্তর প্রাপ্ত হয় নাই; যদি তোমার দেখিতে বাসনা থাকে আমার হৃদয় বিদারণ করিয়া দেখ। ইন্দুমালিনী কহিলেন, প্রিয়সখে! আপনার হৃদয় বিদারণ করিয়াই বা দেখিতে হইবে কেন? আমি যে আমার হৃদয়েই আপনাকে সর্কক্ষণ নিরীক্ষণ করিতেছি, আপনি সেই মোহাগিনী বিদ্যাল্লতাকে হৃদয়ে পারণপূরক আমার হৃদয়ে সততই সুখে বিরাজ করিতেছেন। দেখুন দেখুন, সেই কারণে আমার হৃদয় কত ভারাক্রান্ত হইয়াছে। “আদরিণি! দেখি দেখি তোমার হৃদয় কিরূপ ভারাক্রান্ত হইয়াছে” কুমার এই বলিয়া ইন্দুমালিনীর বক্ষে কর প্রদান করিলেন। ইন্দুমালিনী অমনি ঈষৎ-হাস্য-বদনে, কাম্পনিক ক্রোধের সহিত, কি করেন কি করেন বলিয়া মিথ্যা লজ্জার অমু-বর্তিনী হইলেন, এবং বদ্বিরহিত ভাবে অঙ্গাদিতে বস্ত্রাচ্ছাদন-কৌশলে গাত্রোত্থানপূরক উপবেশন করিয়া

কুমারকেও পর্য্যক্ষে উপবেশন করাইলেন। সেই কালে ইন্দ্ৰুন্মালিনীর মনিস্ক্রান্তপ্রাণিত মাল্যদাম অধিকতর চঞ্চল হওয়ায় একখানি হীরকখণ্ড কণ্ঠচ্যুত হইয়া নিকটস্থ সেতারের উপর পতিত হইলে, সেতারটির সে তারটির ধাক্কা হইতে ঝগৎকার রবউখিত হইল। পরে সেই ধ্বনিতে ঐ ধনী কি ধ্বনি বলিয়া রাজপুত্রকে জিজ্ঞাসা করায়, কুমার উত্তর প্রদান করিতে লাগিলেন। কুমার কহিলেন, প্রিয়ে! তুমি এইনাত্র বলিয়াছ আপনি বিদ্যুন্মল্লতাকে হৃদয়ে লইয়া আমার হৃদয়ে বিরাজিত থাকায় আমার হৃদয় তারাক্রান্ত হইয়াছে, এই কথা শুনিয়া সেতারটি অব্যক্ত ধ্বনি দ্বারা কহিল, ইন্দ্ৰুন্মালিনী দেখ আমি সুরের অনুরোধে যুড়ি, ধরচ, পঞ্চম, প্রভৃতি পঞ্চগী তারকে হৃদয়ে ধারণ করিতেছি, আর তুমি বিদ্যুন্মল্লতার সহিত রাজপুত্রকে হৃদয়ে ধারণ করিতে পার না, ছি ছি! ইহা অতি লজ্জাকর কথা। হে ইন্দ্ৰুন্মালিনী! বিদ্যুন্মল্লতা তোমার সহিত রাজপুত্রকে হৃদয়ে ধারণ করিয়া আবার নিঃসর্জনে তোমার হৃদয়ে রাজপুত্রকে সমর্পণপূর্বক আপন হৃদয়ে বিরহের পাবণ রক্ষা করিয়াছেন, হায় হায়! বিদ্যুন্মল্লতা কি সরলস্বভাব। ইন্দ্ৰুন্মালিনী কহিলেন, কুমার! তা নয় তা নয়, সেতারের অব্যক্ত ধ্বনির ভাব আপনি কিছুই বুঝিতে পারেন নাই, তাহার বার্থ অর্থ আমি প্রকাশ করিতেছি শ্রবণ করুন। মহাশয়! যখন

আমার হৃদয়ে করার্পণ করিয়াছিলেন, তখন আমি ব্যস্ত
 ভাবে গাত্ৰোত্থান করায় বোধ হয় আমার কণ্ঠ হার
 বিচ্যুত অথবা কাঁচলিঙ্ঘনিত হীরকখণ্ড সেতারের বক্ষ-
 রক্ষিত সুরের উপর পতিত হওয়ায় সেতার ঝঙ্কারের
 সহিত তিরস্কার করিয়া ঐ মণিখণ্ডকে কহিল, হে নির্লজ্জ
 মণি ! তুমি কুমারীর কণ্ঠস্থ বা বক্ষঃস্থ ভূষণ কি বসনের স্বর্ণ-
 তারের গ্রন্থি ছেদন করিয়া আমার বক্ষঃস্থ লৌহ তার লক্ষ্য
 করিয়া আসিয়াছ, তোমায় ধিক্, তোমায় ধিক্ । সুভরাং
 একের হৃদয় পরিত্যাগ করিয়া যে অন্যের হৃদয়ে বাসের
 বাসনা করে, সেই সরমচ্যুত ব্যক্তিকে অবশ্যই ধিক্কারের
 ভাজন হইতে হয় । কুমার কহিলেন, জীবিতেশ্বর !
 সেতারের অব্যক্ত শব্দের ওরূপ মৰ্ম্ম নহে, উহার স্বরূপ
 মৰ্ম্ম আমি বিশেষ প্রকারে প্রকাশ করি, শ্রবণে মনোযোগী
 হও । সেতার কহিল, আমি মণিময়-মেখলা-বিরহিত তুষ্ণি-
 নিতম্ববিশিষ্ট পিত্তল-লৌহ-তার-জড়িত সামান্য কাষ্ঠ-
 খণ্ড হইয়াও কুমারের সুকুমার কর গ্রহণ করিয়াছিলাম,
 কিন্তু কেহ কুঞ্জরকুম্ভগঞ্জিত মণিদামসিঞ্জিতগমনা-
 ন্দোলিত নিতম্বদ্বয় ও অমূল্যরত্নরঞ্জিত কমলকোরক-
 লাক্ষিত রতিপতিবাক্ষিত কুচদ্বয়বিশিষ্টা হইয়াও কুমা-
 রের করগ্রহণ করিতে পারিল না, ইহা অতি আশ্চর্য্যের
 বিষয়, অতএব উহাকেই ততোধিক ধিক্ ; আর দেখ সরো-
 বর কূপ তড়াগ নদ নদী প্রভৃতি সকল হ্রদেই দিনকরের

করস্পর্শে অরবিন্দবৃন্দ আনন্দে বিকসিত হইয়াছে, কিন্তু কুমারের করস্পর্শ ব্যতীত যাহার হৃদয়পদ্মিনী মুদিত ভাবেই রহিল, তিনিও এই ধিক্কারের দলভুক্তা হইলেন, সেতারের অব্যক্ত ধ্বনির যথার্থ অর্থ এই । উভয়ে এইরূপ ছল কৌশলে বহুবিধ বাগ্‌বিতণ্ডা করিতে করিতে ইন্দ্ৰমালিনী ছদ্মবেশধারিণী উন্মাদিনীর সঙ্গলাভের প্রসঙ্গও কুমারকে অবগত করিলেন এবং তৎকালোচিত নানাবিধ আদিরসঘটিত সম্ভাষাদিতে কাল-স্বাপন করিতে লাগিলেন ।

বিংশ কুসুম ।

এখানে উন্মাদিনী সারা রজনী সরলা গরলা সহিত
ঐ যবন যুবাকে নানাবিধ গান শুনাইয়া বিদায় প্রার্থনা
করিলে, যবন যুবা আর একটা গান গাইতে অমুমতি
করিলেন । উন্মাদিনী যে আজ্ঞা বলিয়া যামিনী বিগতা
দর্শনে ললিত সুরে গীতারম্ভ করিল ।

গীত । রাগিনী ললিত, তাল ঠেকা ।

আমার পামর মন পরদারে কর আশা ।

জান কি জানকী হরি দশাননের যে দুর্দশা ॥

দুঃশাসন দুঃশাসন, সন্মাতা কীচক নিধন,

উকভঙ্গ দুর্ঘোষন, করি দ্রৌপদী-লালসা ।

ইচ্ছা করি পরদারে, দৈত্যকুল ছারে খারে,

ইন্দ্র হরি অহল্যারে, স্ত্রীচিহ্ন সর্বান্ধে ভূষা ॥

উন্মাদিনী এই গীতটী গাইয়া যাইতে উদ্যতা হইলে
যবন যুবা কহিল, প্রিয়ে ! তোমার তাললয়বিশুদ্ধ গীতে
আমার মন এরূপ বিমোহিত হইয়াছে যে, তোমাকে
নয়নাস্তর করা অন্তরে রাখিয়া অন্তরে রাখিতে একান্ত
অভিলাষ হইতেছে । উন্মাদিনী কহিল, মহাশয় ! আমাকে
অন্তরে রাখিবার অন্তরহু ভাব গায়িকার সতীত্বের

গ্রাহক যদি না হইত, তবে আনন্দ-সাগরের শ্রোতের
ন্যায় শ্রোতার এই বাক্য-শ্রোতে আমি পরমানন্দে
মনোবেদনা নাশিতে নাশিতে আপনায় ধন্যবাদ ভাষিতে
ভাষিতে হাসিতে হাসিতে ভাসিতে ভাসিতে বাইতাম ।
স্নেহ কহিল, সুন্দরি ! ইহা হিন্দুমহিলার বক্তব্য বাক্যই
বটে, কিন্তু একবার বাইজীর সম্মুখে স্মৃজিত হইয়া মৃত্যু
গীত করিলে তোমার হিন্দুধর্মের বিন্দুমাত্রও ক্ষতি না
হইয়া বরং উভয়েরই মনোরথ পূর্ণ হইতে পারে ।

উন্মাদিনী এই সকল উক্তি শ্রবণে মনে মনে
ভাবিলেন, বুঝি নিতান্তই কুলে কলঙ্ক ঘটিল, গভিক
ভাল নয়, এক্ষণে “যঃ পলায়তে স জীবতি” ইত্যাদি
আলোচনার পর কহিলেন, আমার বিশেষ প্রয়োজন
আছে, এক্ষণে বিদায় হই । ঐ দেখুন, মহাশয়, পূর্ব দিক
পরিষ্কার হইয়াছে, যামিনী গমন করিলে কামিনীর
আর থাকা উচিত নহে । এই বলিয়া উন্মাদিনী বেগে
গমন করিতে লাগিলেন । যবন যুবা কোতুকাভিলাষে
ভৎক্ষণাৎ তাহার অঞ্চলাকর্ষণ করিল । উন্মাদিনী
যবনস্পর্শজাত ক্রোধে প্রকলিত হইয়া উচ্চৈঃস্বরে
কহিল ! রে ছুরাচার স্নেহ ! তুই যে রূপ মহাপাপাচারী,
এই দণ্ডে তোরা মস্তকে বজ্র পতিত হউক । আমি
অতি কুবুদ্ধির বশবর্তিনী হইয়া ব্যাপারিণীর বেশ
ধারণ করিয়াছিলাম, হায় হায় ! আমি যে বেশে যুবক

নির্গতা হইয়াছিলাম, এক্ষণে যদি সেই বেশাদি থাকিত, তাহা হইলে আমার সেই করাল কৃপাণ কি কোষে-তেই থাকিত ? না তোর এই অস্পর্শীয় অঙ্গে উত্তমাজে সংযোজিত থাকিত ? এবং এই ধরণীতল সধবাদিগের সীমন্তস্থল হইতেই বা কি বাকি থাকিত ? থাক্ থাক্, আমি সত্ত্বরেই তোর গুরুতর যশামি কাণ্ডের দণ্ড বিধান করিতেছি । উন্মাদিনী এইরূপ তিরস্কার করিতে করিতে অঞ্চল ছাড়াইতে না পারিয়া পরিশেষে পরি-ধান-বসন পরিত্যাগপূর্ব্বক ভোরণ-দ্বার লক্ষ্যে বেগ-ধাবিনী হইল । সাহসিনী যদিচ এইরূপে যবনহস্ত-বিমুক্ত হইল বটে, কিন্তু লজ্জার হস্ত হইতে মুক্তিলাভ তাহার গণ্ডে সঙ্কট হইয়া উঠিল । জনসমাজে বিবসনা হওয়ায় মরণ মঞ্চল বিধানে জীবনে জীবনান্ত করণ ঘানসে দিগ্-বসনা সরোবর-সমীপে দ্রুতবেগে পদ-সঞ্চালন করিতে লাগিল ।

শ্রীহৃন্দাবনস্থ যমুনা-পুলিনে কেলিকদম্বদ্রুমাকূট জগৎ-জাতা ভগবান্ শ্রীকৃষ্ণ কর্তৃক হৃতবস্ত্রা গোপাঙ্গনারী যমুনার জলকেলিতে বিরতা হইয়া লজ্জা-কুণ্ঠিত অঙ্গ ভঙ্গি দ্বারা যদ্রূপে কুলোপিতা হইয়াছিলেন, ঐ ছকুলবিহীনা কুলললনাও তদ্রূপে সরসীকূলে উপনীতা হইল । ঐ সরো-বর-সোপাটনক-দেশে অঙ্গবতীনগরাগতা যে স্ত্রীলোকটি বলিয়াছিল সে-সহসা দ্রুতগামিনী উলাঙ্গিনী উন্মাদিনী

প্রায় উন্মাদিনীকে অবলোকন করিয়া বিশ্বয়াস্তরে
অভয় দান করত আস্তে আস্তে আপনার পরিধেয়
বস্ত্রাচ্ছি তাহার অঙ্গে সমর্পণ করিল, এবং নেত্রের
নীল মোচন ও বদনে বারি সেচন পূর্বক নিকটে
বসাইয়া মর্ম্ম অবগত হইতে লাগিল। মৃত্যু-গীত-
কারিণী ব্যাপারিণীকে দিগম্বরী দর্শন ও স্পর্শন মাত্রে ঐ
দাসীর হৃদয়ে যে অভাবনীয় অনির্কচনীয় কতরূপ
ভাবের আবির্ভাব হইয়াছিল, তাহা প্রকাশ হইবার
সময় অসমাপ্ত প্রযুক্ত এক্ষণে অপ্রকাশ রহিল।

দ্বীপিতাড়িত মৃগী যদ্রুপ সচকিতচিত্তে বেগধাবিনী
হইয়া বনান্তরে প্রবেশপূর্বক অন্য মৃগীকে প্রাপ্ত্যানন্তর
স্বজাতিসমাগম-লিপ্সায় তাহাকে বীক্ষণ করিতে থাকে,
উন্মাদিনী তদ্রূপ ঐ গুপ্তস্বারতা ভূজিয়ার সঙ্গপ্রাপ্তি
পূর্বক তাহার অঙ্গ প্রত্যঙ্গের প্রতি বারংবার বিলো-
কনে বিশেষ বাধিত হইল। কিঙ্করীকে যতই দর্শন
করিতে থাকিল, ততই তাহার অন্তরে অভূতপূর্ব
আনন্দের প্রত্যাধান হইতে লাগিল।

প্রাসাদপৃষ্ঠে রাজপুত্র ও ইন্দুমালিনী উন্মাদিনীর
শঙ্কাকুলিত ধ্বনি আকর্ষণ মাত্র সত্বরে সমীপস্থ হইয়া
কারণ প্রশ্ন করিলেন। উন্মাদিনী অকস্মাৎ ইন্দুমালি-
নীর সহিত রাজনন্দনকে দর্শনে অতীব আশ্চর্য্যোন্নয়নে
লব্ধবদনে নীরব হইয়া শিপিপিত-পুত্তলিকাসদৃশ

দণ্ডায়মানা রহিল। কুমার পুনঃ পুনঃ চীৎকারের
 হেতু জিজ্ঞাসায় উন্মাদিনী অঙ্গুলি নির্দেশপূর্ব্বক কহিল,
 ঐ গৃহে যবন যুবা আমার গান শুনিতে শুনিতে
 আমাকে ধরিয়াছিল। রাজকুমার উন্মাদিনীর বাক্যে
 হাসিতে হাসিতে ক্রতবেগে উহার দর্শিত গৃহে উপ-
 স্থিত হইয়া দেখিলেন যে, বিদ্যালতা স্নেহ পরি-
 ছদ পরিত্যাগ করিতেছে। তখন কুমার বিদ্যালতার
 হস্ত ধারণপূর্ব্বক কহিলেন, তোমরা সকলে শীঘ্র
 আগত হও আমি যবনকে ধরিয়াছি, ইনি এক বার
 ইন্দুমালিনী হরণ করিয়াছিলেন, আবার অদ্য উন্মা-
 দিনী-হরণের উপক্রম করিয়াছেন, ইহাকে মহারাজের
 বিচারালয়ে লইয়া যাইব। তখন সকলে তথায় উপ-
 স্থিত হওয়াতে বিদ্যালতা অতিশয় ত্রীড়াস্বিতা হই-
 লেন। কুমার কহিলেন সুন্দরি ! এ বেশ বেশ,
 এরাপ মোহন মুরতি আর পরিত্যাগ করিতেছ কেন ?
 আমি তোমার তৈরবী ইন্দুমালিনী ও বিদ্যালতা প্রভৃতি
 তিন স্ত্রীই দেখিলাম, ইহাতে মদনমোহিনী রতি
 রতি-তুল্যও নহে। তোমার এই পরম পুরুষবর নবীন
 যবনকিশোর কান্তিষ্ঠা বিধাতার দর্শনপথে পতিত হইলেই
 তিনি কামদেবের কুসুম কান্দুক ও পঞ্চশর গ্রহণপূর্ব্বক
 তোমার করে সমর্পণ করিতে আর কালবিলাস করিতেন
 না। হায় হায় ! জগদীশ্বর যদি আনাকে রমণী সৃজন

করিতেন, তাহা হইলে আমি এই অলোকসামান্য প্রিয়-
দর্শন অবয়বের শ্রীচরণাশ্রিতা হইয়া নাথ সম্বোধনে
রসনা ও বাসনার পবিত্রতা প্রতিপন্ন করিতাম । কি ছার
এই হিন্দুধর্ম ও কিসেরই বা কুল ! আমি দেবকন্যা হই-
লেও তোমাকে আমার এই হৃদয়-রথে আরোহণ করা-
ইয়া মর্ত্যলোকেই স্বর্গভোগের অধিকারিণী হইতাম ।

কুমার বিদ্যুল্লতাকে এইরূপ বলিতে বলিতে ইন্দু-
মালিনীর প্রতি কটাক্ষপাত করিয়া কহিলেন, প্রিয়ে !
তোমাকে সহস্র সহস্র ধন্যবাদ করিতেছি যে, এই ভীষণ
তরঙ্গরাজ্যবিরাজিত যবনযমুনার তুফান হইতে এই তরুণ
কুলতরণী উত্তীর্ণ করিয়াছ । এই স্নেহশ্রোতে অমূল্য-
নিধিপূর্ণ তরণী নিমগ্ন হইলে তোমার যৌবন-ধন অকুল
পাথারে নিপাতিত হইত । ইন্দুমালিনী বিদ্যুল্লতাকে
দেখিয়া তাঁহার অমানুষিক শক্তি উন্নয়ন করিয়া তাঁহার
সুশোভন কান্তি একদৃষ্টে নিরীক্ষণ করিতেছিলেন ।
তিনি কুমারের ধন্যবাদে সন্তুষ্ট না হইয়া কুমার বে
চাটুপটু বাক্যে বিদ্যুল্লতার গৌরব বৃদ্ধি করিতেছিলেন
তাহাতেই একেবারে প্রদীপ্ত ক্রোধের আধার হইয়া
কম্পিত ওষ্ঠাপর ও নাসাপুট হইতে দীর্ঘ নিঃশ্বাস
নিপাতিত করিতে লাগিলেন । পরে অনেক কষ্টে
সূঁচৈ ধৈর্য্যের সাহায্যে কুমারের প্রতি অগ্নে অগ্নে
কহিতে লাগিলেন, হে যবনস্তাবক ! আপনার আর

এতাদিক আক্ষেপ করিবার প্রয়োজন নাই । কারণ জগদীশ্বর ইহাকে পুরুষ সৃষ্টিতে বিস্মৃত হইয়া তাহার বিনিময়ে বারবিলাসিনীরূপ সৃষ্টিতে সৃষ্টি করিয়া তিনি তাঁহার ভ্রম সংশোধন করিয়াছেন, হে লম্পটবর ! আপনি পরম পবিত্র পুরুষ-রতন হইয়া যখন কামিনী হইতে একান্ত কাননা করিতেছেন, তখন আপনার দুরাশা যে পরিসীমায় কত প্রবলা তাহা বলায় এ অবলা নিতান্তই দুর্বলা । আপনি মোহিনীরূপে এ মহীতে অবতীর্ণ হইলে পুরুষনাত্নেরই কাম-কলাপ-আলাপিনী হইয়া সমস্ত কুলগলনাদিগের স্বামী-উৎসবের ভীক্ষুগ্র কণ্টকিনী হইতেন । উন্মাদিনী চনৎকৃতচিহ্নে বিদ্যামতার প্রতি নেত্রপাত করিয়াছিলেন, এক্ষণে উভয়ের মাধুর্য্য চাতুর্য্যের সুরুচির বচনরচনা আকর্ষণপূর্ব্বক কহিলেন, মহাশয় ! আপনারা যে সভার সভ্য, সে সভাতে আর চাটুকার বা ভাঁড় কিংবা কোতুকবাদী অথবা বহুক্রপী প্রভৃতি থাকিবার কোন আবশ্যক নাই ।

সরলা গরলা সত্বরে উন্মাদিনীর ও মহিবীর সেবিকার খণ্ড বস্ত্র পরিভাগ করাইয়া উত্তমাশ্বরে কলেবর সংবরণ করাইয়া দিল । মহিবীর পরিচারিকা রাজকন্যার অলৌকিক চাতুরীর ভূয়সী প্রশংসা করিতে লাগিল । রাজপুত্র উন্মাদিনীকে কহিলেন, উন্মাদিনি ! তুমি কি অভিলাষে ও কি উপায়ে অত্র স্থলে সমাগতা হইলে ? উন্মা-

দিনী কহিল, আমি ইন্দুমালিনীর অনুসন্ধানে ঘুড়ি-
 লথের ব্যাপারিণী হইয়া ছদ্মবেশে এই স্থানে উপস্থিত
 হইয়াছি। আমার দৈনিক পুরুষের পরিচ্ছদ ও বায়ু-
 গামিনী অশ্বিনীদ্বয় কুসুমপুর নগরীর হট্টশালায় সুরক্ষিত
 আছে। রজনীতে ইন্দুমালিনী যদি মুক্তি না পাইতেন ও
 অদ্য আপনার সহিত সাক্ষাৎ না হইত, তাহা হইলে
 আমি তাহাকে লইয়া এত ক্ষণ কত দূর গমন করিতে
 পারিতাম। বিদ্যুল্লতা উন্মাদিনীকে আপনা হইতেও
 প্রত্যুৎপন্নমতি ও সুচতুর। বিবেচনায় তাহাকে পুনঃ-
 পুনঃ নিরীক্ষণ এবং অঞ্চল-কর্ষণ-কালের বাক্যগুলি
 শ্রবণ করিয়া চমৎকৃতচিত্তে মনে মনে তাহাকে অগণ্য
 ধন্যবাদ করিতে লাগিলেন। কুমার উন্মাদিনীকে
 বহুবিধ প্রশংসা করিয়া কহিলেন, উন্মাদিনি ! যিনি
 তোমাকে পরিধেয় বস্ত্রাঙ্কি সমর্পণ করিয়াছিলেন, উনি
 তোমার কে হন ? উন্মাদিনী কহিল, উহঁার মনে
 আমার কোন আলাপ নাই, তবে শুনিয়াছি উনি
 আপনার জননীর দাসী। কুমার নাতার কিঙ্করীর
 প্রতি দৃষ্টিপাত করিয়া ঈষৎ হাস্যের সহিত কহি-
 লেন, মাতৃসখি ! এ ক্ষণে তোমাকে আর বয়স্য
 বলিয়া সম্বোধন না করিয়া তোমাকে সখী সম্ভাষে
 ডাকিব। মন্ত্ৰিপুত্র কহিল, পূর্বেই ত আনাদিগের এই
 পরামর্শ ছিল যে, আপনার আসিবার পূর্বে আমি

যে কোন উপায়ে হউক চিত্তরঞ্জনোদ্যানে উপস্থিত হইব, ইহাতে আর আমার অপরাধ কি? রাজবালা স্ত্রীবেশধারিণী মন্ত্ৰিপুত্রের প্রতি দৃষ্টিপাত করিয়া আলেখ্যপ্রায় হইলেন। মন্ত্ৰিনন্দনের মনোমোহিনী বেশ দেখিয়া সকলেই প্রশংসা করিতে লাগিলেন। উন্মাদিনী মন্ত্ৰিপুত্রকে বিলোকন মাত্র লজ্জায় পলায়নোদ্যত হইলে ইন্দুমালিনী উহার হস্ত ধারণপূর্বক কহিলেন, পূর্বে বেদিনীর বেশ দেখিয়াছ, অদ্য রাজ-মহিষীর দাসীর বেশ দেখিয়া নয়ন সফল কর। মন্ত্ৰিপুত্র কহিল, উনি আর এক দিন বটরক্ষ্মণ্যে আমার পঙ্কবিলেপিত কলেবর দেখিয়াছেন, এ ক্ষণে আপনাদিগের সকলের আশীর্বাদে হরিদ্রাক্ত কলেবরে সন্দর্শন হইলেই কৃতকৃত্য হই। রাজপুত্র কহিলেন, দেখ, ক্ষুধাতুররন্ধের বদনে ওদন, তৃষ্ণাতুরগণের প্রতি বারি, ও দিগ্বাসদিগকে বজ্রাদি সম্প্রদানে মহতেরা বদান্য নামের অধিকারী হইয়া থাকেন, কিন্তু সখা, তুমি উলাঙ্গিনী উন্মাদিনীকে বজ্রাদি প্রদান করিয়া বদান্য নামের বিনিময়ে লজ্জাবাসদানের কলভোগী হইয়াছ, ইহাতে তোমার আর হরিদ্রাক্ত-কলেবর হইবার প্রতিবন্ধক নাই, অচিরেই আশা সফল হইবে। মন্ত্ৰিনন্দন কহিল, কুমার! এ অধীনের প্রভুত্বের ফলেই এক রাজার সম ফল কলিবে। উন্মাদিনী অতিশয় অপরিত্রা

হইয়া নভশিরে ইন্দ্ৰমালিনীর পশ্চাৎ ভাগে দণ্ডায়মান হওয়াতে অসিত পক্ষের অটমী বা নবমীর চন্দ্রের পশ্চাদ্বর্তী হ্রুব তারার ন্যায় শোভা পাইতে লাগিল। রাজবালা কহিলেন, এ ক্ষণে অঙ্গবতীর অঙ্গনাকেই ধন্যবাদ করিতে হয়, যেহেতু আমরা ললিত রাগিণী নিশ্চিত গীতাদি আকর্ষণ দ্বারা কণ্ঠকুহর সুশীতল করিতেছিলাম, উনি মূর্ত্তিমতী ললিত রাগিণীকে দর্শন ও স্পর্শন করিয়া সর্বাঙ্গ সুশীতল করিয়াছেন। মস্ত্রিনন্দন কহিল, ঈশ্বর! আপনার চরণ-প্রসাদে কি না হইতে পারে, আমিও সামান্য ললিত রাগিণী দর্শন স্পর্শন করিয়াছি, আনাদিগের প্রভু আপনার অনু-গ্রহে কৈলাসবাসিনী অরুণোদয়ী তৈরবী রাগিণীর অনুরাগ-ভাজন হইয়াছেন : অতএব ঈশ্বর! এই ধর-মণ্ডলে আপনিই ধন্য। কুমার কহিলেন, চোরের ধন চুরি করিতে যে ব্যাপারিণী সাজিয়াছে, আমি তাহাকেই ধন্যবাদ করি। ইন্দ্ৰমালিনী কুমারকে কহিলেন, অগ্নি গুণাকর, আমি সকলকেই তিন্ন তিন্ন সাজ সাজিতে দেখিলাম, এ ক্ষণে আপনার একটা সাজা দেখিলেই নয়ন মন চরিতার্থ হয়। কুমার কহিলেন, প্রিয়ে! আমার সাজার আর বাকি কি? আমি ভোমায় জন্য নানা স্থলে নানাহানী হইয়া নানা সাজা পাইয়াছি। ইন্দ্ৰমালিনী কহিলেন,

কুমার ! ওরূপ সাজা বিষয়ে আমারও ক্রটি নাই,
আমি অদ্যাবধিও কারাকঙ্ক ছিলাম, যবনবেশী রাজ-
বালা বিদ্যালতার অনুগ্রহে এইমাত্র মুক্তি লাভ পাই-
য়াছি। এই বলিতে বলিতে ইন্দ্ৰমালিনীর পরিপ্লব
নয়নযুগল সজল হইয়া উঠিল। তদর্শনে বিদ্যালতা ইন্দ্ৰ-
মালিনীর দুইটি হস্ত ধারণপূর্বক বিবিধ বিনীত
বাক্যে অনুনয় করণানন্তর তাঁহার নিকট ক্ষমা প্রার্থনা
করিলেন। বিদ্যালতার এইরূপ মঞ্জু ভাষার তোষা-
মোদে তাঁহার ওষ্ঠাধর বিকম্পিত হইয়া তিনি স্তিমিত-
নয়নে ধারা এবং মনস্তাপের সহিত নিঃশ্বাস নিপা-
তিত করিতে থাকিলেন। ইন্দ্ৰমালিনীর ভাব ভঙ্গি
দেখিয়া বিদ্যালতার শারিকা পক্ষিণী কহিতেছে।—

কিসে কারারোধ, কেন কর ক্রোধ.

আছ ত দেবী-সমান।

বনে উন্মাদিনী, পড়ে একাকিনী,

দূর্যোগে বাঁচালে প্রাণ ॥

বিনা গৃহে গতি, যা কর আরতি,

সরলা গরলা দাসী।

মাখে সেই কাজ, সুখেতে বিরাজ,

বিধু-মুখে মধু হাসি ॥

হে ইন্দ্ৰমালিনি ! ঐশ্বর্যা-শালিনী,

ছিলে অশেষ বিশেষে।

কিন্তু তব হেতু, এ বিজয়কেতু,

সখা সহ জলে ভাসে ॥

সজ্জিত যবন, করি দরশন,

মূচ্ছিতা না সরে ভাষা ।

হেরিলে নিষাদে, পড়িতে প্রমাদে,

ছাড়িতে প্রাণের আশা ॥

ভয়ঙ্করাকার, হেরি সবাকার,

কুমার যে শবাকার ।

ধন্য বিদ্যালতা, নিষাদে বশতা,

করিল ছাড়ি হুকুম ॥

নিবিড় বিজনে, ভ্রমিয়ে কাননে,

এই চন্দ্রাননে পায়ে ।

রাঁচায়ে পরাণ, স্বদেশে প্রয়াণ.

করিল গোপন হয়ে ॥

সিধি জলনিধি, উপজিয়া নিধি,

সঁপিল করে তোমার ।

ভবু ছল ছল, নেত্রে বহে জল,

বদন-কমল ভার ॥

যাঁর কৃপালেশে, গৃহবাসে বসে,

অক্লেশে প্রাণেশে পোলে ।

সেই বিদ্যালতা, কত সরলতা,

ধরে দেখে ধরাভলে ॥

একবিংশ কুসুম

এমত সময়ে ধনপতি সাধুর সহিত রাজা বিক্রম-
কেশরী তথায় উপনীত হইলেন। সহসা মহারাজের
আগমনে বিদ্যুৎপ্রভৃতি সকলে দ্বিগুণিত হইতে
লাগিল। ধনপতি সাধু ইন্দুনালিনীকে আহ্বান
করিলে তিনি অতিব্রতভাবে আসিয়া পিতাকে সম্ভা-
জনপূর্বক তাঁহার চরণে প্রণতা হইলেন। ধনপতি
ইন্দুনালিনীকে সম্ভাষণান্তর মহারাজের নিকে
অঙ্গুলি নির্দেশ করিয়া কহিলেন, বৎসে! তোমার
পিতার ক্রীচরণে প্রণতা হও, তোমার প্রভৃতি
এই মহারাজের প্রধানা মহিষী ছিলেন। তিনি
তাঁহার পিত্রালয়ে তোমাকে প্রসব করিয়া অকালে
করাল-কাল-কবলে কবলিতা হইয়া মানবলীলা সংব-
রণ করেন। আমি তৎকালে তোমার মাতামহের
কোষাধ্যক্ষ ছিলাম। অচলা-নাম্নী আমার সহধর্মিণী
উন্মাদিনীকে প্রসব করিয়াছিল, আমি তোমাকে স্তন্য
দুগ্ধ পান করাইবার কারণ তোমার মাতামহের ও
মহারাজের অনুমতিক্রমে আপন বাগীতে আনয়ন
করিয়া অকৃত্রিম অপত্যস্নেহে এ পর্যন্ত তোমাকে
পরিবর্জন ও প্রতিপালন করিতেছিলাম। তুমি কোন-
রূপে চিন্তিতা হইবে এই বিবেচনায় এ সকল ব্রতান্ত

তোমার নিকট গোপনভাবেই রাখিয়াছিলাম । বৎসে ইন্দ্ৰমালিনি ! আমি উন্মাদিনী অপেক্ষা তোমাকে সহস্র গুণে স্নেহ করিয়া থাকি । আমরা তোমাকে হারা হইয়া মনিহারী ভূজঙ্গ ভূজঙ্গিনীর ন্যায় অতিশয় চঞ্চল-চিত্তে দিগ্দিগন্তরে লোক প্রেরণ করিয়াও সুস্থির হইতে না পারিয়া অবশেষে উন্মাদিনীকেও তব তত্ত্বে প্রেরণ পক্ষে বাধ্য হইলাম, এবং তোমার অদর্শনে আহার নিদ্রা পরিত্যাগ করিয়া এই ব্রহ্ম অবস্থাতে আপনিও কুসুমপুর নগরীতে উপস্থিত হইয়াছি । আমি তোমার সমস্ত রক্তাস্ত হট্টশালাস্থ অশ্বপালের নিকট অনপত্তিপূর্ব্বক তোমার পিতার সর্পিধিতে সমস্ত বিদিত করিলাম । মহারাজ ভক্তবৎসে বিশ্বিতচিত্তে তৎক্ষণাৎ সবল্য গবলাকে ডাকাইয়া তাহাদিগের প্রমুখ্যৎ সকল্য ব্যাপার বিদিত হওত আহ্লাদিত হইয়া তোমাকে অশীষাদ কবিত্তে আসিয়াছেন ! বৎসে ইন্দ্ৰমালিনি ! একগুণে আমাকে আর পিতৃসম্বোধন কবিত্তে হইবে না, অদা তোমার পিতাকে পিতা বলিয়া চন্দ্রা-ননের পবিত্রতা ও দেহের সকলতা সম্পাদন কর । যখন মাতা বলিতে বাসনা হইবে, বৎসে ! তখন এই মহারাজের দ্বিতীয় মহিষীকে মাতা বলিয়া ডাকিও, অথবা পক্ষপুরুষ সেই কাঙ্গালিনী দুঃখিনীকে স্মরণ করিয়া উক্ত সম্বোধন করিও । কুমারি ! আমি ধনে

ও নামে ধনপতি হইয়া অদ্য তোমা-ধনে পরি-
বন্ধিত হইলাম ।

ধনপতি এই বলিয়া ধরাতলে উপবেশন ও ধরা
পারণপূর্বক মুক্তকণ্ঠে রোদন করিতে লাগিলেন ।
ইন্দ্ুমালিনী মহারাজের চরণে প্রণামানন্তর নতশিরে
দণ্ডায়মানা হইয়া রহিলেন । কন্যাবৎসল মহারাজ
ইন্দ্ুমালিনীর দিকে দৃষ্টিপাত না করিতে করিতেই
তঁাহার নেত্রযুগল হইতে বাষ্পধারা বিগলিত
হইতে লাগিল । মহারাজের এই স্নেহ-সম্মিলিত
আনন্দাশ্রু-পাতের সহিত শোকসিকুর বারিধারাও
মিশ্রিত হইতে লাগিল । তিনি যতই কুমারীকে
কমলানন নিরীক্ষণ করিতে লাগিলেন, ততই তঁাহার
দীর্ঘ নিশ্বাসের সহিত অধিকাংশই শোকমুচক নীর-
ধারা নিপতিত হইতে লাগিল । পরে কিঞ্চিৎ ঠৈর্য্য
পারণ করিয়া ধনপতিকে সান্ত্বনা করিয়া কহিলেন, সাধু !
তুমি সাধু, এ কন্যারত্ন তোমারই যথার্থ, আমি নামে
মাত্র পিতা । এই বলিয়া বিদ্যুৎস্রোতকে নিকটে আহ্বান
করিলেন । বিদ্যুৎস্রোত গলগলীকৃতবাসা হইয়া পিতার
পদপদ্মদ্বন্দ্ব বন্দনা করিলেন । সরলা সরলাও মহা-
রাজকে প্রণতা হইয়া ধনপতির শুশ্রূষা করিতে
লাগিল । মহারাজ ইন্দ্ুমালিনীকে বিদ্যুৎস্রোতের হস্তে
সমর্পণপূর্বক কহিলেন, বৎসে বিদ্যুৎস্রোত ! তুমি ইন্দ্-

মালিনীকে যথার্থ সহোদরা ভগ্নীর ন্যায় ভাবিও । পরে ইন্দ্ৰুমালিনীকে কহিলেন, বৎসে ! তুমি বিদ্যাল্লতাকে মাতৃগর্ভজাত স্বসার সদৃশ সন্দর্শন করিও । স্বয়ং যে রাজকন্যা তাহা ইন্দ্ৰুমালিনী এক মুহূর্তের নিমিত্তেও জানিতেন না, অদ্য আপনার পরিচয় ও পিতাকে প্রাপ্ত হইয়া অতিশয় অভিমানে অনিবার অশ্রুধারা বর্ষণ করিতে লাগিলেন । তিনি বিদ্যাল্লতার প্রতি যতই দৃষ্টি নিক্ষেপ করিতে লাগিলেন ততই তাঁহার অভিমান দ্বিগুণিত হইতে লাগিল । বিদ্যাল্লতা আপনার দোষ ফালন অভিলাষে ইন্দ্ৰুমালিনীকে আলিঙ্গনপূর্ব্বক অপরাধের পরিত্রাণ প্রার্থনা করিতে লাগিলেন । উন্মাদিনী মহারাজ ও পিতার চরণে প্রণিপাত করিল ।

পরে শুভ লগ্নে রাজপুত্রের সহিত ইন্দ্ৰুমালিনীর ও মন্ত্রীপুত্রের সহিত উন্মাদিনীর শুভ বিবাহ সম্পন্ন হইলে রাজপুত্র বিদ্যাল্লতা ও ইন্দ্ৰুমালিনীকে লইয়া অঙ্গবতীতে প্রভ্যাগমনপূর্ব্বক পরম সুখে কালযাপন করিতে লাগিলেন । মন্ত্রীপুত্রও উন্মাদিনী সহকায়ে অঙ্গবতীব বাটীতে আসিয়া পূর্ব্ববৎ রাজপুত্রের সহ সহবাস করিতে থাকিলেন । মহারাজ রাজকার্য্যে আব্রত হইলেন । ধনপতি ধর্ম্মপুরস্থ হইয়া স্বীয় পবিত্রাবলীকে সমস্ত অবগত করিলেন । নিষাদগণ প্রার্থনাধিক অর্থ পাইয়া মহানন্দে মহারণ্যে প্রস্থান করিল ।

কিয়ৎ কাল পরে মহারাজ বীরবর পুত্রবধূদ্বয়ের গর্ভ
জাত দুইটী বালকের জাতক্রিয়াদি সমাধানপূর্বক বিজয়-
কেতুকে যৌবরাজ্যে অভিষিক্ত করণানন্তর এক পরম
জ্ঞানী পরমহংসের বক্তৃতা শ্রবণ করিয়া মহাবীর সহিত
তপোবনে আশ্রয় লাভ করিলেন ।

পরমজ্ঞানী পরমহংসের বক্তৃতা ।

নমঃ নিত্য নিরঞ্জন চিত্তচারণ ।

নমঃ সত্য সনাতন তত্ত্বকারণ ॥

নমঃ বিশ্ববিকাশক বিশ্বপালন ।

নমঃ দর্পহারি হরি দম্ব্যদলন ॥

নমঃ অন্ত-আদি-হীন প্রান্তবারণ ।

সুখাসিকু-সুখাকর সৰ্ব্বতারণ ॥

নমঃ সত্ত্ববজ্রঃতমঃ সংজ্ঞা-ধারণ ।

হয় সৃষ্টি স্থিতি লয় ইচ্ছা কারণ ॥

বট সৰ্ব্বব্যাপি নহ নেত্রে সাকার ।

আছ স্পর্শি সবে নহ স্পৃষ্ট কাহাব ॥

হের সৰ্ব্ব ভূতে ধর সৰ্ব্ব জীবন ।

নমঃ উত্তম পুরুষ নিত্য পাবন ॥

তব আজ্ঞা শিরে ধরি চন্দ্র তপন ।

ধাকি শূন্য পথে করে জ্যোতি অর্পণ ॥

হয় আজ্ঞাবহ এই বিশ্ব ভুবন ।
 ধরা অগ্নি উদকাদি শূন্য পবন ॥
 দিবারাত্র দণ্ড পল পক্ষ অয়ন ।
 প্রাতঃসন্ধ্যা আদি করে নিভা ভ্রমণ ॥
 জীব জন্তু কি কানন জঙ্গম বন ।
 আছ ভিন্ন রূপে চারু ভিন্ন শোভন ॥
 গিরি গুল্মলতা তরু পল্লবগণ ।
 করে পুষ্প ফলে তব অর্ঘ্য অর্পণ ॥
 হয়ে পক্ষিকুল তব তত্ত্ব মোহিত ।
 বসি বৃক্ষ'পরে করে সুন্দর গীত ॥
 কিবা ভাগ্য আছে প্রভু অর্চি তোমায় ।
 একে মূঢ়মতি গতি-বজ্জিত ভায় ॥
 নাহি তত্ত্বজ্ঞান, মন মত্ত বারণ ।
 পাপপঙ্কে ধায় নাহি গ্রাহ্য বারণ ॥
 করিকুন্তে ছিল মুক্তি-মুক্তা-রতন ।
 বিনা যত্নে রত্ন হয় পঙ্কে পতন ॥
 রিপু-শত্রু-করে কেবা রক্ষে আশ্রয় ।
 পড়ি শঙ্কটে শঙ্কিত কল্পিত কায় ॥
 ইয়ে অন্ধ অন্ধকূপে বন্দি এখন ।
 দীনে ছুস্তারে নিস্তার বিঘ্নহরণ ॥

চতুর্বিধ ভূতগ্রাম উপলক্ষে আত্মশাসন করিতেছেন ।—

হে জীব ! তুমি দুর্লভ মানব দেহ পাইয়া এই স্থির সিদ্ধান্ত করিয়াছ যে, পরম কারুণিক পরম পিতা জীব-রাজির মধ্যে অশ্বাদাদিকে সর্বোৎকৃষ্ট সৃষ্টি করিয়া তাঁহার গুণানুকীৰ্তন বিষয়ে যতুবান্ হইবার জন্য অশ্বাদাদিকে বাকশক্তি সম্প্রদান করিয়াছেন । হায় হায় ! বদ্ধমূল এই অহংকারী আনাদিগের সৰ্বনাশের আকর ও পাপ-পাবকের অনিল-স্বরূপ হইয়া আনাদিগকে ঘোরতর নরকাতিমুখে নীয়মান করিতেছে । জরায়ুজ অণুজশ্বেদজ উদ্ভিজ্জ এই চতুর্বিধ ভূতগ্রাম হইতে মানব-গণের শ্রেষ্ঠত্ব শাস্ত্রে কথিত থাকিলেও তাহার কিঞ্চিৎ তারতম্য আছে ।

যথা—আহার-নিদ্রা-ভয়-মৈথুনঞ্চ সামান্যমেতৎ পশুভি-
নরাণাম্ । ধর্মো হি তেষামধিকো বিশেষঃ, ধর্মেণ
হীনাঃ পশুভিঃ সমানঃ ॥

অতএব হে জীব ! ধর্মজ্ঞান ব্যতীত আমরা কোন
ক্রমেই পশুদিগহইতে উৎকৃষ্ট হইতে পারি না, যেহেতু
আহার নিদ্রা ভয়াদিতে আমরা পশুদিগেরই তুল্য ।

মানববর্গ নানাবিধ শাস্ত্র শিক্ষা দ্বারা বিশেষ জ্ঞান-
পন্ন হইয়াও যেরূপ কুৎসিত কার্যের পর্ব্যালোচনা,

লোকনিন্দনীয় অলৌকিক আচার, কদর্য ব্যবহার ও ধর্মের মর্মান্বোধি কর্ম সকল করেন, তাহার তিলাক্ষণও জরায়ুজাতপশুপুঞ্জ প্রতীয়মান হয় না। পশুগণ বিনা শাস্ত্রানুশীলনে যক্রপ নৈসর্গিক আচারের আশ্রিত, মনুষ্যগণকে তাহার সহস্রাংশের একাংশও আশ্রয় করিতে দেখি না। মাতঙ্গ, তুরঙ্গ, কুরঙ্গ, উম্ট, ভল্লুক, শাখামৃগাদি কয়েকটা পশু শাস্ত্রজ্ঞান ব্যতীত নৈসর্গিক বোধবশতঃ যে রূপ প্রভুতত্ত্ব দর্শাইয়া থাকে, নররন্ধেতে তাহার অধিকাংশই অভাব। সিংহ, শার্দূল, বিরদ, ঝফ, গো, মহিষ, গোমায়ু, খা, মজ্জারি, বরাহ, বানর ইত্যাদি জন্তুগণ যুদ্ধবিদ্যার বিন্দু বিসর্গও বিদিত না থাকিয়া স্বভাবতই ষাট্শ রণপণ্ডিত, বিগ্রহবিদ্যা বিশারদ নর-রন্ধেরা সে পাণ্ডিত্যে কুণ্ঠিত। দেখ জীব! সিংহ স্বভাবতঃ স্বীয় বল বিক্রম বিস্তার দ্বারা অপরাপর চতুষ্পদপুঞ্জকে পরাজয় করত অরণ্যমধ্যে একাধিপত্য সংস্থাপনপূর্বক পশুরাজ নামে বিশ্ববিখ্যাত হইয়াছে, এবং মুক্তি-কামনায় মুক্তিদাত্রী জগদ্ধাত্রীর বাহন নামে জগতে ঘোষণা রাখিয়াছে; আর হরিণ ফের গো ছাগ মেঘ বরাহ বানর মহিষ ইত্যাদি জন্তুগণ ধর্ম ও নীতি শাস্ত্র অনভিজ্ঞ হইয়াও স্বভাবসিদ্ধ স্ব স্ব জাতির পরস্পর প্রণয়ে যে-রূপ দলবদ্ধ হইয়া কালযাপন করিতে থাকে, নানাশাস্ত্র-পারদর্শী নীতিবিশারদ মানবজ্ঞেনিতে তাহার স্থান

সংখ্যাও দৃষ্টিগোচর হয় না । মনুষ্যমাত্রেই এক একটী উপায় অবলম্বন দ্বারা অর্থ সংগ্রহপূর্বক প্রকাশ করেন যে, আমরা উদরপূর্তির নিমিত্ত উপার্জন করিয়া থাকি, কিন্তু তাহা নামমাত্র, ঐশ্বর্যাশালী হইবার মানসেই সকলে অর্থের আরাধনায় মত্ত । কেহ কেহ ঐ অর্থের আয়ত্বকরণে এরূপ মত্ত যে লোকাচারবিরুদ্ধ, ধর্ম-বিগর্হিত—অধিক কি, কেহ কেহ বিশ্বাসঘাতকতা ও মনুষ্যের মনুষ্যসাধন প্রভৃতি দুর্নিবার নরকাকর মহৎ পাপকে বাণিজ্যমধ্যে পরিগণিত করিয়াছে। চতুষ্পদদিগের উপার্জন ক্ষমিত্ব ব্যতীত ঐশ্বর্যজনক নহে। পশুদিগের মৈথুনাতির নিয়মও অতি চনৎকার । গাভীগণের সঙ্গমাকাজক্ষাধিনি ব্যতীত হাম্মারব মাত্রেই ষণ্ডেরা উহা-দিগের সন্নিধিতে ধাবমান হয় না । গোঠে মাঠে সর্বদাই গাভী ষণ্ড একত্র বিচরণ করিতেছে, কিন্তু তাহাদিগের মনে তখন সে ভাবের আবির্ভাব কোথায় ? বিশেষ, গর্ভিণী গো সকলকে বুঝেরা সততই পরিত্যাগ করিয়া থাকে, এবং ঐ অস্তঃসত্ত্বা পয়স্বিনীগণও সঙ্গন-লালসার ভাব ভঙ্গি ও রবাদি বিষ্মৃত হইয়া তৎকালোচিত আচারে ঐ বুঝগণ-সহকারে ভূগাদি চর্চণ করিতে থাকে । এইরূপে অনেক পশুই প্রায় নিয়নে নিবদ্ধ আছে । কিন্তু হে জীব ! বহুশাস্ত্র-বেত্তা পণ্ডিতাভিনানী মানবশ্রেণিতে এ বিষয়ের অধিক অত্যাচার দেখিতে পাওয়া যায় । এ বিষয়ে মহিষদিগের

একটী আশ্চর্য ঘটনা উল্লিখিত আছে । কোন মহিষ-পালক তাহার মহিষীর সঙ্গম-সময় জানিয়া অন্য মহিষ অভাবে ঐ মহিষীর গর্ভজাত প্রাপ্তবয়স্ক মহিষের গাত্রে কর্দম লেপনানন্তর রূপান্তর করিয়া সেই সঙ্গমকার্য্য নির্য্যাহ করাইতেছিল । মহিষী ঐ মহিষের অঙ্গের ভ্রাণ ও লেহন দ্বারা আপন বংশ জানিতে পারিয়া ক্রোধের সহিত ঐ মহিষপালককে আক্রমণ করিয়া শৃঙ্গাঘাতে একপক্ষত বিক্ষত করিল যে, মহিষ-রক্ষক তাহাতেই পঞ্চদ্ব প্রাপ্ত হইয়া মানবলীলা সংবরণ করিল ।

চতুষ্পদপংক্তিতে আরও অতি আশ্চর্য্য নিয়ম আছে । ইহারা একপ অপর্য্য-স্নেহের বশবর্তী যে সদ্যোজাত বৎসের দর্শন ও লেহন দ্বারা আপনাদিগের প্রসব-যন্ত্রণা বিমূৃত হইয়া যায়, এবং বৎসের নিকটে অন্য জন্তু বা মানবগণ উপস্থিত হইলে “আমার বৎসকে জইবে বা আঘাত করিবে” এই বোধে তাহারা বৎসের সন্নিধানস্থ ব্যক্তি বা জন্তুদিগকে ছুঁকারের সহিত আঘাত করিতে উদ্যত হয় । কিন্তু নরশ্রেণির অনেকে ধনলোভে সেই অপত্য-বাৎসল্যে পরাঙ্মুখ হওত সন্তানের মমতা তিরোহিত করিয়া নন্দন-নন্দিনীগণকে অপরের নিকট বিক্রয় করিয়া, সেই অর্থ্যে অলঙ্কারাদি গঠন, পরিচ্ছদাদি ক্রয়, গৃহাদি নির্মাণ, ও ভোজনীয় পানীয়

ও আনোদীয় দ্রব্যাদি ক্রয় করিয়া বন্ধু বান্ধব সহিত সচ্ছন্দে সদানন্দে কালাতিপাত করিয়া থাকে ।

অতএব হে জীব ! এই সমস্ত নীতিবিগর্হিত ক্রিয়া দ্বারা তাহারা কিপ্রকারে সর্বপ্রাণীর শ্রেষ্ঠত্বপদ প্রাপ্ত হইতে পারে ? দেখ ঐ সকল জন্তুগণের বিষাগ, দশন, নখর, অস্থি, মজ্জা, স্নেহ, রস, রক্ত, মেদ, অজিন, লোম, জিহ্বা, লাঙ্গুল, নাভি, মুক, বিষ্ঠা, মূত্র ইত্যাদি দ্বারা নরহৃন্দের যেরূপ ইচ্ছা সাধন হইতেছে, মনুষ্য দ্বারা উক্ত পশুদিগের বা মনুষ্যদিগের সেরূপ উপকার কোথায় ? যদিচ কোন কোন জন্তু মৃত মনুষ্য খাইয়া থাকে বটে, কিন্তু তাহা প্রাপ্তিও অতিদুষ্কর : হিন্দুশ্রেনিস্ত সমস্ত লোক মৃত দেহ দহন করিয়া ভস্মীভূত করিয়া ফেলে, যবন ও উৎরাজ জাতিরা শব সকলকে মৃত্তিকাতান্ত্রে প্রোথিত করিয়া রাখে, এবং অশ্বাদির মধ্যেও কেহ কেহ মৃতের প্রতি ঐরূপ আচরণ করিয়া আনাদিগের প্রাণের প্রধানুসারে ঐ স্থানে সনাক্ত নামে মন্দিরাদি নির্মাণ করিয়া রাখে। তবে যদি কোন কারণে কোন শ্রেণির শবদি অরক্ষণীয় ও পতিত হয়, তবেই ঐ জন্তুরা খাইতে পায় । ব্যাঘ্র ইত্যাদি জন্তুরা যদিচ জীবিত মনুষ্য খুঁত করিয়া তাহার রক্ত মাংসাদি খাইয়া থাকে বটে, তথাপি পশুদিগের দ্বারা যে বহুবিধ মহোপকার হয় ইহা অবশ্যই স্বীকার করিতে হইবে । জন্তুগণ মুক্তিকামনা

দেবতাদিগের বাহন হইয়া পশুজন্মের সার্থকতা সম্পাদন করিয়াছে ; যথা, বিক্রপাক্ষের রুব, সূর্য্যের অশ্ব, চন্দ্রের মৃগ, ইন্দ্রের বারণ, যমের মহিষ, শীতলার গর্দভ, বশীর নাজ্জীর, গণেশের মূষিক, ইত্যাদি ; এবং সিংহ শূকর শৃগাল গাভী ইহারা স্বয়ংই দেবত্ব প্রাপ্ত হইয়া জনগণের নমন্য হইয়াছে । অতএব পশুশ্রেণি হইতে জীব ! তুমি কোন ক্রমেই উৎকৃষ্ট নহ ।

অণ্ডজোপলক্ষে আত্মশাসন ।

হে জীব ! অণ্ডজশ্রেণি-মধ্যেও মিত্রতা একতা শীলতা বিগ্রহ অপত্যস্নেহ খাদ্যোপাঙ্গন, ধর্ম্মপ্রতিপালন এবং শিল্পনৈপুণ্য অতি চমৎকার । দেখ বাবুই-আদি শকুন্তেরা চঞ্চু-আহৃত তৃণ দ্বারা যেরূপ নীড় নির্মাণ করে, তাহা সুশিক্ষিত শিল্পিদিগের বুদ্ধির অগম্য । আর দেখ, গরুড় বিহঙ্গম স্বীয় সামর্থ্যে কত শত বীরবৃন্দের বিক্রম আক্রমণ করিয়া এই জগতে পক্ষিরাজ আখ্যায় খ্যাতিাপন্ন হইয়াছে এবং চরমে পরম পদ প্রত্যাশায় তবভয়বিতঞ্জন ত্রীশ্রীভগবান্ বিষ্ণুর বাহন হইয়া দ্বিজজন্মের সফলতা লাভ করিয়াছে । আর জটায়ু-সম্পাদিদিগের কথা কি কহিব, সামান্যতঃ পক্ষী শৈল, শকুনি, হাড়গিলে, বুলবুল, তাম্রচূড়, কপৌত চিল ইহারা সত্যবত্তঃ যুদ্ধবিদ্যাবিজ্ঞাতা ; কতকগুলি দ্বিজপতি-

ধর, যথা—ময়না, মদনা, সুরী, চন্দনা, টিয়া, কাজলা, শালিক ইত্যাদি। আর কতকগুলি তিৰ্য্যগ্‌যোনি স্বভাবসিদ্ধ মনুষ্যের ন্যায় বাক্‌শক্তি পটু, যথা—শুক, শারিকা ইত্যাদি। কাকাতোয়া, ভীমরাজ, কস্তুরি, ময়ূর, নাছ-রাজা, ফিঙ্গা, খঞ্জন প্রভৃতি ; ও লক্কী, মুখা, নোট-নাদি কপোতগণ নৃত্য বিষয়ে নিপুণ। পাপিয়া, শামা, দয়েলাদি শকুন্তেরা নৈসর্গিক গুণে একরূপ মধুনয় ধ্বনি প্রকাশ করে যে, অতি উৎকৃষ্ট গায়কদিগের তান-লয়-বিশুদ্ধ মনোহর গীতাদি শ্রবণ না করিয়া ঐ খেচর-নিকরের মোহনীয় স্বর আকর্ষণেই চিত্তের আগ্রহাতি-শয় হয়।

কলকণ্ঠ ন্যূনের একতাও বিলক্ষণ লক্ষ্য হইতেছে, যেহেতু তাহার। সর্বদাই দলবদ্ধ হইয়া গতায়াত ও বিচরণাদি করিয়া থাকে। পারাবত, মরাল, ময়ূর, চক্রবাক প্রভৃতি অণ্ডজকুল আদিরস-শাস্ত্রাদি অধ্যয়ন ব্যতীত আদিরসাদির আদিপুরুষসদৃশ নদনোৎসবের আদর্শস্বরূপ হইয়াছে। আর কুক্কুট কাকাদি প্রভাত-বস্তার। যেরূপ গোপনে কানকলা আলাপে প্রবৃত্ত, বিদ্যামদমন্ত রথা জিতেন্দ্রিয়াতিমানী নানবতমুতে তাহার অণুমাত্রও অনুধাবন হয় না। আমরা এপর্য্যন্ত ময়ূর ও মরালদিগের পদসঞ্চালন স্ত্রী পুরুষে অনুশীলন করি-তেছি। কলঘোষের। অপত্যস্নেহে ব্যতিব্যস্ত হইয়া

আপনাদিগের কর্তব্য আহাৰ্য্য দ্রব্য আহাৰ না করিয়া কেহ বা চঞ্চুপুটে কেহ বা কণ্ঠে ধারণ করিয়া শাবক সকলের বদনে সমর্পণ করত তাহাদিগের ক্ষুধাশান্তি করে । কুলায়স্থ বা কোটরস্থ শাবকবর্গের সবিধে কোন জন্তু বা মনুষ্য উপস্থিত হইলে ঐ তিৰ্য্যগ্‌ঘোনিরা অতি কোপনস্বভাবে নথ চঞ্চু ডান। আঘাত দ্বারা তাহাদিগকে ক্ষত বিক্ষত করে, এবং নিজ নীড় হইতে উহাদিগকে অন্তর করিবার অতিপ্রায়ে অথবা জগৎপিতা জগদীশ্বরের সাহায্য-লাভ-লালসায় অতি ভীষণ রকম চীৎকার করিতে থাকে । আর দেখ, পক্ষিগণ মোক্ষকাননায় দেবতাদিগের তার বহন করিতেছে, যথা ব্রহ্মার হংস ষড়াননের শিখী, ধূমাবতীর কাক, লক্ষ্মীর কপোত, ইত্যাদি । এবং কোন কোন খেচর দেবতা-সদৃশ মনুষ্যাদিগের প্রণামভাজন হইয়াছে, যথা গরুড় শঙ্করচিল, শ্বেতকাক, গৃধিনী ইত্যাদি । বেদবিজ্ঞাতা দ্বিজের ন্যাস কতকগুলি দ্বিজ মুক্তিমানসে দেবদেবীর নামামুকীৰ্ত্তন করিয়া থাকে, যথা টিয়া, ময়না, শালিক ইত্যাদি । অতএব হে জীব ! এপ্রকার পদ্ধতিতে অণুজরাজি হইতে কোন ক্রমেই প্রোষ্ঠত্ব প্রাপ্ত হইতে পার না ।

কীটপতঙ্গাদি শ্বেদজোপলক্ষে আত্মশাসন ।

শ্বেদজদিগের শিল্পবিষয়ক নিপুণতা অতি অভাবনীয় ।
 যক্ষ্মীকগণ যে সুপ্রণালীতে মৃত্তিকার প্রণালী প্রস্তুত করে,
 তাহা সর্বভঃ প্রশংসনীয় ; এবং তন্তুকীটকৃত পট্টমুক্ত
 ভিষাকারে এরূপ সুরক্ষিত হয় যে, মনুষ্যাগণ তাহা দোহন
 পূর্বক সূত্রসঙ্কলনীতে সঙ্কলন করিয়া তদ্বারা বস্ত্রাদি
 বিবিধ বস্তু প্রস্তুত করিয়া অর্থের ভাজন হইয়া থাকে ।
 সমুদ্রে একপ্রকার কীট আছে তাহাদিগের মৃতদেহ মৃত্তি-
 কায় পরিণত হইয়া ক্রমশঃ ছীপাকারে সুপ্রকাশ পায়,
 এবং বহুদূর প্রাচীনাতিও কীট হইতে প্রাপ্ত হওয়া
 যায় । উর্ণনাভেরা লাল দ্বারা যেপ্রকার জাল রচনা
 করে তাহাতে তাহার শিল্পদক্ষতায় ভূয়সী প্রশংসার
 ভাজন ; ঐ জালে পতিত হইলে রুশিক প্রভৃতিরও
 উপায়ান্তর নাই ; উহাদিগের পাশে কোন কীটাদি
 পতিত নাত্র ঐ লূতা কীটেরা সত্ত্বরে তাহাদিগের নিকট-
 বর্তী হইয়া স্বীয় পাদদ্বারা লালবোঁগে তাহাদিগকে
 এরূপে আবদ্ধ করে যে, তাহাদের আর অঙ্গপ্রত্যঙ্গাদি
 চালিত করিবার কোন ক্ষমতা থাকে না, পরে ঐ উর্ণ-
 নাভেরা তাহাদিগের রসরক্ত আচুষণ করিলে ঐ কীট-
 গণ বাহ্য অবয়বের সহিত লতাপাশে জড়িত থাকিয়া
 অন্তরে অন্তর্হিত হয় । লাক্স নামক কীট দ্বারা জো বা

গালা প্রস্তুত ও মধুমক্ষিকা হইতে মোম মধু এইরূপ কত-
প্রকার কীট হইতে কত কৌশলে কতপ্রকার দ্রব্যাদি
উৎপন্ন হইতেছে তাহার ইয়ত্তা করা ভার । শ্বেদজ
সম্প্রদায়েরা সংগ্রাম বিষয়ে যেরূপ দক্ষ তাহা মনুষ্য
মাত্রেই হৃদয়কন্দরে বিশেষরূপে জাগরুক রহিয়াছে ।
দেখ মশকনামক কীট আমাদিগের বস্ত্ররচিত ছর্ভেদ্য
দুর্গে প্রবেশ পূর্বক আমাদিগের সর্কাসে পদাঘাত
করত শোণিত শোষণ করিতে থাকে ; আর মৎস্কুণ
নামক কীটেরা আমাদিগের উপাধান ও শয্যাাদিতে
শিথির সন্নিবেশিত করিয়া রজনীতে অশ্মাদির রুধির
পান করে ; কেশকীটেরা মস্তকে বিচরণ করত ব্যক্তি-
বাহের রজের ভাজন হয় ; এবং পিপীলিকা ও মক্ষিকা-
দিগের নিকটে আগর। সততই পরাস্ত রহিয়াছি ।
মৎস্যাদি যদিচ অণ্ডে জন্মগ্রহণ করে, তথাচ শাস্ত্রকারেরা
উহাদিগকে জলজকীট বলিয়া বর্ণনা করিয়াছেন । ঐ মৎস্য
হইতে পরম পবিত্র বেদের উদ্ধার হওয়ায় মৎস্যকে
প্রথম অবতার বলিয়া সকলে স্বীকার করিয়া থাকেন ।
কীটগণ যুক্তিমানসে পুষ্পসহবাসে দেবতার সন্নিধি লাভ
করিয়া থাকে, এবং প্রজাপতি পতঙ্গকে বিবাহের যোজক
কর্তা বলিয়া সকলে মান্য করিয়া থাকে । অতএব হে
জীব ! তুমি সামান্য কীটাদি হইতেও শ্রেষ্ঠ হইতে
পার না ।

উদ্ভিজ্জোপলক্ষে আত্মশাসন ।

হে জীব ! উদ্ভিদশ্রেণিস্থ পাদপপুষ্প ও লতা, গুল্ম বাল্লিসমূহ উহাদিগেব মূল, কাণ্ড, শাখানুশাখা, স্কন্ধ, পত্র, শিবা, ত্বক, নিবাস, বস, আঠা, মধু, মাতি, পুষ্প ফল, বীজ, জটা, নম্বা, কেশর, ইত্যাদি দ্বারা বহুবিধ খাদ্য, নানাপ্রকার ঔষধ, অশেষবিধ বস্ত্র ও বিবিধপ্রকার ক্ষোদিত নির্মিত শয়ন উপবেশন উপযোগী ও দ্রব্যাদির আধারাদি কোষাদি ইত্যাদি ইত্যাদি বহুল সামগ্রী দ্বারা মনুষ্যদিগের ভোজন শয়ন উপবেশন বসন ভূষণ পীড়া শাস্তি প্রভৃতি বিবিধ মহোপকারের আকররূপে প্রতীয়মান হইতেছে। এবং নরশ্রেণির বিষ বায়ু গ্রহণানন্তর অমৃতানিল সঞ্চালন করত জীবনরক্ষায় ও শরীরের সচ্ছন্দতা সম্পাদনে সতত তৎপর রহিয়াছে। যাহাদের শীতল ছায়া আতপতাপিত প্রাণিপুষ্পের পরম প্রণয়াস্পদ হইয়াছে, ঐ দ্রুমদলেরা পরম কার্ত্তনিক পরমেশ্বরকে তপোবলে বশীভূত করিয়া স্থায়ী তরুণ কলেবর স্বতন্ত্রকরণ পুংসব দেবদেবীর আকারে মানব-বর্গের পরম পূজনীয় হইয়াছে, যথা দারুণময় দেবদেবী ইত্যাদি। এবং কোন কোন পাদপ স্বয়ংই দেবতা রূপে নরবৃন্দের পূজা গ্রহণ করিতেছে, যথা নিম্ব, বিল্ব, অশ্বথ, ষট, হুলসী, মনুসা ইত্যাদি। আর উদ্ভিদজাত পর্বতগণ

ব্রহ্ম ক্ষুদ্র প্রস্তুতখণ্ডকরণক কারিগরদিগের সাহায্যে গৃহ, ও শয়ন, উপবেশন, এবং ভোজনপাত্র, পানপাত্র প্রভৃতি নানাবিধ দ্রব্য দ্বারা অশ্মদাদির মহৎ উপকার করিতেছে, এবং দেবাদির আকারে সকলেরই প্রশংসাজন হইয়াছে।

এবিধায় চতুর্বিধ ভূতগ্রামই যদি এইরূপেই প্রশংসনীয় হইল, তবে হে জীব ! তুমি কোন্ সাহসে কি বিধানে কাহার সাহায্যে ও কি যুক্তিতে সমস্ত প্রাণী হইতে শ্রেষ্ঠত্ব লাভ করিতে পার। হে জীব ! এই জগতীতলে সমস্ত বস্তু হইতে তুমি হীন ও হেয়, এক্ষণে চরমে পরম পদ পাইবার আশয়ে সেই পরম পবিত্র পরাৎপর নিত্য নিরঞ্জনের চিন্তা কর। এই কর্মভূমিতে তোনার তিনি ব্যতীত আর কেহই নাই। অতএব অনন্যকর্মা অনন্যধর্মা এবং অনন্যমনা হইয়া সেই একমেবাদ্বিতীয় মহাপুণ্যগৌরবাস্বিত সত্য সনাতনকে সন্তত সাধন করহ।

পরমহংসের নামাঙ্কক ।

দিন গত, কত কব, হইতেছে জীব ভব,
ভব-হাটে কোথায় টৈভব ।

চিন নাহি এ আপন, ইথে আপন, আপন,
আপণ বিষয়ে রত সব ॥

যাঁর ননে যাহা আছে, সেই তাহা খুঁজিতেছে,

পাইলে পলাবে তবে ছাড়ি ।

কে সহায় কার দায়, কেবা কার মুখ চায়,

সকলে করিছে তাড়াতাড়ি ॥

মুখস্ত সমস্ত স্নেহ, সম্মেহে না হেরে কেহ,

অহরহঃ লৌকিক ব্যাপারে ।

স্বীয় সাজে সারি সারি, পসারে যত পসারি,

সদা ব্যস্ত আপন ব্যাপারে ॥

তুলে তুলে কর তুল, কি অতুল কিবা তুল,

স্বূলে ভুল মূলে হলি হারা ।

বাহা কাজে হৈয়ে কাজ, দেখিছ ভোজের বাজি,

নাঝা নাঝি পুঁজি গেল নারা ॥

মিছে ভ্রম মান্য লাগি, গণ্য নহে শূন্যভাগি,

দৈন্য দেখে অন্য মহাজনে ।

অসার সংসারে মাতি, কেন ভ্রম দিবা রাত্তি,

তত্ত্ব কর সত্য সনাতনে ॥ ————— ১

পাইয়া বিপুল অর্থ, কি তত্ত্বে মত্ত অনর্থ,

আশার হইয়া বশীভূত ।

ধরিয়া আশার হাত, করিতেছ গতায়ত,

চ্যুতবুদ্ধে না ভাবি অচ্যুত ॥

দেখ জীব দিন দিন, হইতেছ অতি দীন,

ক্ষীণ বীৰ্য্য লীন বল বুদ্ধি ।

তথাপি সাধের বাধা, হয়ে সাধ যথাসাধা,
কিসে বুদ্ধি হইবে সমৃদ্ধি ॥

মনে মনে অনুরাগ, মনে মনে লঙ্কা ভাগ,
মনে মনে কত খেল খেলা ।

একি ভ্রম কব কারে, মহা সিন্ধু তরিবারে,
সম্বল কদলীতরু ভেলা ॥

লুতাকালে বাক্সি গিরি, দোলাইতে সাধ করি,
যত্নযুক্ত একি চমৎকার ।

ধরিতে গগন-চাঁদ, ভূতলে পাতিলে ফাঁদ,
নখে টোল করিবে বিদার ॥

ছেদিতে লৌহশৃঙ্খল, লয়েছ কমলদল,
সাহস পেয়েছ কোন জানে ।

অসার সংসারে মাতি, কেন ভ্রম দিবারাতি,
তত্ত্ব কর সত্য সনাতনে ॥ ———— ২

চুপে চুপে ছায়া রিপু, ঘেরিছে তোমার বপু,
হাপুগণে ভ্রমিবি রে কত ।

নাহি মিলালি বিভূতে, তোমার এপক্ষ ভূতে,
সকলি হইল ভূতগত ॥

তুমি খোঁজ কার ছিদ্র, পায়ে কাল তব ছিদ্র,
আঙ্গি তব নবচ্ছিদ্র ঘরে ।

হেতু তোমার নিধন, হরে তব আয়ু-ধন,
নিজাগত তুমি মায়া-ঘোরে ॥

ভাজি নিদ্রা উঠ জীব, বল সদা সদাশিব,
তবে শিব হইবে তোমার ।

নতুবা নিস্তার অন্ত, বিস্তার করিয়া হস্ত,
আসিছে শমন দুর্নিবার ॥

এখন সতর্ক হয়ে, কুতর্কেতে ক্ষমা দিয়ে,
সতর্ক সোপানে কর গতি ।

নিছে হই হই রবে, ভ্রমণ করিয়া তবে,
আর কেন লভিছ দুর্গতি ॥

অনিবার অহঙ্কার, নাহি তার প্রতিকার,
হাহাকার রব মনে মনে ।

অসার সংসারে মাতি, কেন ভ্রম দিবা রাত্রি,
তত্ত্ব কর সত্য সনাতনে ॥ ——— ৩

মাতা পিতা ভগ্নী ভ্রাতা, দুহিতা পুত্র বনিতা,
ইত্যাদি মায়া'র পরি হার ।

পরিহার নাহি মনে, আহা'র বিহার মনে,
এ সংসারে তুমিই সং-সার ॥

মুকুর করেছে ধরি, হাস্য আস্য দৃশ্য করি,
বিশ্ব পশ্য নস্যের আধার ।

নশ্বর বপুর কাস্তি, দেখেও ঈশ্বরে ভ্রাস্তি,
ক্রাস্তি গ্রস্থি ফেলি রত্নভার ॥

হরিদ্রাক্ত পীতবর্ণ, ফুল ফল আদি পর্ণ,
লতা'দি পাদপে শোভা হয় ।

বালা বৃদ্ধ যুবকাদি, রূপান্তর আছে যদি,
চিরস্থায়ি কিছু মাত্র নয় ॥

জ্ঞান বৃদ্ধি হয় শশী, শুভ ভ্রমোন্ময় নিশি,
ঋতুভেদে তাত বাত শীত ।

শোভিতেছে দিবাকর, অয়নাংশে তাবান্তর,
নক্ষত্রাদি এই ভাবে স্থিত ॥

গিরি গুল্ম তরু জীব, সমস্ত বস্তু নির্জীব,
সৃষ্টি লয় হয় কণে কণে ।

অসার সংসারে মাতি, কেন ভ্রম দিবারাতি,
তত্ত্ব কর সত্য সনাতনে ॥—————৪

টল টল পাতঙ্গল, সঞ্চয়া করে সাক্ষ্য দল,
নৈয়ায়িক ন্যায়ে নাহি পায় ।

বৈশেষিক বিপ্লবান্ত, বেদান্ত না হয় কান্ত,
চূড়ান্ত করিতে নীমাংসায় ॥

পুরাণ পুরাণ খেদ, নানা মতে ভেদাভেদ,
শ্রুতিবলে অভেদ অকাট্য ।

ঘাটে মাঠে মঠে তটে, ঘটে পটে রটে বটে,
বেদে পঠে একমাত্র পাঠ্য ॥

নহে রান শ্যাম শ্যামা, উমা, ধূমাবতী, ভীমা,
নহে ব্রহ্মা বিষ্ণু শিব শিবা ।

নহে জল নহে স্থল, নহে আকাশ অনল,
নহে মেঘ বায়ু রাজি দিবা ॥

নহে রক্ত গীত বর্ণ, নহে ধাতু রোপ্য স্বর্ণ,
নহে পর্ণ লতা, তরুণবর ।

নহে বার তিথি রাশি, নহে গয়া গঙ্গা কাশী,
নহে কাষ্ঠ লৌহ, ধরাধর ॥

বাচকগণের যাচা, বাচকের হন বাচা,
প্রণবে পবিত্র জ্ঞান ভনে ।

অন্নায় সংসারে মাতি, কেন ভ্রম দিবারাতি,
ভক্ত কর সত্য সনাতনে ॥———৫

যাহার কুপার গুণে; খেচর ভূচরগণে,
চরাচরে চরে নিত্য সুখে ।

অনন্ত অন্তর-যামী, যিনি হন সৰ্ব্বস্বামী,
সৰ্ব্বগামী সৰ্ব্ব জীবে দেখে ॥

হস্ত পদ তাঁর কুজ, নাহি নাসা কর্ণ নেত্র,
নাহি গাত্র, মাত্র জ্যোতির্ময় ।

স্বর্ঘ্যমণ্ডলেতে ধাম, পরম পুরুষ নাম,
পরোরজ বেদে এই কয় ॥

কেহ কহে নিরাকার, কেহ বা কহে সাকার,
কেহ কহে সদানন্দ ধাম ।

কেহ কহে স্বতঃ সত্য, মহত্ত্ব তথ্য নিত্য,
পরমাত্ম তত্ত্ব আত্মারাম ॥

অনাদি নাহিক আদ্য, ইন্দ্রিয়ের নহে বেদ্য,
অক স্পর্শ গন্ধ রস রূপ ।

ইত্যাতির নহে গম্য, বৈষম্য বাহার দম্য,
 সিদ্ধ কার্যে সৰ্ব্বগম্যরূপ ॥
 ব্রহ্মচারি বানপ্রস্থ, দণ্ডি প্রভৃতি গৃহস্থ,
 যোগী ঋষি রত যাঁর ধ্যানে ।
 অসার সংসারে মাতি, কেন ভ্রম দিবা বাতি,
 তত্ত্ব কর সত্য সনাতনে ॥ ——— ৬
 কক্ক উক্কপদে জপ, জঠরে কঠোর তপ,
 করিয়া স্মরিয়া যাঁর নাম ।
 বিনষ্ট হইয়া কষ্ট, ভূমিতে হলি ভূমিষ্ট,
 ইষ্টনিষ্ঠ সিদ্ধমনস্কাম ॥
 বাল্যভোগে হয়ে ভোগী, ঐশ্বৰ্য্যভোগের ভাগি,
 যৌবনে হইয়ে ভুলে গেলি ।
 অবতীর্ণ তুর্ণ জীর্ণ, ক্রমে কালবর শীর্ণ,
 কালের কনলে হাঁবি ডালি ॥
 ছাড় ওরে রঙ্গ ভঙ্গ, লীলা খেলা দাও ভঙ্গ,
 মাতঙ্গ ভুবঙ্গ যানে গতি ।
 পরি বহু পরিচ্ছদ, প্রকাশিছ ধন-মদ,
 আমোদ প্রমদে মত্ত অতি ॥
 ঘড়ি ছড়ি যুড়ি গাড়ি, চেড়ি বাড়ি নাড়াবাড়ি,
 শীরে শোভে সুবর্ণ পাগড়ি ।
 নাহি পাবে কড়াকড়ি, সকলি রহিবে পড়ি,
 অশানে যাইবে গড়াগড়ি ॥

অন্তএব দেখে তেবে, কিছু সঙ্গে নাহি যাবে,

দেখা মাত্র নিশির স্বপনে ।

অসার সংসারে মাতি, কেন ভ্রম দিবারাতি,

ভক্ত কর সভ্য সনাতনে ॥—————৭

সুগন্ধি পুষ্পের ভার, চন্দনচর্চিত হার,

অঙ্গে ধরি কত হাব তাব ।

বাতুল যে অঙ্গরাগে, অতুল ঐশ্বর্য্য তোগে,

এ রোগের ঔষধ অভাব ॥

বরষা তপনাতপে, আতপত্রে রাখি কেঁপে,

উপানহে পাদ-আবরণ ।

করিতে নীতোপশম, অঙ্গে রেসম পশম,

ধরি কর অনল সেবন ॥

আহার বিহারে ক্লান্ত, করে ধরি তালবৃন্ত,

ব্যজন সুখেতে নিদ্রা যাও ।

কুশাকুর ঠেকে পায়, মুখে ডাক বাপ মায়,

মর্মান্তিক কত ব্যথা পাও ॥

চক্ষু খুলি থাকে কাকে, তখন ডাকিবে কাকে,

কিংবা ফেরে মেরুদণ্ড থাকে ।

অথবা কাষ্ঠের সনে, প্রজ্বলিত হতাশনে,

দাহমান হবি জীব যবে ॥

তাই বলি শুন যুক্তি, যতক্ষণ আছে শক্তি,

ভুল না রে নিত্য নিরঞ্জনে ।

অসার সংসারে মাতি, কেন জন্ম দিবারাতি,

ভক্ত কর সত্য সনাতনে ॥ ————— ৮

গীত—রাগিণী বাহার, তাল ধ্রুপদ ।

বন্দে পুরুষ প্রধান ।

পবিত্র পরমিহ, ভূতভাবন ভূতাতীত

যেন ভূতনাথ ভাতি ভগবান ॥

নক্ষত্র রাত্রি দিবা দিবাকর, পবন পুরন্দর শশধর,

নিরাদি অগ্নি নিকর আকর, অনাদ্য নিধি নিত্য নিধান ॥

বিশ্ব বিভাতি জ্যোতি প্রভিতাষে, ষড়ঙ্গ বেদ বিধি বিকাশে,

ব্রহ্মজ্ঞানে ব্রহ্মপদ আশে, ব্রহ্মা বিষ্ণু শিব করে ধ্যান ॥

অনিভা জগতে কেন মত্ত, বার্থ অর্থে সদা সমর্থ,

নিত্য নিত্য সাধ সে ভক্ত, স্বভঃ সত্য ভক্ত বিধান ॥

সমাপ্ত ।

বিজ্ঞাপন ।

এই পুস্তক বীহার প্রয়োজন হইবে, তিনি গিরিশ-
বিদ্যারত্ন যন্ত্রালয়ে, অথবা তেলিনীপাড়াস্থ শ্রীলক্ষ্মীযুক্ত
বাবু রাজকৃষ্ণ বন্দ্যোপাধ্যায় মহাশয়ের বাটীতে কিংবা
লহর করাসিডাঙ্গার অন্তঃপাতি লাড়ুয়ার মোন সাকিনে
গ্রন্থকর্তার বাটীতে পাইবেন ।

